

## МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ

*Разумно да будет,  
како подобает особь пети Псалтирь*

*Аще иерей, глаголет:*

**Благословен Бог наш, всегда, ныне и присно и во веки веков.**

*Аще ли ни, глаголи умиленно:* **Молитвами святых отец наших, Господи Иисусе Христе Боже наш, помилуй нас.**

**Аминь. Царю Небесный. Трисвятое. И по Отче наш...**

*Тропари сия, глас 6*

**Помилуй нас, Господи, помилуй нас, всякаго бо ответа недоумеюще, сию Ти молитву яко Владыце грешнии приносим: помилуй нас.**

*Слава:* **Честное пророка Твоего, Господи, торжество, Небо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуиа.**

*И ныне:* **Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу и моли Сына Твоего и Бога нашего дати ми оставление, яже содеях лютых, Единая Благословенная.**

**Господи, помилуй (40).** *И поклонися, елико ти мощно.*

**Таже молитва  
Святей Живоначальной Троице**

**Всесвятая Троице, Боже и Содетелю всего мира, поспеши и направи сердце мое, начати с разумом и кончати дела благими богодухновенныя сия книги, яже Святыи Дух усты Давидовы отрыгну, ихже ныне хочу глаголати аз, недостойный, разумя же свое невежество, припадая молюся Ти, и еже от Тебе помощи прося: Господи, управи ум мой и утверди сердце мое, не о глаголании устен стужати си, но о разуме глаголемых веселитися, и приготovitися на творение добрых дел, яже учуся, и глаголю: да добрыми делы просвещен, на судищи десныя Ти страны причастник буду со всеми избранными Твоими. И ныне, Владыко, благослови, да, воздохнув от сердца, и языком воспою, глаголя сие:**

**Приидите, поклонимся Цареву нашему Богу.**

**Приидите, поклонимся и припадём Христу, Цареву нашему Богу.**

**Приидите, поклонимся и припадём Самому Христу, Цареву и Богу нашему.**

Таже постой мало, дондеже утишатся вся чувства. Тогда сотвори начало не вскоре, без лености, со умилением и сокрушенным сердцем. Рцы сие: «Блажен муж...» тихо и разумно, со вниманием, а не борзяся, якоже и умом разумевати глаголемая.

# Давида пророка и царя песнь

## КАФИСМА ПЕРВАЯ

Псалом Давиду,  
не написан у еврей, 1

<sup>1</sup> Блажен муж, иже не иде на совет нечистивых и на пути грешных не ста, и на седалищи губителей не седе, <sup>2</sup> но в законе Господни воля его, и в законе Его поучится день и ночь. <sup>3</sup> И будет яко древо насажденное при исходящих вод, еже плод свой даст во время свое, и лист его не упадет, и вся, елика аще творит, успеет. <sup>4</sup> Не тако нечестивии, не тако, но яко прах, егоже возметает ветер от лица земли. <sup>5</sup> Сего ради не воскреснут нечестивии на суд, ниже грешницы в совет праведных. <sup>6</sup> Яко весть Господь путь праведных, и путь нечистивых погибнет.

Псалом Давиду, 2

<sup>1</sup> Вскую шаташася языцы, и людие поучишася тщетным? <sup>2</sup> Предсташа царие земстии, и князи собрашася вкупе на Господа и на Христа Его. <sup>3</sup> Расторгнем узы их и отвержем от нас иго их. <sup>4</sup> Живый на Небесех посмеется им, и Господь поругается им. <sup>5</sup> Тогда возлаглет к ним гневом своим и яростию Своею смятет я. <sup>6</sup> Аз же поставлен есмь Царь от Него над Сионом, горю святою его, <sup>7</sup> возвещаяй повеление Господне. Господь рече ко Мне: Сын Мой еси Ты, Аз днесь родих Тя. <sup>8</sup> Проси от Мене, и дам Ти языки достояние Твое, и одержание Твое концы земли. <sup>9</sup> Упасеши я жезлом железным, яко сосуды скудельничии сокрушиши я. <sup>10</sup> И ныне, царие, разумейте, накажитесь вси судящии земли. <sup>11</sup> Работайте Господеви со страхом и радуйтеся Ему с трепетом. <sup>12</sup> Примите наказание, да не когда прогневается Господь и погибнете от пути праведного, егда возгорится вскоре ярость Его. Блажени вси надеющиеся Нань.

<sup>1</sup> Псалом Давиду,  
Внегда отбегаше от лица Авессалома,  
Сына своего, 3

<sup>2</sup> Господи, что ся умножиша стужающии ми? Мнози востают на мя, <sup>3</sup> мнози глаголют души моей: несть спасения ему в Бозе его. <sup>4</sup> Ты же, Господи, Заступник мой еси, слава моя и возносяй главу мою. <sup>5</sup> Гласом моим ко Господу возвах, и услыша мя от горы святыя Своея. <sup>6</sup> Аз уснух, и спях, востах, яко Господь заступит мя. <sup>7</sup> Не убоюся от тем людей, окрест нападающих на мя. <sup>8</sup> Воскресни, Господи, спаси мя, Боже мой, яко Ты порази еси вся враждующия ми всуе: зубы грешников сокрушил еси. <sup>9</sup> Господне есть спасение, и на людех Твоих благословение Твое.

*Слава:*

<sup>1</sup> В конец, в песнях  
псалом Давида, 4

<sup>2</sup> внемда призвати ми, услыша мя Бог правды моея, в скорби распространил мя еси, ущедри мя и услыши молитву мою. <sup>3</sup> Сынове человечести, доколе тяжкосердии? Вскую любите суету и ищите лжи? <sup>4</sup> И уведите, яко удивил Господь преподобнаго Своего: Господь услышит мя, внемда воззвати ми к Нему. <sup>5</sup> Гневайтесь, и не согрешайте, яже глаголете в сердцах ваших, на ложах ваших умилитесь. <sup>6</sup> Пожрите жертву правды и уповайте на Господа. <sup>7</sup> Мнози глаголют: кто явит нам благая? Знаменася на нас свет лица Твоего, Господи. <sup>8</sup> Дал еси веселие в сердце моем: от плода пшеницы, вина и елеа своего умножишася. <sup>9</sup> В мире вкупе усну и почию, яко Ты, Господи, единого на уповании вселил мя еси.

<sup>1</sup> О наследствующем,  
псалом Давиду, 5

<sup>2</sup> Глаголы моя внуши, Господи, разумей звание мое. <sup>3</sup> Вонми гласу моления моего, Царю мой и Боже мой, яко к Тебе помолюся, Господи. <sup>4</sup> Заутра услыши глас мой, заутра предстану Ти, и узриши мя. <sup>5</sup> Яко Бог не хотяй беззакония, Ты еси: не приселится к Тебе лукавнуяй, <sup>6</sup> ниже пребудут беззаконницы пред очима Твоима: возненавидел еси вся делающыя беззаконие. <sup>7</sup> Погубиши вся глаголющыя лжу: мужа кровей и лстыва гнушается Господь. <sup>8</sup> Аз же множеством милости Твоея, вниду в дом Твой, поклонюся ко храму святому Твоему, в страхе Твоем. <sup>9</sup> Господи, настави мя правдою Твоею, враг моих ради исправи пред Тобою путь мой. <sup>10</sup> Яко несть во устех их истины, сердце их суетно, гроб отверст гортань их: языки своими льщаху. <sup>11</sup> Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. <sup>12</sup> И да возвеселятся вси уповающи на Тя, во век возрадуются, и вселишися в них и похвалятся о Тебе любящии имя Твое. <sup>13</sup> Яко Ты благословиши праведника, Господи: яко оружием благоволения венчал еси нас.

<sup>1</sup> В конец, в песнях о осмом,  
псалом Давиду, 6

<sup>2</sup> Господи, да не яростию Твоею обличиши мене, ниже гневом Твоим накажеша мене. <sup>3</sup> Помилуй мя, Господи, яко немощен есмь, исцели мя, Господи, яко смятошася кости моя. <sup>4</sup> И душа моя смятется зело: и Ты, Господи, доколе? <sup>5</sup> Обратися, Господи, избави душу мою: спаси мя ради милости Твоея. <sup>6</sup> Яко несть в смерти поминаяй Тебе: во аде же кто исповестся Тебе? <sup>7</sup> Утрудихся воздыханием моим, измыю на всяку ночь ложе мое, слезами моими постелю мою омочу. <sup>8</sup> Смятется от ярости око мое, обетшах во всех вразех моих. <sup>9</sup> Отступите от мене, вси делающии беззаконие, яко услыша Господь глас плача моего: <sup>10</sup> услыша Господь моление мое, Господь молитву мою прият. <sup>11</sup> Да постыдятся и смятутся вси врази мои, да возвратятся и устыдятся зело вскоре.

*Слава:*

<sup>1</sup> Псалом Давиду, егоже воспет  
Господеви о словесех Хусиевых,  
Сына Иемениина, 7

<sup>2</sup> Господи Боже мой, на Тя уповах, спаси мя от всех гонящих мя и избави мя: <sup>3</sup> да не когда похитит яко лев душу мою, не сущу избавляющую, ниже спасающую. <sup>4</sup> Господи Боже

мой, аще сотвори́х сие́, аще есть неправда в руку́ мою́, <sup>5</sup> аще возда́х возда́ющим ми зла, да отпаду́ убо́ от враг мои́х тощ. <sup>6</sup> Да пожене́т убо́ враг ду́шу мою́ и да пости́гнет, и попере́т в зе́млю живо́т мой, и сла́ву мою́ в персть всели́т. <sup>7</sup> Воскресни́, Го́споди, гне́вом Твои́м, вознеси́ся в конца́х враг Твои́х, и востани́, Го́споди Бо́же мой, повеле́нием, имже́ запове́дал еси́. <sup>8</sup> И сонм люде́й обы́дет Тя, и о том на высоту́ обрати́ся. <sup>9</sup> Госпо́дь су́дит люде́м: суди́ ми, Го́споди, по правде мое́й, и по незло́бе мое́й на мя. <sup>10</sup> Да сконча́ется злоба́ грешных, и исправи́ши пра́веднаго, испыта́й сердца́ и утробы́, Бо́же, пра́ведно. <sup>11</sup> Помо́щь моя́ от Бо́га, спаса́ющаго пра́вья се́рдцем. <sup>12</sup> Бог суди́тель пра́веден и кре́пок, и долготерпели́в, и не гнев наводи́й на всяк день. <sup>13</sup> Аще не обрати́тся, ору́жие Своё очи́стит, лук Свой напярже́ и угото́ва и́ <sup>14</sup> и в нем угото́ва сосу́ды сме́ртныя, стрелы́ Сво́я сгара́емым соде́ла. <sup>15</sup> Се боле́ неправдо́ю, зача́т боле́знь, и роди́ беззакони́е: <sup>16</sup> ров изры́, и ископа́ и́, и паде́т в я́му, ю́же соде́ла. <sup>17</sup> Обрати́тся боле́знь его́ на главу́ его́, и на верх его́ неправда́ его́ сни́дет. <sup>18</sup> Испове́мся Го́сподеви по правде́ Его́ и пою́ имени́ Го́спода Вы́шняго.

<sup>1</sup> В конце́, о точилех,  
псалом Давиду, 8

<sup>2</sup> Го́споди, Госпо́дь наш, я́ко чу́дно и́мя Твоё по всей землі, я́ко взя́тся великолэ́ние Твоё превы́ше небес. <sup>3</sup> Из уст младе́нец и ссу́щих соверши́л еси́ хвалу́, враг Твои́х ра́ди, е́же разруши́ти врага́ и ме́стника. <sup>4</sup> Я́ко узрю́ небеса́, дела́ перст Твои́х, луну́ и зве́зды, я́же Ты основа́л еси́. <sup>5</sup> Что есть челове́к, я́ко по́мниши его́? или́ сын челове́чь, я́ко посеща́еши его́? <sup>6</sup> Ума́лил еси́ его́ ма́лым чим от а́нгел, сла́вою и че́стию венча́л еси́ его́. <sup>7</sup> И поста́вил еси́ его́ над де́лы руку́ Твоёю, вся покори́л еси́ под но́зе его́. <sup>8</sup> Овцы́ и во́лы вся, е́ще же и скоты́ польски́я, <sup>9</sup> пти́цы небесны́я, и ры́бы морски́я, прехо́дящя стези́ морски́я. <sup>10</sup> Го́споди, Госпо́дь наш, я́ко чу́дно и́мя Твоё по всей землі.

*По 1-й кафисме, Трисвятое,  
Пресвятая Троице... Отче наш...*

Тропарь, глас 1: В беззаконіих зачався аз, блудный, не дерзаю взирати на высоту́ Небесную, но дерзая на человеколюбие Твое, зову́: Бо́же, очи́сти мя, грешнаго, и спаси́ мя.

Аще пра́ведник едва́ спаса́ется, аз где явлю́ся, грешный? Тяготы́ и зно́я дневно́го не понесо́х, но с наёмники́ единонадеся́того часа́ сопричти́ мя, Бо́же, и спаси́ мя.

*Слава:* Объятія Отча отвёрсти ми потщися, блудно моё иждих житіе, на богатство неиждиваемое взираяй щедрот Твоих, Спасе, ныне обнищавшее моё да не презриши се́рдце. Тебе́ бо, Го́споди, умиле́нием зову́: согреших на Небо и пред Тобо́ю.

*И ныне:* Упование христиа́н, Пресвятая́ Де́во, Его́же родила́ еси́ Бо́га па́че ума́ же и сло́ва, непреста́нно моли с го́рними си́лами да́ти оставле́ние грехо́в, нам всем и исправле́ние жити́я, ве́рою и любви́ю при́сно Тя чту́щим.

Го́споди, поми́луй (40) и молитва:

Влады́ко Вседержи́телю, Непостижи́ме, нача́ло све́та и преу́мная си́ло, и́же Ипоста́сного Сло́ва Оте́ц и еди́носильнаго Твоего́ Ду́ха испусти́тель: милосе́рдныя ра́ди ми́лости и неизрече́нныя бла́гости не презре́вый челове́ческого естества́, тмо́ю греха́ содержи́мого, но Божество́нными све́ты священны́х Твои́х учений, зако́ном и проро́ки свети́вый ми́ру, последи́ же нам того́ еди́нороднаго Твоего́ Сы́на Благоволи́вый плоти́ю возсия́ти и ко осия́нию нас Твоего́ просвеще́ния наста́вити: да бу́дут уши́ Твои́ внёмлюще гла́су моле́ния нашего́, и да́руй нам, Бо́же, во бде́нном и трезвенном се́рдце, всю настоя́щего жити́я но́щь преи́ти, ожида́ющим прише́ствия Сы́на Твоего́ и Бо́га нашего́, суди́и всех, да не возлежа́ще и спя́ще, но бо́дрствующе́ и воздви́жени в де́лание за́поведей

Твоих обрящемся и в радость Его совнидем, идеже празнующих глас непрестанный, и неизреченная сладость зрящих Твоего лица доброту неизглаголанную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

## КАФИСМА ВТОРАЯ

<sup>1</sup> В конец, о тайных Сына,  
псалом Давиду, 9

<sup>2</sup> Исповемся Тебе, Господи, всем сердцем моим, повем вся чудеса Твоя. <sup>3</sup> Возвеселюся и возрадуюся о Тебе, пою имени Твоему, Вышний. <sup>4</sup> Внегда возвратится врагу моему вспять, изнемогут и погибнут от лица Твоего. <sup>5</sup> Яко сотворил еси суд мой и прою мою, сел еси на Престоле, судяй правду. <sup>6</sup> Запретил еси языком, и погibe нечестивый, имя его потребил еси в век и в век века. <sup>7</sup> Врагу оскудеша оружия в конец, и грады разрушил еси, погibe память его с шумом. <sup>8</sup> И Господь во век пребывает, уготова на суд Престол Свой, <sup>9</sup> и Той судити иматъ вселенней в правду, судити иматъ людем в правоте. <sup>10</sup> И бысть Господь прибежище убогому, помощник во благовременных, в скорбех. <sup>11</sup> И да уповают на Тя знающие имя Твое, яко не оставил еси взыскающих Тя, Господи. <sup>12</sup> Пойте Господеву, живущему в Сионе, возвестите во языцех начинания Его, <sup>13</sup> яко взыскай крови их помяну, не забудь звания убогих. <sup>14</sup> Помилуй мя, Господи, виждь смирение мое от враг моих, возносай мя от врат смертных, <sup>15</sup> Яко да возвещу вся хвалы Твоя во вратах дщере Сиони, возрадуемся о спасении Твоем. <sup>16</sup> Углебоша языцы в пагубе, юже сотвориша, в сети сей, юже скрывает, увязе нога их. <sup>17</sup> Знаемъ есть Господь судьбы творяй, в делех руку своею увязе грешник. <sup>18</sup> Да возвратятся грешницы во ад, вси языцы забывающие Бога. <sup>19</sup> Яко не до конца забвен будет нищий, терпение убогих не погибнет до конца. <sup>20</sup> Воскресни, Господи, да не крепится человек, да судятся языцы пред Тобою. <sup>21</sup> Постави, Господи, законоположителя над ними, да разумуют языцы, яко человецы суть. <sup>22</sup> Вскую, Господи, отстоя далече, презираеши во благовременных, в скорбех? <sup>23</sup> Внегда гордиться нечестивому, возгарается нищий, увязают в советех, яже помышляют. <sup>24</sup> Яко хвалимъ есть грешный в похотех души своея, и обидяй благословимъ есть. <sup>25</sup> Раздражи Господа грешный, по множеству гнева своего не взыщет, несть Бога пред ним. <sup>26</sup> Оскверняются пути его на всяко время, отъемлются судьбы Твоя от лица его, всеми враги своими обладает. <sup>27</sup> Рече бо в сердце своем, не подвижуся от рода в род без зла, <sup>28</sup> егоже клятвы уста его полна суть, и горести и лести, под языком его труд и болезнь. <sup>29</sup> Приседит в ловителстве с богатыми в тайных, еже убить неповиннаго, очи его на нищаго призираете. <sup>30</sup> Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и в сети своей. <sup>31</sup> Смирит его, преклонится и падет, внегда ему обладати убогими. <sup>32</sup> Рече бо в сердце своем: забудь Бог, отврати лице Свое, да не видит до конца. <sup>33</sup> Воскресни, Господи Боже мой, да вознесется рука Твоя, не забуди убогих Твоих до конца. <sup>34</sup> Чесо ради прогнева нечестивый Бога? Рече бо в сердце своем, не взыщет. <sup>35</sup> Видиши, яко Ты болезнь и ярость сматраеши, да предан будет в руке Твои, Тебе оставлен есть нищий, сиру Ты буди помощник. <sup>36</sup> Сокруши мышцу грешному и лукавому, взыщется грех его и не обрящется. <sup>37</sup> Господь Царь во век и в век века, погибнете, языцы, от земли Его. <sup>38</sup> Желание убогих услышал еси, Господи, уготованию сердца их внят ухо Твое. <sup>39</sup> Суди сиру и смирену, да не приложит ктому величатися человек на земли.

В конѣц, псалом Давиду, 10

<sup>1</sup> На Господа уповах, како речете души моей: превитай по горам, яко птица? <sup>2</sup> Яко се, грѣшницы налякоша лук, уготоваша стрѣлы в туле, состреляти во мрѣце правыя сердцем. <sup>3</sup> Зане яже Ты совершил еси, они разрушиша, праведник же что сотвори? Господь во храмѣ святѣм Своем. <sup>4</sup> Господь, на Небесѣх Престол Его, очи Его на нищаго призираете, вежди Его испытаете сыны человеческия. <sup>5</sup> Господь испытает праведнаго и нечестиваго, любяй же неправду ненавидит свою душу. <sup>6</sup> Одождит на грѣшники сѣти, огонь и жупел, и дух бурен часть чаши их. <sup>7</sup> Яко праведен Господь, и правды возлюбѣ, правоты виде лице Его.

Слава:

<sup>1</sup> В конѣц, о осмей,  
псалом Давиду, 11

<sup>2</sup> Спаси мя, Господи, яко оскудѣ преподобный, яко умалишася истины от сыновъ человеческих. <sup>3</sup> Суетная глагола кийждо ко искреннему своему, устне лстывыя в сердце, и в сердце глаголаша злая. <sup>4</sup> Потребит Господь вся устны лстывыя, языкъ велеречивый, <sup>5</sup> рекшыя: языкъ нашъ возвеличим, устны наша при насъ суть, кто намъ Господь есть? <sup>6</sup> Страсти ради нищихъ и въздыханія убогихъ ныне воскресну, глаголетъ Господь, положуся во спасеніе, не обвинюся о нем. <sup>7</sup> Словеса Господня словеса чиста, сребро разжжено, искушено земли, очищено седмерицею. <sup>8</sup> Ты, Господи, сохраниши ны и соблюдеши ны от рода сего и во век. <sup>9</sup> Окрест нечестивии ходятъ, по высотѣ Твоей умножил еси сыны человеческия.

<sup>1</sup> В конѣц,  
псалом Давиду, 12

<sup>2</sup> Доколье, Господи, забудеши мя до конца? Доколье отвращаеши лице Твое от мене? <sup>3</sup> Доколье положу советы в души моей, болѣзни в сердце моемъ день и ночь? Доколье вознесется врагъ мой на мя? <sup>4</sup> Призри, услыши мя, Господи Боже мой, просвети очи мои, да не когда усну в смерть, да не когда речетъ врагъ мой, укрепихся на него. <sup>6</sup> Стужающии ми возрадуются, аще подвижуся. <sup>7</sup> Аз же на милость твою уповах, возрадуется сердце мое о спасеніи Твоемъ, воспую Господеви благодѣявшему мне и пою имени Господа Вышняго.

В конѣц,  
псалом Давиду, 13

<sup>1</sup> Рече безумен в сердце своемъ, несть Богъ. Раствлѣша и омерзѣшася в начинаниихъ, несть творяй благостыню. <sup>2</sup> Господь с Небесѣхъ приниче на сыны человеческия, видети, аще есть разумевай или зыскай Бога. <sup>3</sup> Всеи уклонѣшася, вкупе неключими быша: несть творяй благостыню, несть до единаго. <sup>4</sup> Ни ли уразумеютъ всеи дѣлающии беззаконіе, снѣдающии люди моя в снѣдь хлѣба? Господа не призваша. <sup>5</sup> Тамъ убояшася страха, идеже не бе страхъ, яко Господь в родѣ праведныхъ. <sup>6</sup> Советъ нищаго посрамите, Господь же упование его есть. <sup>7</sup> Кто дастъ от Сиона спасеніе Израилево? <sup>8</sup> Внегда возвратитъ Господь плененіе людей Своихъ, возрадуется Иаковъ, и возвеселится Израиль.

Слава:



В концѣ,  
псалом Давиду, 14

<sup>1</sup> Гóсподи, кто обитáет в жилищи Твоём? Или кто вселится во святу́ю гóру Твою? <sup>2</sup> Ходя́й непорóчен и дѣлаяй правду, глаго́ляй истину в сѣрдце своём. <sup>3</sup> Иже не ульсти́ языком своим и не сотвори́ искреннему своему́ зла, и поношѣния не при́ят на б́лижня своя. <sup>4</sup> Уничижѣн есть пред ним лука́внуяй, боя́щяся же ся Гóспода сла́вит, кленыйся искреннему своему́ и не отмета́ясь. <sup>5</sup> Сребра́ своего́ не даде́ в лихву и мзды на непови́нных не при́ят. Твори́ сия́ не подви́жится во век.

Столпописание Давиду, 15

<sup>1</sup> Сохрани́ мя, Гóсподи, я́ко на Тя упова́х. <sup>2</sup> Рех Гóсподеви: Господь мой еси Ты, я́ко благих моих не тре́буеши. <sup>3</sup> Святым, иже суть на земли́ Его, удиви́ Господь вся хотѣния Своя́ в них. <sup>4</sup> Умно́жишася нѣмощи их, по сих ускори́ша: не соберу́ собóры их от крове́й, ни помяну́ же имѣн их устна́ма моима. <sup>5</sup> Господь часть достоя́ния моего́ и ча́ши моея́, Ты еси́ устроя́й достоя́ние моѣ́ мне. <sup>6</sup> Узя́ нападóша ми в державных моих, и́бо достоя́ние моѣ́ державно́ есть мне. <sup>7</sup> Благословлю́ Гóспода, вразуми́вшаго мя, ещё́ же и до но́щи нака́заша мя утробы́ моя́. <sup>8</sup> Предзрѣх Гóспода предó мно́ю вѣну, я́ко одесну́ю менѣ́ есть, да не подви́жуся. <sup>9</sup> Сего́ ра́ди возвесели́ся сѣрдце моѣ́, и возра́довася язык мой, ещё́ же и плоть моя́ вселится на упова́нии. <sup>10</sup> Я́ко не оста́виши ду́шу мою́ во а́де, ниже́ да́си преподо́бному Твоему́ видети́ ислѣ́ния. <sup>11</sup> Сказáл ми еси́ пути́ животá, испóлниши мя весѣ́лия с лицѣ́м Твоимъ, красота́ в десни́це Твоѣй в концѣ́.

Моли́тва Давиду, 16

<sup>1</sup> Услы́ши, Гóсподи, правду мою́, вонми́ молѣ́нию моему́, внуши́ моли́тву мою́ не во устна́х льсти́вых. <sup>2</sup> От лица́ Твоего́ судьба́ моя́ изы́дет, о́чи мой да видита́ правоты́. <sup>3</sup> Искусил еси́ сѣрдце моѣ́, посетил еси́ но́щию, искусил мя еси́, и не обрѣ́теся во мне неправда. <sup>4</sup> Я́ко да не возглаго́лют уста́ моя́ дел челове́ческих, за словеса́ устенъ Твои́х аз сохрани́х пути́ жѣстоки. <sup>5</sup> Соверши́ стопы́ моя́ во стезя́х Твои́х, да не подви́жутся стопы́ моя́. <sup>6</sup> Аз воззва́х, я́ко услы́шал мя еси́, Бóже, приклони́ у́хо Твоѣ́ мне и услы́ши глаго́лы моя́. <sup>7</sup> Удиви́ мило́сти Твоя́, спаса́яй упова́ющыя на Тя от проти́влящихся десни́це Твоѣй. <sup>8</sup> Сохрани́ мя, Гóсподи, я́ко зѣницу о́ка, в крове́ крилу́ Твоѣю́ покрѣ́еши мя. <sup>9</sup> От лица́ нечестивых остра́стших мя, врази́ мой ду́шу мою́ одержáша. <sup>10</sup> Тук свой затвори́ша, уста́ их глаго́лаша горды́ню. <sup>11</sup> Изгоня́щии мя ны́не обыдо́ша мя, о́чи свой возложи́ша уклони́ти на зѣмлю. <sup>12</sup> Объя́ша мя я́ко лев гото́в на лов и я́ко ски́мен обита́яй в та́йных. <sup>13</sup> Воскресни́, Гóсподи, предвари́ я́ и запни́ им, изба́ви ду́шу мою́ от нечестиваго, ору́жие Твоѣ́ от враг руки́ Твоея́, <sup>14</sup> Гóсподи, от ма́лых от земли́, раздели́ я́ в животѣ́ их, и сокровѣ́нных Твои́х испóлнися чре́во их, насы́тишася сынóв, и оста́виша оста́нки младѣ́нцем своимъ. <sup>15</sup> Аз же правдо́ю явлю́ся лицу́ Твоему́, насы́щуся, ввѣгда́ явити́ ми ся сла́ве Твоѣй.

Слава:

*По 2-й кафисме, Трисвятое.*

Тропарь, глас 2: Аз сый дре́во непло́дное, Гóсподи, умилѣ́ния плода́ не ношу́ отнюо́дъ и посечѣ́ния страшу́ся, и огня́ о́наго бою́ся негасимаго. Тѣмже Тя молю́: пре́жде о́ныя ну́жды

обрати́ и спаси́ мя. Яко вѣлны морскія, на мя воста́ша беззаконія моя́, яко корабле́ц в пучи́не, аз еди́н обуреваю́ся от прегрешений мно́гих, но в тихое пристанище наста́ви мя, Го́споди, пока́нием и спаси́ мя.

*Слава:* Помілуй мя, рече́ Дави́д, и аз Тебе́ зову́: согрешіх, Спа́се, грехи́ моя́ очисти́в пока́нием, помілуй мя.

*И ныне:* Предста́тельство тёплое христиа́н, Сы́на Твоего́ моли́, Богороди́це, вся́каго злоде́йства и лю́тости изба́вити нас ра́тника, и да́ти прощ́ение нам, о ніхже согрешіхом, милосе́рдия ра́ди щедро́т, Твои́ми моли́твами, Ма́ти Де́во.

Го́споди, помілуй (40) и молитва:

Влады́ко Вседержи́телю, Отче Го́спода на́шего Иису́са Христа́, Единоро́днаго Твоего́ Сы́на, даждь ми те́ло нескве́рное, се́рдце чи́стое, ум бодр, ра́зум незаблудный, Ду́ха Свята́го нашёствие, к стяжа́нию и дово́льству істины во Христэ́ Твоем: с Німже Тебе́ сла́ва подоба́ет, честь и поклонёние, со Святы́м Ду́хом ныне и прісно, и во ве́ки веко́в, ами́нь.

## КАФИСМА ТРЕТЬЯ

<sup>1</sup> В ко́нec, отроку Го́сподню Давиду,  
я́же глаго́ла Го́сподеви  
словеса́ песни сея, в день,  
во́ньже изба́ви его́ Го́сподь  
от ру́ки всех враг его́,  
и из ру́ки Саули, и рече: 17

<sup>2</sup> Возлюблю́ Тя, Го́споди, крѣпосте моя́. <sup>3</sup> Го́сподь утвержде́ние моё, и прибе́жище моё,  
и Иза́витель Мой, Бог мой, Помо́шник мой, и уповаю́ на Него́, Защи́титель мой, и рог  
спасе́ния моего́, и Засту́пник мой. <sup>4</sup> Хваля́ призову́ Го́спода и от враг мои́х спасу́ся. <sup>5</sup>  
Одержаша́ мя болѣзни смѣртныя, и пото́цы беззаконія смято́ша мя, <sup>6</sup> болѣзни а́довы  
обыдо́ша мя, предвари́ша мя сети смѣртныя. <sup>7</sup> И внигда́ скорбѣти ми, призва́х Го́спода, и к  
Бо́гу моему́ воззва́х, услы́ша от хра́ма Свята́го Своего́ глас мой, и вопль мой пред Ним  
внидет во у́ши Его́. <sup>8</sup> И подви́жеся, и трѣпетна бысть земля́, и основанія гор смято́шася и  
подвиго́шася, яко прогне́вася на ня Бог. <sup>9</sup> Взыде́ дым гне́вом Его́, и огонь от лица́ Его́  
воспла́менится, у́глие возгорѣ́ся от Него́. <sup>10</sup> И приклоні́ небеса́, и сниде́, и мрак под нога́ма  
Его́. <sup>11</sup> И взыде́ на Херуві́мы, и летѣ́, летѣ́ на крилу́ ветренню. <sup>12</sup> И положи́ тму закро́в  
Свой, о́крест Его́ селёние Его́, темна́ вода́ во о́блацех возду́шных. <sup>13</sup> От облистанія пред  
Ним о́блацы проидо́ша, град и у́глие о́гненное. <sup>14</sup> И возгреме́ с Небесе́ Го́сподь и Вы́шний  
даде́ глас Свой. <sup>15</sup> Низпосла́ стрѣлы́ и разгна́ я́, и мо́лнии умно́жи и смяте́ я́. <sup>16</sup> И яви́шася  
источни́цы водни́и, и откры́шася основанія вселенны́я, от запрещёния Твоего́, Го́споди, от  
дохнове́ния ду́ха гне́ва Твоего́. <sup>17</sup> Низпосла́ с высоты́, и прия́т мя, восприя́т мя от вод  
мно́гих. <sup>18</sup> Иза́вит мя от враго́в мои́х си́льных и от ненави́дящих мя, яко утверди́шася  
па́че мене́. <sup>19</sup> Предвари́ша мя в день озлобле́ния моего́, и бысть Го́сподь утвержде́ние моё.  
<sup>20</sup> И изведе́ мя на широту́, изба́вит мя, яко восхоте́ мя. <sup>21</sup> И возда́ст ми Го́сподь по пра́вде  
мое́й и по чистоте́ руку́ мою́ возда́ст ми. <sup>22</sup> Яко сохрани́х пути́ Го́сподни и не нече́ствовах  
от Бо́га моего́. <sup>23</sup> Яко вся судьбы́ Его́ предо мною́ и оправданія Его́ не отступи́ша от мене́.  
<sup>24</sup> И буду́ непоро́чен с Ним, и сохрани́юся от беззаконія моего́. <sup>25</sup> И возда́ст ми Го́сподь по  
пра́вде мое́й и по чистоте́ руку́ мою́ пред очима́ Его́. <sup>26</sup> С преподо́бным преподо́бен  
будеши, и с му́жем непови́нным непови́нен будеши, <sup>27</sup> и со избра́нным избра́н будеши, и



со строптивым развратишия. <sup>28</sup> Яко Ты люди смиренныя спасеши и очи гордых смириши. <sup>29</sup> Яко Ты просветиши светильник мой, Господи, Боже мой, просветиши тму мою. <sup>30</sup> Яко Тобою избавлюся от искушения и Богом моим преиду стену. <sup>31</sup> Бог мой, непорочен путь Его, словеса Господня разжжена, Защититель есть всех уповающих на Него. <sup>32</sup> Яко кто бог, разве Господа? или кто бог, разве Бога нашего? <sup>33</sup> Бог препоясуй мя силою, и положи непорочен путь мой. <sup>34</sup> Совершай ноге мой, яко елени, и на высоких поставляй мя. <sup>35</sup> Научай руце мой на брань, и положил еси лук медян мышца моя. <sup>36</sup> И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. <sup>37</sup> Уширил еси стопы моя подо мною, и не изнемогосте плесне мой. <sup>38</sup> Пожену враги моя, и постигну я, и не возвращуся, дондеже скончаются. <sup>39</sup> Оскорблю их, и не возмогут стати, падут под ногами моима. <sup>40</sup> И препоясал мя еси силою на брань, спял еси вся встающыя на мя под мя. <sup>41</sup> И врагов моих дал ми еси хребет, и ненавидящыя мя потребил еси. <sup>42</sup> Воззваша, и не бе спасая: ко Господу, и не услыша их. <sup>43</sup> И истню я яко прах пред лицом ветра, яко брение путей поглажду я. <sup>44</sup> Избавиши мя от пререкания людей, поставиши мя во главу языков. Людие, ихже не ведех, работаша ми. <sup>45</sup> В слух уха послушаша мя. Сынове чуждии солгаша ми. <sup>46</sup> Сынове чуждии обещаша и охромаша от стезь своих. <sup>47</sup> Жив Господь, и благословен Бог, и да вознесется Бог спасения моего. <sup>48</sup> Бог дай отмщение мне и покоривый люди под мя. <sup>49</sup> Избавитель мой от враг моих гневливых, от встающих на мя вознесеши мя, от мужа неправедна избавиши мя. <sup>50</sup> Сего ради исповемся Тебе во языцех, Господи, и имени Твоему пою: <sup>51</sup> величаяй спасения царева, и творяй милость христу Своему Давиду, и семени его до века.

Слава:

#### <sup>1</sup> В конец, псалом Давиду, 18

<sup>2</sup> Небеса поведают славу Божию, творение же руку Его возвещает твердь. <sup>3</sup> День дни отрыгает глагол, и ночь ночи возвещает разум. <sup>4</sup> Не суть речи, ниже словеса, ихже не слышатся гласи их. <sup>5</sup> Во всю землю изыде вещание их и в концы вселенныя глаголы их. В солнце положи селение Свое, <sup>6</sup> и Той, яко Жених исходяй от чертога Своего, возрадуется, яко Исполн теши путь. <sup>7</sup> От края небес исход Его, и сретение Его до края небес, и несть иже укроется теплоты Его. <sup>8</sup> Закон Господень непорочен, обращая души, свидетельство Господне верно, умудряющее младенцы. <sup>9</sup> Оправдания Господня права, веселящая сердце, заповедь Господня светла, просвещающая очи. <sup>10</sup> Страх Господень чист, пребываяй в век века: судьбы Господни истинны, оправданы вкупе, <sup>11</sup> вожделенны паче злата и камене честна многа и слаждша паче меда и сота. <sup>12</sup> Ибо раб Твой хранит я, вегда сохранити я, воздаяние много. <sup>13</sup> Грехопадения кто разумет? От тайных моих очисти мя, <sup>14</sup> и от чуждых пощадя раба Твоего, аще не обладают мною, тогда непорочен буду и очищуся от греха велика. <sup>15</sup> И будут во благоволение словеса уст моих, и поучение сердца моего пред Тобою вину, Господи, Помощниче мой и Избавителю мой.

#### <sup>1</sup> В конец, псалом Давиду, 19

<sup>2</sup> Услышит тя Господь в день печали, защитит тя имя Бога Иаковля. <sup>3</sup> Послет ти помощь от Святаго и от Сиона заступит тя. <sup>4</sup> Помянет всяку жертву твою, и всесожжение твое тучно буди. <sup>5</sup> Даст ти Господь по сердцу Твоему и весь совет твой исполнит. <sup>6</sup> Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. <sup>7</sup> Ныне познах, яко спасе Господь христа Своего, услышит

его с Небесé Святаго Своего, в силах спасение десницы Его. <sup>8</sup> Си́и на колесни́цах, и си́и на ко́нех, мы же во и́мя Го́спода Бо́га на́шего призове́м. <sup>9</sup> Ти́и спя́ти бы́ша и падо́ша, мы же воста́хом и испра́вихомся. <sup>10</sup> Го́споди, спаси́ царя и услы́ши ны, во́ньже а́ще день призове́м Тя.

### <sup>1</sup> Псалом Давиду, 20

<sup>2</sup> Го́споди, си́лою Твое́ю возвесели́тся царь и о спасе́нии Твое́м возра́дуется зело́. <sup>3</sup> Жела́ние се́рдца его дал еси́ ему, и хоте́ния устну́ его неси́ лишил его. <sup>4</sup> Яко предва́рил еси́ его благослове́нием благосты́нным, положи́л еси́ на главé его венéц от ка́мене че́стна. <sup>5</sup> Живота́ проси́л есть у Тебе́, и дал еси́ ему долготу́ дней во век ве́ка. <sup>6</sup> Ве́лия сла́ва его спасе́нием Твои́м, сла́ву и велеле́ние возложи́ши на него́. <sup>7</sup> Яко да́си ему благослове́ние во век ве́ка, возвесели́ши его ра́достью с лице́м Твои́м. <sup>8</sup> Яко царь упова́ет на Го́спода, и ми́лостью Вы́шняго не подви́жится. <sup>9</sup> Да обря́щется рука́ Твоя́ всем враго́м Твои́м, десница́ Твоя́ да обря́щет вся ненави́дящя Тебе́. <sup>10</sup> Яко положи́ши их я́ко пещь о́гненную во вре́мя лица́ Твоего́, Го́сподь гне́вом Свои́м смяте́т я́, и снесёт их о́гнь. <sup>11</sup> Плод их от земли́ погуби́ши, и се́мя их от сыно́в челове́ческих. <sup>12</sup> Яко уклони́ша на Тя зла́я, помы́слиша советы́, ихже не возмо́гут соста́вити. <sup>13</sup> Яко положи́ши я́ хребéт, во избы́тцех Твои́х угото́виши лице́ их. <sup>14</sup> Вознеси́ся, Го́споди, си́лою Твое́ю, воспоéм и поéм си́лы Твоя́.

Слава:

### <sup>1</sup> В конце́, о заступлении утреннем, псалом Давиду, 21

<sup>2</sup> Бо́же, Бо́же мой, вонми́ ми, вску́ю оста́вил мя еси́? Далече́ от спасе́ния моего́ словеса́ грехопадéний мои́х. <sup>3</sup> Бо́же мой, воззову́ во дни, и не услы́шиши, и в но́щи, и не в безу́мие мне. <sup>4</sup> Ты же во Святе́м живёши, хвало́ Изра́илева. <sup>5</sup> На Тя упова́ша отцы́ на́ши, упова́ша и изба́вил еси́ я́. <sup>6</sup> К Тебе́ воззва́ша, и спасо́шася, на Тя упова́ша, и не постыде́шася. <sup>7</sup> Аз же есмь червь, а не челове́к, поноше́ние челове́ков и уничи́жение люде́й. <sup>8</sup> Все ви́дящии мя поруга́ша ми ся, глаго́лаша устна́ми, покива́ша главо́ю: <sup>9</sup> упова́ на Го́спода, да изба́вит его, да спасе́т его, я́ко хо́щет его. <sup>10</sup> Яко Ты еси́ исто́ргий мя из чре́ва, упова́ние моё́ от сосцу́ ма́тере моея́. <sup>11</sup> К Тебе́ приве́ржен есмь от ложе́сн, от чре́ва ма́тере моея́ Бог мой еси́ Ты. <sup>12</sup> Да не отсту́пиши от мене́, я́ко скорбь́ близ, я́ко несть помога́й ми. <sup>13</sup> Обыдо́ша мя тельцы́ мно́зи, юнцы́ ту́чнии одержа́ша мя. <sup>14</sup> Отверзо́ша на мя уста́ своя́, я́ко лев восхища́й и рыка́й. <sup>15</sup> Яко вода́ изли́яхся, и разсы́пашася вся ко́сти моя́, бысть се́рдце моё́ я́ко воск, та́яй посреде́ чре́ва моего́. <sup>16</sup> Изсше́ я́ко скуде́ль кре́пость моя́, и язы́к мой прильпе́ гортани́ моему, и в персть́ сме́рти свел мя еси́. <sup>17</sup> Яко обыдо́ша мя пси́ мно́зи, сонм лука́вых одержа́ша мя, ископа́ша ру́це мои́ и но́зе мои́. <sup>18</sup> Исчето́ша вся ко́сти моя́, ти́и же смотре́ша и презре́ша мя. <sup>19</sup> Раздели́ша ризы́ моя́ себе́, и о оде́жди мое́й мета́ша жребий́. <sup>20</sup> Ты же, Го́споди, не удали́ по́мощь Твою́ от мене́, на заступле́ние моё́ вонми́. <sup>21</sup> Изба́ви от ору́жия ду́шу мою, и из руки́ пе́сии единоро́дную мою. <sup>22</sup> Спаси́ мя от уст льво́вых и от рог единоро́жь смире́ние моё́. <sup>23</sup> Повéм и́мя Твое́ бра́тии мое́й, посреде́ це́ркве воспое́у Тя. <sup>24</sup> Бо́ящиися Го́спода, восхвали́те Его, все се́мя Иа́ковле, просла́вите Его, да убои́тся же от Него́ все се́мя Изра́илево. <sup>25</sup> Яко не уничи́жи, ниже́ негодова́ моли́твы ни́щаго, ниже́ отврати́ лице́ Своё́ от мене́, и егда́ воззва́х к Нему, услы́ша мя. <sup>26</sup> От Тебе́ похвала́ моя́, в це́ркви вели́цей испове́мся Тебе́, моли́твы моя́ возда́м пред бо́ящимися Его. <sup>27</sup> Яды́т убóзии

и насытятся, и восхвалят Господа взыскающие Его, жива будут сердца их в век века. <sup>28</sup> Помянутся и обратятся ко Господу вси концы земли, и поклонятся пред Ним вся отечества язык. <sup>29</sup> Яко Господне есть царствие, и Той обладает языки. <sup>30</sup> Ядоша и поклонишася вси тучнии земли, пред Ним припадут вси низходящие в землю, и душа моя тому живёт. <sup>31</sup> И семя мое поработает Ему, возвестит Господеву род грядущий. <sup>32</sup> И возвестят правду Его людем рождшимся, яже сотвори Господь.

#### Псалом Давиду, 22

<sup>1</sup> Господь пасёт мя, и ничтоже мя лишит. <sup>2</sup> На месте злачне, тамо всели мя, на воде покойне воспита мя. <sup>3</sup> Душу мою обрати, настави мя на стези правды, имене ради Своего. <sup>4</sup> Аще бо и пойду посреде сени смертныя, не убоюся зла, яко Ты со мною еси, жезл Твой и палица Твоя, та мя утешиста. <sup>5</sup> Уготовал еси предо мною трапезу против стужающим мне, умастил еси елеем главу мою, и чаша Твоя упоявающи мя, яко державна. <sup>6</sup> И милость Твоя поженет мя вся дни живота моего, и еже вселити ми ся в дом Господень, в долготу дней.

#### Псалом Давиду, единыя от суббот, 23

<sup>1</sup> Господня земля, и исполнение ея, вселенная и вси живущии на ней. <sup>2</sup> Той на морях основал юсть, и на реках уготовал юсть. <sup>3</sup> Кто взидет на гору Господню? или кто станет на месте святем Его? <sup>4</sup> Неповинен руками и чист сердцем, иже не прият всеу душу свою, и не клянется лестию искреннему своему. <sup>5</sup> Сей примет благословение от Господа, и милостыню от Бога, Спаса своего. <sup>6</sup> Сей род ищущих Господа, ищущих лице Бога Иаковля. <sup>7</sup> Возмите врата князи ваша, и возмיתесь врата вечная, и внидет Царь славы. <sup>8</sup> Кто есть сей Царь славы? Господь крепок и силен, Господь силен в брани. <sup>9</sup> Возмите врата князи ваша, и возмיתесь врата вечная, и внидет Царь славы. <sup>10</sup> Кто есть сей Царь славы? Господь сил, Той есть Царь славы.

Слава:

#### По 3-й кафисме, Трисвятое.

*Таже тропари, глас 3:* Живущи на земли, душе моя, покайся: персть во гробе не поёт, прегрешений не избавляет. Возопий Христу Богу: Сердцеведче, согреших, прежде даже не осудиши мя, помилуй мя. Доколе, душе моя, пребываеши в прегрешениях? Доколе приемиши покаения преложение? Приими во уме суд грядущий и возопий Господу: Сердцеведче, согреших, прежде даже не осудиши мя, помилуй мя.

*Слава:* На Страшном судищи без оглагольников обличаюся, без свидетелей осуждаюся, книги бо совестныя разгибаются, и дела сокровенная открываются. Прежде неже во оном всенародном позорищи имаши испытати, яже мною содеянная, Боже, очисти мя и спаси мя.

*И ныне:* Недоразумеваемое и непостижимое есть, Владычице Богоблагодатная, содеянное о Тебе страшное таинство: Необъемлемаго бо, зачэнши, родила еси, плотию обложеннаго от чистых кровей Твоих: Егоже, Чистая, яко Сына Твоего, моли спасти вся поющыя Тя.

Господи, помилуй (40) и молитва:

Господи Вседержителю, Слове Пребезначальнаго Отца, Самосовершенный Боже Иисусе Христе, милосердия ради безприкладнаго милости Твоея, никакоже разлучаяйся Твоих рабов, но присно в них почиваяй, не остави мя, раба Твоего, Всесвятый Царю, но даждь мне, недостойному, радование спасения Твоего и просвети мой ум светом познания

Евѡнгеліа Твоегѡ, дѹшу мою любѡвію Крестѡ Твоегѡ обяжі, тѣло же моѣ Твоім безстрастіем украсі, мѣсли умирі и нѡзе моі сохрани от поплзновѣнія, и не погубі мя со беззакѡнныи моими, Благій Гѡсподи, но искусі мя, Бѡже, и вразумі сѣрдце моѣ, испытай мя и увещь стезі моѡ, и виждь, аще путь беззакѡнія во мне, и отврати от негѡ, и настѡви мя на путь вѣчен. Ты бо еси Путь, и Истина, и Живѡт, и Тебѣ славу возсылаем со Безначѡльным Твоім Отцѣм и Пресвятым, и Благім, и Животворящим Дѹхом ныне и прісно и во вѣки вѣков, аминь.

## КАФИСМА ЧЕТВЕРТАЯ

### Псалом Давиду, 24

<sup>1</sup> К Тебѣ, Гѡсподи, воздвигѡх дѹшу мою, Бѡже мой, на Тя упѡвах, да не постыжѹся во век, ниже да посмеют ми ся врази моі, <sup>2</sup> ибо вси терпящии Тя не постыдѡтся. <sup>3</sup> Да постыдѡтся беззакѡннующии вотще. <sup>4</sup> Пути Твоѡ, Гѡсподи, скажи ми, и стезям Твоім научи мя. <sup>5</sup> Настѡви мя на истину Твою, и научи мя, яко Ты еси Бог Спас мой, и Тебѣ терпѣх весь день. <sup>6</sup> Помяни щедрѡты Твоѡ, Гѡсподи, и милѡсти Твоѡ, яко от вѣка суть. <sup>7</sup> Грех юности моеѡ, и неведѣнія моего не помяни, по милѡсти Твоей помяни мя Ты, ради блѡгости Твоеѡ, Гѡсподи. <sup>8</sup> Благ и прав Господь, сего ради законоположит согрѣшающим на пути. <sup>9</sup> Настѡвит кроткія на суд, научит кроткія путем Своім. <sup>10</sup> Все путиѣ Господни милѡсть и истина, взыскающим завета Его, и свидѣнія Его. <sup>11</sup> Ради имени Твоегѡ, Гѡсподи, и очисти грех мой, мног бо есть. <sup>12</sup> Кто есть человек бояйся Гѡспода? Законоположит ему на пути, егѡже изволи. <sup>13</sup> Душа его во блѡгих водворится, и семя его наслѣдит зѣмлю. <sup>14</sup> Держѡва Господь боящихся Его, и завет Его явит им. <sup>15</sup> Очи моі выну ко Гѡсподу, яко Той исторгнет от сети нѡзе моі. <sup>16</sup> Призри на мя и помилуй мя, яко единород и нищ есмь аз. <sup>17</sup> Скорби сѣрдца моего умножишася, от нужд моих изведи мя. <sup>18</sup> Виждь смиреніе моѣ, и труд мой, и остави вся грехи моѡ. <sup>19</sup> Виждь враги моѡ, яко умножишася, и ненавидѣнием неправедным возненавидѣша мя. <sup>20</sup> Сохрани дѹшу мою, и избѡви мя, да не постыжѹся, яко упѡвах на Тя. <sup>21</sup> Незлѡбивии и правии прилепляхуся мне, яко потерпѣх Тя, Гѡсподи, <sup>22</sup> Избѡви, Бѡже, Израіля от всех скорбей его.

### Псалом Давиду, 25

<sup>1</sup> Суди ми, Гѡсподи, яко аз незлѡбою моею ходих, и на Гѡспода упѡвая, не изнемогу. <sup>2</sup> Искусі мя, Гѡсподи, и испытай мя, разжзи утробы моѡ, и сѣрдце моѣ. <sup>3</sup> Яко милѡсть Твоѡ пред очима моима есть, и благоугоди х во истине Твоей. <sup>4</sup> Не седѡх с сонмом сѹетным, и со законопреступными не вниду. <sup>5</sup> Возненавидѣх цѣрковь лукавнующих, и с нечестивыми не сяду. <sup>6</sup> Умыю в неповинных рѹце моі, и обыду жѣртвенник Твоѡ, Гѡсподи. <sup>7</sup> Еже услышати ми глас хвалы Твоеѡ, и повѣдати вся чудеса Твоѡ. <sup>8</sup> Гѡсподи, возлюбих блѡголеніе дому Твоегѡ и мѣсто селѣнія славы Твоеѡ. <sup>9</sup> Да не погубиши с нечестивыми дѹшу мою, и с мужи кровей живѡт мой. <sup>10</sup> Ихже в руку беззакѡнія, десница их исполнися мзды. <sup>11</sup> Аз же незлѡбою моею ходих, избѡви мя, Гѡсподи, и помилуй мя. <sup>12</sup> Нога моѡ ста на правотѣ: в цѣрквах благословлю Тя, Гѡсподи.

Псалом Давиду,  
прежде помазания, 26

<sup>1</sup> Господь просвещение мое и Спаситель мой, кого убоюсь? Господь Защититель живота моего, от кого устрашуся? <sup>2</sup> Внегда приближатися на мя злобующим, еже снести плоти моя, оскорбляюши мя, и врази мой, тии изнемогоша и падоша. <sup>3</sup> Аще ополчится на мя полк, не убоится сердце мое, аще востанет на мя брань, на Него аз уповаю. <sup>4</sup> Единого просих от Господа, то възыщу: еже жити ми в дому Господни вся дни живота моего, зрети ми красоту Господню и посещати храм святой Его. <sup>5</sup> Яко скры мя в селении Своем в день зол моих, покры мя в тайне селения Своего, на камень вознесе мя. <sup>6</sup> И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспую Господеви. <sup>7</sup> Услыши, Господи, глас мой, имже воззвах: помилуй мя и услыши мя. <sup>8</sup> Тебе рече сердце мое, Господа възыщу. Взыска Тебе лице мое, лица Твоего, Господи, възыщу. <sup>9</sup> Не отврати лица Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. <sup>10</sup> Яко отец мой и матери моя остависта мя, Господь же восприят мя. <sup>11</sup> Законоположи ми, Господи, в пути Твоем и настави мя на стезю правую враг моих ради. <sup>12</sup> Не предаждь мене в души стужающих ми, яко восташа на мя свидетеле неправеднии и солга неправда себе. <sup>13</sup> Верую видети благая Господня на земли живых. <sup>14</sup> Потерпи Господа, мужайся и да крепится сердце твое, и потерпи Господа.

Слава:

Псалом Давиду, 27

<sup>1</sup> К Тебе, Господи, воззову, Боже мой, да не премолчиши от мене, да не когда премолчиши от мене: и уподоблюся низходящим в ров. <sup>2</sup> Услыши, Господи, глас моления моего, внегда молити ми ся к Тебе, внегда въздети ми рuce мой ко храму святому Твоему. <sup>3</sup> Не привлещи мене со грешники и с делающими неправду не погуби мене, глаголющими мир с ближними своими, злая же в сердцах своих. <sup>4</sup> Дажь им, Господи, по делом их, и по лукавству начинаний их: по делом руку их даждь им: воздаждь воздаяние их им. <sup>5</sup> Яко не разумеша в дела Господня и в дела руку Его: разориши я, и не созиждеша я. <sup>6</sup> Благословен Господь, яко услыша глас моления моего. <sup>7</sup> Господь Помощник мой, и Защититель мой: на Него упова сердце мое, и поможет ми, и процветет плоть моя, и волею моею исповемся Ему. <sup>8</sup> Господь утверждение людей Своих, и Защититель Спасений христа Своего есть. <sup>9</sup> Спаси люди Твоя и благослови достояние Твое, и упаси я, и возми я до века.

Псалом Давиду,  
исхода скинии, 28

<sup>1</sup> Принесите Господеви сынове Божии, принесите Господеви, сыны овни, принесите Господеви славу и честь. <sup>2</sup> Принесите Господеви славу имени Его, поклонитесь Господеви во дворе святем Его. <sup>3</sup> Глас Господень на водах, Бог славы возгремет, Господь на водах многих. <sup>4</sup> Глас Господень в крепости, глас Господень в великолепии. <sup>5</sup> Глас Господа, сокрушающего кедры, и стрыет Господь кедры Ливанския: <sup>6</sup> и истнит я яко тельца Ливанска, и возлюбленный яко сын единорожь. <sup>7</sup> Глас Господа, пресецающего пламень огня. <sup>8</sup> Глас Господа, стрясающего пустыню, и стрясет Господь пустыню Каддийскую. <sup>9</sup> Глас Господень свершающий елени, и открыет дубравы, и в храме Его всякий глаголет славу. <sup>10</sup> Господь потоп населяет, и сядет Господь Царь в век. <sup>11</sup> Господь крепость людем Своим даст, Господь благословит люди Своя миром.



Псалом песни,  
обновления дому Давидова, 29

<sup>2</sup> Вознесу Тя, Господи, яко подъял мя еси, и не возвеселил еси врагов моих о мне. <sup>3</sup> Господи Боже мой, воззвах к Тебе, и исцелил мя еси. <sup>4</sup> Господи, возвел еси от ада душу мою, спасл мя еси от низходящих в ров. <sup>5</sup> Пойте Господеву, преподобнии Его, и исповедайте память святыни Его. <sup>6</sup> Яко гнев в ярости Его, и живот в воли Его: вечер водворится плачь, и завтра радость. <sup>7</sup> Аз же рех во обилии моем: не подвижуся во век. <sup>8</sup> Господи, волею Твоею подаждь доброте моей силу. Отвратил же еси лице Твое, и бых смущен. <sup>9</sup> К Тебе, Господи, воззову, и к Богу моему помолюся. <sup>10</sup> Каая польза в крови моей, внигда сходити ми во истление? Еда исповестся Тебе персть, или возвестит истину Твою? <sup>11</sup> Слыша Господь и помилова мя: Господь бысть Помощник мой. <sup>12</sup> Обратил еси плачь мой в радость мне: растерзал еси вретисще мое, и препоясал мя еси веселием. <sup>13</sup> Яко да воспоет Тебе слава моя, и не умилюся: Господи Боже мой, во век исповемся Тебе.

Слава:

В конец, псалом Давиду,  
изступления, 30

<sup>2</sup> На Тя, Господи, уповах, да не постыжуся во век: правдою Твоею избави мя и измени мя. <sup>3</sup> Приклони ко мне ухо Твое, ускори изъяти мя, буди ми в Бога Защитителя, и в дом прибежища, еже спасти мя. <sup>4</sup> Яко держава моя и прибежище мое еси Ты, и имене Твоего ради наставиши мя, и препитаеши мя. <sup>5</sup> Изведеши мя от сети сея, юже скривша ми, яко Ты еси Защититель мой, Господи. <sup>6</sup> В руке Твоей предложу дух мой: избавил мя еси, Господи Боже истины. <sup>7</sup> Возненавидел еси хранящия суеты вотще: аз же на Господа уповах. <sup>8</sup> Возрадуюся и возвеселюся о милости Твоей, яко призрел еси на смирение мое, спасл еси от нужд душу мою, <sup>9</sup> и неси мене затворил в руках вражиих, поставил еси на пространне ноге мой. <sup>10</sup> Помилуй мя, Господи, яко скорблю: смятеса яростию око мое, душа моя и утроба моя. <sup>11</sup> Яко исчезе в болезни живот мой и лета моя в воздыханиих, изнеможе нищетю крепость моя и кости моя смятосаша. <sup>12</sup> От всех враг моих бых поношение, и соседом моим зело, и страх знаемым моим: видящии мя вон бежаша от мене. <sup>13</sup> Забвен бых яко мертв от сердца, бых яко сосуд погублен. <sup>14</sup> Яко слышаша гаждение многих, живущих окрест, внигда обратися им вкупе на мя, прияти душу мою совещаща. <sup>15</sup> Аз же на Тя, Господи, уповах, рех: Ты еси Бог мой. <sup>16</sup> В руку Твоею жребии мой: избави мя из руки враг моих и от гонящих мя. <sup>17</sup> Просвети лице Твое на раба Твоего, спаси мя милостию Твоею. <sup>18</sup> Господи, да не постыжуся, яко призвах Тя: да постыдятся нечестивии и снудут во ад. <sup>19</sup> Немы да будут устны лстивыя, глаголющия на праведнаго беззаконие, гордынею и уничижением. <sup>20</sup> Коль многое множество благости Твоея, Господи, юже скрыл еси боящимся Тебе, соделал еси уповающим на Тя пред сыны человеческими. <sup>21</sup> Скрывеши их в тайне лица Твоего от мятеза человеческого, покрыеши их в крове от пререкания язык. <sup>22</sup> Благословен Господь, яко удивил милость Свою во граде ограждения. <sup>23</sup> Аз же рех во изступлении моем: отвержен есмь от лица очию Твоею: сего ради услышал еси глас молитвы моея, внигда воззвах к Тебе. <sup>24</sup> Возлюбите Господа, вси преподобнии Его, яко истины взыскает Господь, и воздает излише творящим гордыню. <sup>25</sup> Мужайтесь, и да крепится сердце ваше, вси уповающии на Господа.



<sup>1</sup> Блажени, ихже оставишася беззакония и ихже прикрышася греси. <sup>2</sup> Блажен муж, емуже не вменит Господь греха, ниже есть во устех его лесь. <sup>3</sup> Яко умолчах, обещаша кости моя, от еже звати ми весь день. <sup>4</sup> Яко день и ночь отяготе на мне рука Твоя, возвратихся на страсть, егда унзе ми терн. <sup>5</sup> Беззаконие мое познах и греха моего не покрых, рех: исповем на мя беззаконие мое Господеви, и Ты оставил еси нечестие сердца моего. <sup>6</sup> За то помолится к Тебе всяк преподобный во время благопотребно: обаче в потопе вод многих к нему не приближатся. <sup>7</sup> Ты еси прибежище мое от скорби обдержания мя: радости моя, избави мя от обышедших мя. <sup>8</sup> Вразумлю тя и наставлю тя на путь сей, вонже пойдеш, утвержу на тя очи мои. <sup>9</sup> Не будите яко конь и мек, имже несть разума: бродами и уздою челюсти их востыгнеши, не приближающихся к тебе. <sup>10</sup> Многи раны грешному, уповающего же на Господа милость обыдет. <sup>11</sup> Веселитесь о Господе, и радуйтесь, праведнии, и хвалитесь, вси правии сердцем.

Слава:

*По 4-й кафисме, Трисвятое.*

*Таже тропари, глас 7:* Смиренную мою душу посети, Господи, во гресех все житие иждившую: имже образом блудницу, прими и мене, и спаси мя. Преплывая пучину настоящего жития, помышляю бездну многих моих зол, и не имеяй кормителя помышлений, Петров провещаваю Ти глас: спаси мя, Христе, спаси мя, Боже, яко Человеколюбец.

*Слава:* Скоро совнидем в невестник Христов, да вси услышим блаженный глас Христа Бога нашего: приидите, любящие Небесную славу, сопричастницы бывше мудрых дев, уяснившие свещи наша верою.

*И ныне:* Душе, покайся прежде исхода твоего, суд неумытен грешным есть и нестерпимый. Возопий Господу во умилении сердца: согреших Ти в ведении и не в ведении, Щедрый, молитвами Богородицы ущедри и спаси мя.

Господи, помилуй (40) и молитва:

Тебе, Господи, единому Благому и Непамязозлобному, исповедаю грехи моя, Тебе припадаю вопия, недостойный: согреших, Господи, согреших и несмы достоин воззрети на высоту небесную от множества неправд моих. Но, Господи мой, Господи, даруй ми слезы умиления, единый Блаже и Милостивый, яко да ими Тя умолю, очиститися прежде конца от всякаго греха: страшно бо и грозно место имам проити, тела разлучився, и множество мя мрачное и безчеловечное демонов срящет, и никтоже в помощь спутствуяй или избавляяй. Тем припадаю Твоей благодати, не предаждь обидящим мя, ниже да похвалятся о мне врази мои, Благий Господи, ниже да рекут: в руки наша пришел еси, и нам предан еси. Ни, Господи, не забуди щедрот Твоих и не воздаждь ми по беззаконием моим, и не отврати лица Твоего от мене: но Ты, Господи, накажи мя, обаче милостию и щедротами. Враг же мой да не возрадуется о мне, но угаси его на мя прещения и все упраздни его действо, и даждь ми к Тебе путь неукорный, Благий Господи: занеже и согрешив, не прибегах ко иному врачу, и не прострох руки моея к богу чуждому, не отрини убо моления моего, но услыши мя Твоею благодатию и утверди мое сердце страхом Твоим, и да будет благодать Твоя на мне, Господи, яко огонь поपालяй нечистыя во мне помыслы. Ты бо еси, Господи, свет, паче всякаго света; радость, паче всякия радости; упокоение, паче всякаго упокоения; жизнь истинная и спасение, пребывающее во веки веков, аминь.

## КАФИСМА ПЯТАЯ

Псалом Давиду,  
не надписан у еврей, 32

<sup>1</sup> Рáдуйтеся, прáведнии, о Гóсподе, прáвым подобáет похвалá. <sup>2</sup> Исповéдайтеся Гóсподеви в гúслех, во псалтíри десятистру́ннем по́йте Ему. <sup>3</sup> Воспо́йте Ему песнь но́ву, дóбре по́йте Ему со восклицáнием: <sup>4</sup> я́ко прáво слóво Госпóдне, и вся делá Его в вéре. <sup>5</sup> Лю́бит мiлостыню и суд Госпóдь, мiлости Госпóдни исполнь земл́я. <sup>6</sup> Сло́вом Госпóдним небесá утверди́шася, и дúхом уст Его вся сiла их. <sup>7</sup> Собира́яй я́ко мех вóды морскiя, полага́яй в сокрови́щах бéздны. <sup>8</sup> Да убойтеся Гóспода вся земл́я, от Него́же да подви́жутся вси живúщи по вселéнной. <sup>9</sup> Я́ко Той рече́, и бы́ша, Той повеле́, и создáшася. <sup>10</sup> Госпóдь разоря́ет советы́ язы́ков, отмета́ет же мýсли людéй, и отмета́ет советы́ князéй. <sup>11</sup> Совет же Госпóдень во век пребывáет, помышлéния сéрдца Его в род и род. <sup>12</sup> Блажéн язык, ему́же есть Госпóдь Бог его, лю́ди, я́же избра́ в наследие Себé. <sup>13</sup> С Небесé призрэ́ Госпóдь, ви́де вся сýны человéческа. <sup>14</sup> От гото́ваго жили́ща Своего́ призрэ́ на вся живúщия на земл́и. <sup>15</sup> Созда́вый на еди́не сéрдца их, разумева́яй на вся делá их. <sup>16</sup> Не спасéтся царь мно́гою сiлюю, и исполíн не спасéтся мно́жеством крéпости своея́. <sup>17</sup> Лож конь во спасéние, во мно́жестве же сiлы своея́ не спасéтся. <sup>18</sup> Се óчи Госпóдни на боя́щияся Его́, упова́ющия на мiлость Его́. <sup>19</sup> Избáвити от смéрти дúшы их, и препитáти я́ в глад. <sup>20</sup> Душá же нáша ча́ет Гóспода, я́ко Помóщник и Защи́титель наш есть. <sup>21</sup> Я́ко о Нем возвеселитеся сéрдце нáше, и во íмя святóе Его́ упова́хом. <sup>22</sup> Бúди, Гóсподи, мiлость Твоя́ на нас, я́коже упова́хом на Тя.

<sup>1</sup> Псалом Давиду, внего́да измени  
лице свое пред Авимелехом,  
и отпусти его, и отъиде, 33

<sup>2</sup> Благословлю́ Гóспода на вся́кое вре́мя, вы́ну хвалá Его во устéх моiх. <sup>3</sup> О Гóсподе похва́лится душá моя, да услы́шат крóтцыи и возвеселя́тся. <sup>4</sup> Возвели́чите Гóспода со мно́ю и вознесéм íмя Его вку́пе. <sup>5</sup> Взыска́х Гóспода и услы́ша мя, и от всех скорбéй моiх избáви мя. <sup>6</sup> Приступите к Немú и просветитеся, и лица ва́ша не постыдýтся. <sup>7</sup> Сей ни́щий воззва́, и Госпóдь услы́ша í, и от всех скорбéй его спасé í. <sup>8</sup> Ополчíтся Ангел Госпóдень óкрест боя́щихся Его, и избáвит их. <sup>9</sup> Вкусите и ви́дите, я́ко благ Госпóдь; блажéн муж, íже упова́ет Нань. <sup>10</sup> Бойтеся Гóспода, вси святiи Его, я́ко несть лишéния боя́щимся Его. <sup>11</sup> Богáтии обнищáша и взалкáша, взыска́ющии же Гóспода не лишáтся вся́каго блáга. <sup>12</sup> Приидите, ча́да, послу́шайте менé, стра́ху Госпóдню научú вас. <sup>13</sup> Ктó есть человек хотя́й живóт, любя́й дни ви́дети блáги? <sup>14</sup> Удержí язык твой от зла, и устне́ твой, éже не глаго́лати лъсти. <sup>15</sup> Уклонíся от зла и сотвори́ блáго. Взыщи́ мiра, и пожени́ í. <sup>16</sup> óчи Госпóдни на прáведныя, и úши Его в молíтву их. <sup>17</sup> Лице́ же Госпóдне, на творя́щия злáя, éже потребíти от земл́и пáмять их. <sup>18</sup> Воззва́ша прáведнии, и Госпóдь услы́ша их, и от всех скорбéй их избáви их. <sup>19</sup> Близ Госпóдь сокрушéнных сéрдцем, и смиренны́я дúхом спасéт. <sup>20</sup> Мно́ги скóрби прáведным, и от всех их избáвит я́ Госпóдь. <sup>21</sup> Хранíт Госпóдь вся кóсти их, ни еди́на от них сокрушíтся. <sup>22</sup> Смeрть грéшников лютá, и ненави́дящии прáведнаго прегрешáт. <sup>23</sup> Избáвит Госпóдь дúшы раб Своiх, и не прегрешáт вси, упова́ющии на Него́.

Слава:

## Псалом Давиду, 34

<sup>1</sup> Суді́, Го́споди, обі́дящыя мя, поборі́ борю́щыя мя. <sup>2</sup> Приими́ ору́жие и щит, и востáни в по́мощь мою́. <sup>3</sup> Изсу́ни мечь, и заключи́ сопроти́в гоня́щих мя. Рцы́ души́ мое́й: спасе́ние твоё́ есмь́ Аз. <sup>4</sup> Да посты́дятся и посра́мятся ищущи́и ду́шу мою́, да возвратя́тся вспя́ть и посты́дятся мы́слящи́и ми зла́я. <sup>5</sup> Да бу́дут я́ко прах пред ли́цем ве́тра, и Ангел Го́спо́день оскорбля́я их. <sup>6</sup> Да бу́дет путь их тма́ и по́лзок, и Ангел Го́спо́день погоня́яй их: <sup>7</sup> я́ко ту́не скры́ша ми па́губу се́ти свое́я, всу́е поноси́ша души́ мое́й. <sup>8</sup> Да при́дет ему́ сеть, ю́же не весть, и лови́тва, ю́же скры́, да объ́мет и́, и в сеть да впаде́т в ню́. <sup>9</sup> Душа́ же моя́ возра́дуется о Го́споде, возвесели́тся о спасе́нии Его́. <sup>10</sup> Вся ко́сти моя́ реку́т: Го́споди, Го́споди, кто́ подо́бен Тебе́? Избавля́яй ни́ща из руки́ кре́пльших его́, и ни́ща, и убо́га от расхища́ющих его́. <sup>11</sup> Воста́вше на мя свиде́теле непра́веднии, я́же не ве́дях, вопроша́ху мя. <sup>12</sup> Возда́ша ми лука́вая воз благода́я, и безча́дие души́ мое́й. <sup>13</sup> Аз же, внегда́ они́ стужа́ху ми, облача́хся во вре́тище, и смиря́х постом́ ду́шу мою́, и моли́тва моя́ в не́дро моё́ возврати́тся. <sup>14</sup> Я́ко бли́жнему, я́ко бра́ту на́шему, та́ко угожда́х, я́ко пла́ча и се́туя, та́ко смиря́хся. <sup>15</sup> И на мя возвесели́шася и собра́шася: собра́шася на мя ра́ны, и не позна́х, раздели́шася, и не умили́шася. <sup>16</sup> Искуси́ша мя, подражни́ша мя подражне́нием, поскрежетáша на мя зубы́ свои́ми. <sup>17</sup> Го́споди, когда́ у́зриши? Устро́й ду́шу мою́ от злоде́йства их, от лев еди́нородную́ мою́. <sup>18</sup> Испове́мся Тебе́ в це́ркви мно́зе, в лю́дех тя́жцех восхва́лю Тя. <sup>19</sup> Да не возра́дуются о мне вражду́ющие ми непра́ведно, ненави́дящи мя туне́ и помиза́ющие очі́ма. <sup>20</sup> Я́ко мне у́бо ми́рная глаго́лаху и на гнев ле́сти помышля́ху. <sup>21</sup> Разшири́ша на мя уста́ своя́, рэ́ша: благо́же, благо́же, видеша́ очі́ на́ши. <sup>22</sup> Ви́дел еси́, Го́споди, да не премолчи́ши. Го́споди, не отступи́ от мене́. <sup>23</sup> Воста́ни, Го́споди, и вонми́ суду́ моему́, Бо́же мой и Го́споди мой, на прю́ мою́. <sup>24</sup> суди́ ми, Го́споди, по пра́вде Твое́й, Го́споди Бо́же мой, и да не возра́дуются о мне. <sup>25</sup> Да не реку́т в сердца́х своих: благо́же, благо́же души́ на́шей, ниже́ да реку́т: пожро́хом его́. <sup>26</sup> Да посты́дятся и посра́мятся вку́пе ра́дующи́ися злом мо́им, да облеку́тся в студ и срам велере́чующи́и на мя. <sup>27</sup> Да возра́дуются и возвеселя́тся хотя́щи́и пра́вды мое́я, и да реку́т вы́ину: да возвели́чится Го́спо́дь, хотя́щи́и ми́ра рабу́́ Его́. <sup>28</sup> И язы́к мой поучи́тся пра́вде Твое́й, весь день хвалé Твое́й.

<sup>1</sup> В конце́,  
отроку́ Го́спо́дню Давиду, 35

<sup>2</sup> Глаго́лет пребеззаконный́ согрешáти в себе́: несть́ стра́ха Бо́жия пред очі́ма его́. <sup>3</sup> Я́ко ульсти́ пред ним обрести́ беззаконі́е свое́ и возненави́дети. <sup>4</sup> Глаго́лы уст его́ беззаконі́е и лесть, не восхоте́ разумéти е́же ублажи́ти. <sup>5</sup> Беззаконі́е помы́сли на ло́жи свое́м: предста́ вся́кому пути́ небла́гу, о зло́бе же не негодова́. <sup>6</sup> Го́споди, на Небеси́ ми́лость Твоя́ и исти́на Твоя́ до обла́к. <sup>7</sup> Пра́вда Твоя́, я́ко го́ры Бо́жия, судьбы́ Твоя́ бездна́ мно́га. Челове́ки и скоты́ спасе́ши, Го́споди. <sup>8</sup> Я́ко умно́жил еси́ ми́лость Твою́, Бо́же, сы́нове же челове́чести́и в кро́ве крилу́ Твое́ю наде́ются и́мут. <sup>9</sup> Упию́тся от ту́ка до́му Твоего́, и пото́ком сла́дости Твое́я напои́ши я́. <sup>10</sup> Я́ко у Тебе́ исто́чник живота́, во све́те Твое́м у́зрим свет. <sup>11</sup> Пробáви ми́лость Твою́ веду́щим Тя и пра́вду Твою́ пра́вым се́рдцем. <sup>12</sup> Да не при́дет мне нога́ горды́ни, и рука́ грéшница да не подви́жит мене́. <sup>13</sup> Та́мо падо́ша вси́ де́лающи́и беззаконі́е: изриновéни бы́ша, и не возмо́гут ста́ти.

Слава:

<sup>1</sup> Не ревнуй лукавующим, ниже завиди творящим беззаконие. <sup>2</sup> Зане яко трава скоро изсхнут, яко зелие злака скоро отпадут. <sup>3</sup> Уповай на Господа и твори благостыню, и населй землю, и упасешия в богатстве ея. <sup>4</sup> Насладися Господеви, и даст ти прошения сердца Твоего. <sup>5</sup> Открой ко Господу путь твой и уповай на Него, и Той сотворит: <sup>6</sup> и изведет, яко свет, правду твою и судьбу твою, яко полудне. <sup>7</sup> Повинися Господеви и умоли Его. Не ревнуй спешущему в пути своем, человеку, творящему законопреступление. <sup>8</sup> Престани от гнева и остави ярость, не ревнуй еже лукавновати. <sup>9</sup> Зане лукавующии потребятся, терпящие же Господа, тии наследят землю. <sup>10</sup> И еще мало, и не будет грешника, и взыщеша место его, и не обрящеша. <sup>11</sup> Кротцыи же наследят землю и насладятся о множестве мира. <sup>12</sup> Назирает грешный праведнаго и поскрежет нань зубы своими. <sup>13</sup> Господь же посмеется ему, зане прозирает, яко приидет день его. <sup>14</sup> Мечь извлекоса грешницы, напрягоса лук свой, низложити убога и нища, заклати правыя сердцем. <sup>15</sup> Мечь их да внидет в сердца их, и луцы их да сокрушатся. <sup>16</sup> Лучше малое праведнику, паче богатства грешных многа. <sup>17</sup> Зане мшыцы грешных сокрушатся, утверждает же праведныя Господь. <sup>18</sup> Весть Господь пути непорочных, и достояние их в век будет. <sup>19</sup> Не постыдятся во время лютое, и во днех глада насытятся, яко грешницы погибнут. <sup>20</sup> Врази же Господни, купно прославитися им и вознесися, исчезающе яко дым исчезоса. <sup>21</sup> Заемлет грешный и не возвратит, праведный же щедрит и дает. <sup>22</sup> Яко благословящие Его наследят землю, кленущии же Его потребятся. <sup>23</sup> От Господа стопы человеку исправляются, и пути его восхождет зело. <sup>24</sup> Егда падет, не разбиется, яко Господь подкрепляет руку его. <sup>25</sup> Юнейший бых, ибо состарехся, и не видех праведника оставлена, ниже семени его просяща хлеба. <sup>26</sup> Весь день милует и взаим дает праведный, и семя его во благословение будет. <sup>27</sup> Уклонися от зла и сотвори благо, и вселися в век века. <sup>28</sup> Яко Господь любит суд и не оставит преподобных Своих, во век сохраняются. Беззаконницы же изженутся, и семя нечестивых потребится. <sup>29</sup> Праведницы же наследят землю и вселятся в век века на ней. <sup>30</sup> Уста праведнаго поучатся премудрости, и язык его возлаглет суд. <sup>31</sup> Закон Бога его в сердце его, и не запнутся стопы его. <sup>32</sup> Смотряет грешный праведнаго и ищет еже умервити его. <sup>33</sup> Господь же не оставит его в руку его, ниже осудит его, егда судит ему. <sup>34</sup> Потерпи Господа и сохрани путь Его, и вознесет тя, еже наследити землю, внегда потреблятися грешником узриши. <sup>35</sup> Видех нечестиваго превозносящася и высящася, яко кедры Ливанския. <sup>36</sup> И мимо идох, и се не бе, и взысках его, и не обретеся место его. <sup>37</sup> Храни незлобие и виждь правоту, яко есть останок человеку мирну. <sup>38</sup> Беззаконницы же потребятся вкупе: останцы же нечестивых потребятся. <sup>39</sup> Спасение же праведных от Господа, и Защититель их есть во время скорби. <sup>40</sup> И поможет им Господь, и избавит их, и измет их от грешник, и спасет их, яко уповаша на Него.

Слава:

*По 5-й кафисме, Трисвятое.*

*Таже тропари, глас 5.* Страшный Твой Престол, лукавое мое житие. И кто мя избавит тогдашния нужды, аще не Ты помилуеши мя, Христе Боже, яко Щедр и Человеколюбец?

*Слава:* Попечение жития изгна мя рая, и что сотворю, отчаянный. Сего ради толку во врата и зову: Господи, Господи, отверзи ми покаянием и спаси мя.

*И ныне:* Кий наречем храм Твой, Богородице? Пристанище ли духовное? или рай сладости Небесныя, ходатайствен жизни некончаемая? Вся бо имаши добрая, всегда молися Христу спастися душам нашим.

Господи, помилуй (40) и молитва:

Богже Праведный и Хвальный, Богже Великий и Крепкий, Богже Превечный, услыши грешного мужа молитву в час сей: услыши мя, обещающий услышати во истине Тя призывающих, и не омерзи мя, нечистыя устне имуща и во гресех содержима, упование всех концев земли и странствующих далече. Приими оружие и щит и востани в помощь мою: излей мечь и заключи против гонящих мя. Запрети нечистым духовом от лица безумия моего, и да отлучится от моея мысли дух ненависти и злопомнения, дух зависти и лести, дух боязни и уныния, дух гордости и всякия инья злобы; и да угаснет всякое разжжение и движение плоти моея, от диавольскаго действия составляемое, и да просветится моя душа и тело, и дух светом Твоего Божественнаго познания: да множеством щедрот Твоих достигну соединения веры, в мужа совершенна, в меру возраста, и прославлю со Ангелы и всеми святыми Твоими всечестное и великолепое имя Твое, Отца и Сына и Святаго Духа, ныне и присно, и во веки веков, аминь.

## КАФИСМА ШЕСТАЯ

<sup>1</sup> Псалом Давиду,  
в воспоминание о субботе, 37

<sup>2</sup> Господи, да не яростию Твоею обличиши мене, ниже гневом Твоим накажешу мене.  
<sup>3</sup> Яко стрелы Твоя уноша во мне, и утвердил еси на мне руку Твою. <sup>4</sup> Несть исцеления в плоти моей от лица гнева Твоего, несть мира в костех моих от лица грех моих. <sup>5</sup> Яко беззакония моя превзыдоша главу мою, яко бремя тяжкое отяготеша на мне. <sup>6</sup> Возмердеша и согниша раны моя от лица безумия моего. <sup>7</sup> Пострадах и слякохся до конца, весь день сетуя хождях. <sup>8</sup> Яко лядвия моя наполнишася поруганий, и несть исцеления в плоти моей. <sup>9</sup> Озлоблен бых и смирихся до зела, рыках от воздыхания сердца моего. <sup>10</sup> Господи, пред Тобою все желание мое и воздыхание мое от Тебе не утайся. <sup>11</sup> Сердце мое смятеша, остави мя сила моя, и свет очию моею, и той несть со мною. <sup>12</sup> Друзи мои и искреннии мои прямо мне приближишася и сташа, <sup>13</sup> и ближнии мои отдалече мене сташа и нуждахуся ищущии душу мою, и ищущии злая мне глаголаху суетная и лстивным весь день поучахуся. <sup>14</sup> Аз же яко глух не слышах и яко нем не отверзаяй уст своих. <sup>15</sup> И бых яко человек не слышай и не имый во устех своих обличения. <sup>16</sup> Яко на Тя, Господи, уповах, Ты услышиши, Господи Боже мой. <sup>17</sup> Яко рех: да не когда порадуют ми ся врази мои: и внигда подвижатися ногам моим, на мя велеречеваша. <sup>18</sup> Яко аз на раны готов, и болезнь моя предо мною есть вина. <sup>19</sup> Яко беззаконие мое аз возвещу и попекуся о гресе моем. <sup>20</sup> Врази же мои живут и укрепилася паче мене, и умножилася ненавидящий мя без правды. <sup>21</sup> Воздающий ми злая возлагая оболгаху мя, зане гонях благостыню. <sup>22</sup> Не остави мене, Господи Боже мой, не отступи от мене. <sup>23</sup> Вонми в помощь мою, Господи спасения моего.

<sup>1</sup> В конец, Идифуму,  
песнь Давиду, 38

<sup>2</sup> Рех: сохраню пути моя, еже не согрешати ми языком моим: положих устом моим хранило, внигда востати грешному предо мною. <sup>3</sup> Онемех и смирихся, и умолчах от благ, и болезнь моя обновися. <sup>4</sup> Согреша сердце мое во мне, и в поучении моем разгорится огонь. Глаголах языком моим: <sup>5</sup> скажи ми, Господи, кончину мою и число дней моих, кое есть?



Да разумёю, что лишáюся аз? <sup>6</sup> Се пяди положил еси дни моя, и состав мой яко ничтоже пред Тобою, обаче всяческая суета всяк человек живый. <sup>7</sup> Убо образом ходит человек, обаче все мятётся: сокровиществует, и не весть, кому соберёт я. <sup>8</sup> И ныне кто терпение моё, не Господь ли? И состав мой от Тебе есть. <sup>9</sup> От всех беззаконий моих избави мя, поношение безумному дал мя еси. <sup>10</sup> Онемех и не отверзох уст моих, яко Ты сотворил еси. <sup>11</sup> Отстави от мене раны Твоя: от крепости бо руки Твоея аз исчезох. <sup>12</sup> Во обличениях о беззаконии наказал еси человека и истаял еси, яко паучину, душу его: обаче все всяк человек. <sup>13</sup> Услыши молитву мою, Господи, и моление моё внуши, слез моих не премолчи: яко пресельник аз есмь у Тебе и пришлец, якоже вси отцы мои. <sup>14</sup> Ослаби ми, да почию, прежде даже не отиду, и ктому не буду.

<sup>1</sup> В конец, псалом Давиду, 39

<sup>2</sup> Терпя, потерпех Господа, и внят ми, и услыша молитву мою. <sup>3</sup> И возведё мя от рова страстей, и от брения тины, и постави на камени нозе мой, и исправил стопы моя, <sup>4</sup> и вложил во уста моя песнь нову, пение Богу нашему. Узрят мнози и убоятся, и уповают на Господа. <sup>5</sup> Блажен муж, емуже есть имя Господне упование его, и не призре в суеты и неистовления ложная. <sup>6</sup> Многа сотворил еси Ты, Господи, Боже мой, чудеса Твоя и помышлением Твоим несть кто уподобится Тебе: возвестих и глаголах, умножишася паче числа. <sup>7</sup> Жертвы и приношения не восхотел еси, тело же свершил ми еси, всесожжений и о гресе не взыскал еси. <sup>8</sup> Тогда рех: се прииду, в главизне книжне писано есть о мне: <sup>9</sup> еже сотворити волю Твою, Боже мой, восхотех, и закон Твой посреде чрева моего. <sup>10</sup> Благовестих правду в церкви велицей, се устнам моим не возбраню: Господи, Ты разумел еси. <sup>11</sup> Правду Твою не скрех в сердце моем, истину Твою и спасение Твое рех, не скрех милость Твою и истину Твою от сонма многа. <sup>12</sup> Ты же, Господи, не удали щедрот Твоих от мене: милость Твоя и истина Твоя вину да заступите мя. <sup>13</sup> Яко одержаша мя злая, имже несть числа, постигоша мя беззакония моя, и не возмогох зрети, умножишася паче влас главы моея, и сердце моё остави мя. <sup>14</sup> Благоволи, Господи, избавити мя: Господи, во еже помощи ми вонми. <sup>15</sup> Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящии ми злая. <sup>16</sup> Да примут абие студ свой глаголющии ми: благоже, благоже. <sup>17</sup> Да возрадуются и возвеселятся о Тебе вси ищущии Тебе, Господи, и да рекут вину: да возвеличится Господь, любящии спасение Твое. <sup>18</sup> Аз же нищ есмь и убог, Господь попечётся о мне. Помощник мой и Защититель мой еси Ты, Боже мой, не закоси.

Слава:

<sup>1</sup> В конец, псалом Давиду, 40

<sup>2</sup> Блажен разумевай на нища и убога, в день лют избавит его Господь. <sup>3</sup> Господь да сохранит его и живит его, и да ублажит его на земли, и да не предаст его в руки врагов его. <sup>4</sup> Господь да поможет ему на одре болезни его: все ложе его обратил еси в болезнь его. <sup>5</sup> Аз рех: Господи, помилуй мя, исцели душу мою, яко согреших Ти. <sup>6</sup> Вразии мои реша мне злая: когда умрет и погибнет имя его? <sup>7</sup> И вхождаше видети, все глаголаше сердце его, собрав беззаконие себе, исхождаше вон и глаголаше вкупе. <sup>8</sup> На мя шептаху вси вразии мои, на мя помышляху злая мне. <sup>9</sup> Слово законопреступное возложиша на мя: еда спяй не приложит воскреснути? <sup>10</sup> Ибо человек мира моего, на негоже уповах, ядый хлебы моя, возвеличи на мя запинание. <sup>11</sup> Ты же, Господи, помилуй мя и возстави мя и воздам им. <sup>12</sup> В сем познах, яко восхотел мя еси, яко не возрадуется враг мой о мне. <sup>13</sup> Мене же за незлобие приыл и



утвердил мя еси пред Тобою в век. <sup>14</sup> Благословен Господь Бог Израилев от века и до века: буди, буди.

<sup>1</sup> В конец, в разум сынов  
Кореовых, псалом Давиду,  
не написан у еврей, 41

<sup>2</sup> Имже образом желает елень на источники водные, сице желает душа моя к Тебе, Боже. <sup>3</sup> Возжада душа моя к Богу Крепкому, Живоному: когда прииду и явлюся лицу Божию? <sup>4</sup> Быша слезы моя мне хлеб день и ночь, внемда глаголатися мне на всяк день: где есть Бог твой? <sup>5</sup> Сия помянух и излиях на мя душу мою, яко пройду в место селения дивна, даже до дому Божия, во главе радования и исповедания шума празднующаго. <sup>6</sup> Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой. <sup>7</sup> Ко мне самому душа моя смятеса: сего ради помянух Тя от земли Иордански и Ермонийски, от горы малыя. <sup>8</sup> Бездна бездну призывает во главе хлябий Твоих, вся высоты Твоя и волны Твоя на мне преидоша. <sup>9</sup> В день заповесть Господь милость Свою, и нощию песнь Его от мене, молитва Богу живота моего. <sup>10</sup> Реку Богу: Заступник мой еси, почто мя забыл еси? И вскую сетуя хожду, внемда оскорбляет враг? <sup>11</sup> Внемда сокрушатися костем моим, поношаху ми врази мой, внемда глаголати им мне на всяк день: где есть Бог твой? <sup>12</sup> Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

Псалом Давиду,  
не написан у еврей, 42

<sup>1</sup> Суди ми, Боже, и разсуди прю мою, от языка непереподобна, от человека неправедна и льстива избави мя. <sup>2</sup> Зане Ты еси, Боже, Крепость моя, вскую отринул мя еси? И вскую сетуя хожду, внемда оскорбляет враг? <sup>3</sup> Посли свет Твой и истину Твою, та мя настависта и введоста мя в гору святую Твою и в селения Твоя. <sup>4</sup> И вниду к жертвеннику Божию, к Богу веселящему юность мою, исповемся Тебе в гуслах, Боже, Боже мой. <sup>5</sup> Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

Слава:

<sup>1</sup> В конец, сынов Кореовых,  
в разум, 43

<sup>2</sup> Боже, ушима нашими услышахом, и отцы наши возвестиша нам дело, еже соделал еси во днех их, во днех древних. <sup>3</sup> Рука Твоя языки потреби, и насадил я еси, озлобил еси люди и изгнал еси я. <sup>4</sup> Не бо мечем своим наследиша землю, и мышца их не спасе их, но десница Твоя, и мышца Твоя, и просвещение лица Твоего, яко благоволил еси в них. <sup>5</sup> Ты еси Сам Царь мой и Бог мой, заповедаей спасения Иаковля. <sup>6</sup> О Тебе враги наша избодем роги, и о имени Твоем уничижим востающих на ны. <sup>7</sup> Не на лук бо мой уповаю, и мечь мой не спасет мене. <sup>8</sup> Спасл бо еси нас от стужающих нам, и ненавидящих нас посрамил еси. <sup>9</sup> О Бозе похвалимся весь день и о имени Твоем исповемся во век. <sup>10</sup> Ныне же отринул еси и посрамил еси нас, и не изыдеши, Боже, в силах наших. <sup>11</sup> Возвратил еси нас вспять при вразех наших, и ненавидящих нас расхищаху себе. <sup>12</sup> Дал еси нас яко овцы снеди, и во языцех разсеял ны еси. <sup>13</sup> Отдал еси люди Твоя без цены, и не бе множество в

восклицáниих нáших. <sup>14</sup> Положил еси нас поношéние сосéдом нáшим, подражéние и поругáние сущим óкрест нас. <sup>15</sup> Положил еси нас в притчу во языцех, покивáнию главы в людех. <sup>16</sup> Весь день срам мой предó мною есть, и студ лица моего покры мя <sup>17</sup> от глása поношáющего и оклеветáющего, от лица вражия и изгоняющего. <sup>18</sup> Сия вся приидóша на ны, и не забыхом Тебé, и не неправдовахом в завете Твоем. <sup>19</sup> И не отступí вспять сёрдце нáше, и уклонíл еси стези наша от путí Твоего. <sup>20</sup> Яко смирил еси нас на мéсте озлоблénия, и прикрý ны сень смёртная. <sup>21</sup> Аще забыхом íмя Бóга нáшего и аще воздéхом рúки наша к бóгу чуждému. <sup>22</sup> Не Бог ли взыщет сих? Тóй бо весть тáйная сёрдца. <sup>23</sup> Занé Тебé рáди умерщвлéемся весь день, вменихомся я́ко óвцы заколénия. <sup>24</sup> Востáни, вскúю спиши, Гóсподи? Воскресни и не отрини до концá. <sup>25</sup> Вскúю лице Твое отвращáеши? Забывáеши нищету нашу и скорбь нашу? <sup>26</sup> Яко смири́ся в персть душá наша, прильпé земли утрóба наша. <sup>27</sup> Воскресни, Гóсподи, помози нам и избáви нас íмене рáди Твоего.

<sup>1</sup> В конéц,  
о изменяемых сыном Кореовым,  
в рáзум,  
песнь о возлюбленном, 44

<sup>2</sup> Отрыгну сёрдце моé слóво блáго, глаголю аз делá моя царéви: язык мой трость книжника скорописца. <sup>3</sup> Красен добрóтою пáче сыновъ человéческих, изли́ся благодáть во устнáх Твоих, сего рáди благословí тя Бог во век. <sup>4</sup> Препояши мечь Твою по бедре Твоей, Сильне. <sup>5</sup> Красотóю Твоею и добрóтою Твоею, и наляцы, и успевай, и царствуй íстины рáди и крóтости, и правды, и наставит Тя дивно десница Твоя. <sup>6</sup> Стрелы Твоя́ изощрены, Сильне, людие под Тобою падут в сёрдцы враг царéвых. <sup>7</sup> Престóл Твой, Бóже, в век вéка: жезл правости, жезл Царствия Твоего. <sup>8</sup> Возлюбил еси правду и возненавидел еси беззаконие, сего рáди помáза Тя, Бóже, Бог Твой елеем радости, пáче причáстник Твоих. <sup>9</sup> Смирна и стáкти и кассиá от риз Твоих, от тяжестей слонóвых, из нихже возвесели́ша Тя. <sup>10</sup> Дщери царей в чéсти Твоей, предстá Царица одесную Тебé, в ризах позлащénных одéяна преиспещрénна. <sup>11</sup> Слы́ши, Дщи, и виждь, и приклони́ úхо Твое, и забуди люди Твоя́, и дом отцá Твоего. <sup>12</sup> И возжелáет Царь добрóты Твоея: занé Той есть Госпóдь Твой и поклонíшися Ему. <sup>13</sup> И дщи Тíрова с дáры, лицу́ Твоему́ помóлятся богáтии людстии. <sup>14</sup> Вся слáва Дщере Царéвы внутрь, рýсны златýми одéяна и преиспещрénна. <sup>15</sup> Приведутся Царю дéвы в след ея́, искренния ея́ приведутся Тебé. <sup>16</sup> Приведутся в весéлии и рáдовании, введутся в храм Царев. <sup>17</sup> Вмéсто отéц твоих бы́ша сынове твои: поставиши я́ князи по всей землi. <sup>18</sup> Помяну́ íмя Твое во вся́ком рóде и рóде. Сего рáди людие исповедáются Тебé в век и во век вéка.

<sup>1</sup> В конéц,  
о сынех Кореовых,  
о тайных, псалом 45

<sup>2</sup> Бог нам Прибéжище и Сила, Помóщник в скóрбех, обрétших ны зело́. <sup>3</sup> Сего рáди не úбоимся, внегда́ смущáется земл́я и прелáгаются гóры в сердцá морская́. <sup>4</sup> Возшумéша и смятóшася вóды их, смятóшася гóры крéпостию Его. <sup>5</sup> Рéчная устремлénия веселя́т град Бóжий: освятил есть селénие Своё Вы́шний. <sup>6</sup> Бог посреде́ его, и не подви́жится: помóжет ему́ Бог úтро заúтра. <sup>7</sup> Смятóшася языцы, уклонíшася царствия: даде́ глас Свой Вы́шний, подви́жеся земл́я. <sup>8</sup> Госпóдь сил с нáми, Застúпник наш Бог Иáковль. <sup>9</sup> Приидите и видите

дела Божия, яже положи чудеса на земли: <sup>10</sup> отъемля брани до конец земли, лук сокрушит и сломит оружие, и щиты сожжет огнем. <sup>11</sup> Упразднитеся и разумейте, яко Аз есмь Бог: вознесуся во языцех, вознесуся на земли. <sup>12</sup> Господь сил с нами, Заступник наш Бог Иаковль.

Слава:

*По 6-й кафисме, Трисвятое.*

*Таже тропари, глас 3: Хвалу приношу Ти, Господи, прегрешения моя вся возвещаю Ти, Боже, обратив помилуй мя.*

*Слава: Спаси мя, Боже мой, якоже иногда мытаря спасл еси, и блудницы слез не презревый, и мое воздыхание прими, Спасе мой, и спаси мя.*

*И ныне: Рабски ныне притекаю к покрову Твоему, Пренепорочная: избави мя, Богородительнице, слияния страстей, яко безстрастия Виновнаго Родшая.*

Господи, Помилуй (40) и молитва:

Благодарим Тя, Господи Боже наш, о всех благодеяниях Твоих, яже от перваго возраста до настоящего в нас, недостойных, бывших, о ихже вемы и не вемы, о явленных и неявленных, яже делом бывших, и словом: возлюбивый нас, якоже и Единороднаго Твоего Сына о нас дати изволивый. Сподоби и нас достойны быти Твоея любви. Дажь словом Твоим мудрость и страхом Твоим вдохни крепость от Твоея силы, и аще что хотяще или не хотяще согрешихом, прости, и не вмени и сохрани душу нашу святу, и представи ю Твоему Престолу, совесть имущу чисту, и конец достоин человеколюбия Твоего. И помяни, Господи, всех призывающих имя Твое во истине: помяни всех, блага или сопротивная нам хотящих: вси бо человецы есмы, и всуе всяк человек. Темже молимся Тебе, Господи: подаждь нам Твоего благоутробия велию милость.

## КАФИСМА СЕДЬМАЯ

<sup>1</sup> В конец, о сынех Кореовых,  
псалом 46

<sup>2</sup> Все языцы воспещите руками, воскликните Богу гласом радования. <sup>3</sup> Яко Господь Вышний страшен, Царь велий по всей земли. <sup>4</sup> Покори люди нам и языки под ноги наша: <sup>5</sup> избра нам достояние Свое, доброту Иаковлю, юже возлюбил. <sup>6</sup> Взиде Бог в воскликновении, Господь во гласе трубы. <sup>7</sup> Пойте Богу нашему, пойте, пойте Цареву нашему, пойте. <sup>8</sup> Яко Царь всея земли Бог, пойте разумно. <sup>9</sup> Воцарися Бог над языки, Бог седит на Престоле святем Своем. <sup>10</sup> Князи людстии собрашася с Богом Авраамлим. Яко Божиим державным земли зело вознесошася.

<sup>1</sup> Псалом, песни сынов Кореовых,  
вторые субботы, 47

<sup>2</sup> Велий Господь и хвален зело во граде Бога нашего, в горе святей Его. <sup>3</sup> Благородным радованием всея земли: горы Сионския, ребра северова, град Царя Великаго. <sup>4</sup> Бог в тяжестех его знаемь есть, егда заступает и. <sup>5</sup> Яко се царие земстии собрашася, сидошася вкупе. <sup>6</sup> Тии видевше тако, удившася, смятошася, подвигошася. <sup>7</sup> Трепет прият я: тамо болезни яко раждающия. <sup>8</sup> Духом бурным сокрушиши корабли Фарсийския. <sup>9</sup> Якоже слышахом, тако и видехом во граде

Господа сил, во граде Бога нашего, Бог основа и в век. <sup>10</sup> Прияхом, Боже, милость Твою посреде людей Твоих. <sup>11</sup> По имени Твоему, Боже, тако и хвала Твоя на концах земли, правды исполнь десница Твоя. <sup>12</sup> Да возвеселится гора Сионская и да возрадуются дочери Иудейския судеб ради Твоих, Господи. <sup>13</sup> Обыдите Сион и обымите его, поведите в столпах его. <sup>14</sup> Положите сердца ваша в силу Его и разделите дома Его, яко да повесть в роде ином. <sup>15</sup> Яко Той есть Бог наш во век и в век века, Той упасет нас во веки.

<sup>1</sup> В конец, сыном Кореовым,  
псалом 48

<sup>2</sup> Услышите сия вси языцы, внушите вси живущии по вселенней: <sup>3</sup> земнороднии же и сынове человечести, вкупе богат и убог. <sup>4</sup> Уста моя возглаголют премудрость, и поучение сердца моего разум. <sup>5</sup> Приклоню в притчу ухо мое, отверзу во псалтири ганаение мое. <sup>6</sup> Вскую боюся, в день лют? Беззаконие пяты моея обыдет мя. <sup>7</sup> Надлежащие на силу свою и о множестве богатства своего хвальноися, <sup>8</sup> брат не избавит, избавит ли человек? Не даст Богу измены за ся, <sup>9</sup> и цену избавления души своея, и утрудися в век. <sup>10</sup> И жив будет до конца, не узрит пагубы. <sup>11</sup> Егда увидит премудрыя умирающыя, вкупе безумен и несмыслен погибнут и оставят чуждм богатство свое. <sup>12</sup> И гроби их жилища их во век, селения их в род и род, нарекоша имена своя на землях. <sup>13</sup> И человек в чести сый не разуме, приложися скотом несмысленным и уподобися им. <sup>14</sup> Сей путь их соблазн им, и по сих во устех своих благоволят. <sup>15</sup> Яко овцы во аде положени суть, смерть упасет я, и обладают ими правии заутра, и помощь их обещает во аде, от славы своея изриновени быша. <sup>16</sup> Обаче Бог избавит душу мою из руки адовы, егда приимлет мя. <sup>17</sup> Не убойся, егда разбогатеет человек или егда умножится слава дому его: <sup>18</sup> яко внегда умерети ему, не возмет вся, ниже снидет с ним слава его. <sup>19</sup> Яко душа его в животе его благословится: исповестся Тебе, егда благосотвориши ему. <sup>20</sup> Внидет даже до рода отец своих, даже до века не узрит света. <sup>21</sup> И человек в чести сый не разуме, приложися скотом несмысленным и уподобися им.

Слава:

Псалом Асафу, 49

<sup>1</sup> Бог богов Господь глагола и призвал землю от восток солнца до запад. <sup>2</sup> От Сиона благолепие красоты Его. <sup>3</sup> Бог яже придет, Бог наш, и не премолчит: огонь пред Ним возгорится, и окрест Его буря зельна. <sup>4</sup> Призовет Небо свыше и землю разсудити люди Своя. <sup>5</sup> Соберите Ему преподобныя Его, завещающыя завет Его о жертвах. <sup>6</sup> И возвестят небеса правду Его, яко Бог судия есть. <sup>7</sup> Услышите, людие мой, и возглаголю вам, Израилю, и засвидетельствую тебе: Бог, Бог твой есмь аз. <sup>8</sup> Не о жертвах твоих обличу тя, всеожжения же Твоя предо Мною суть вина. <sup>9</sup> Не приму от дому Твоего тельцов, ниже от стад твоих козлов. <sup>10</sup> Яко мой суть вси зверие дубравнии, скоти в горах и волове. <sup>11</sup> Познах вся птицы небесныя, и красота сельная со Мною есть. <sup>12</sup> Аще взалчу, не реку тебе: Моя бо есть вселенная и исполнение ея. <sup>13</sup> Еда ям мяса юнча или кровь козлов пию? <sup>14</sup> Пожри Богови жертву хвалы и воздаждь Вышнему молитвы Твоя. <sup>15</sup> И призови Мя в день скорби твоея, и изму тя, и прославиши Мя. <sup>16</sup> Грешнику же рече Бог: вскую ты поведаеши

оправдания Моя и восприемлеша завет Мой усты твоими? <sup>17</sup> Ты же возненавидел еси наказание и отвергнул еси словеса Моя вспять. <sup>18</sup> Аще видел еси татя, текл еси с ним, и с прелюбодеем участие твое полагал еси. <sup>19</sup> Уста Твоя умножиша злобу, и язык твой сплеташе лщения. <sup>20</sup> Седя, на брата твоего клеветал еси и на сына матере твоея полагал еси соблазн. <sup>21</sup> Сия сотворил еси и умолчах, вознепщевал еси беззаконие, яко буду тебе подобен. Обличу тя и представлю пред лицом твоим грехи Твоя. <sup>22</sup> Разумейте убо сия, забывающии Бога, да не когда похитит, и не будет избавляяй. <sup>23</sup> Жертва хвалы прославит Мя, и тамо путь, имже явлю ему спасение Моё.

<sup>1</sup> В конец, псалом Давиду, внегда  
внити к нему Нафану пророку,  
<sup>2</sup> егда вниде к Вирсавии,  
жене Уриеве, 50

<sup>3</sup> Помилуй мя, Боже, по велицей милости Твоей, и по множеству щедрот Твоих очисти беззаконие мое. <sup>4</sup> Наипаче омий мя от беззакония моего, и от грехов моего очисти мя. <sup>5</sup> Яко беззаконие мое аз знаю и грех мой предо мною есть вина. <sup>6</sup> Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. <sup>7</sup> Се бо в беззакониях зачат есмь, и во гресех роди мя мати моя. <sup>8</sup> Се бо истину возлюбил еси, безвестная и тайная премудрости Твоея явил ми еси. <sup>9</sup> Окропиши мя иссопом, и очищуся, омиеши мя, и паче снега убелюся. <sup>10</sup> Слуху моему даси радость и веселие, возрадуются кости смиренныя. <sup>11</sup> Отврати лице Твое от грех моих, и вся беззакония моя очисти. <sup>12</sup> Сердце чисто созижди во мне, Боже, и дух прав обнови во утробе моей. <sup>13</sup> Не отвержи мене от лица Твоего, и Духа Твоего Святого не отыми от мене. <sup>14</sup> Воздаждь ми радость спасения Твоего, и Духом Владычним утверди мя. <sup>15</sup> Научу беззаконныя путем Твоим, и нечестивии к Тебе обратятся. <sup>16</sup> Избави мя от кровей, Боже, Боже спасения моего, возрадуется язык мой правде Твоей. <sup>17</sup> Господи, устне мои отверзеши, и уста моя возвестят хвалу Твою. <sup>18</sup> Яко аще бы восхотел еси жертвы, дал бых убо, всесожжения не благоволиши. <sup>19</sup> Жертва Богу дух сокрушен, сердце сокрушено и смиренно Бог не унижит. <sup>20</sup> Ублажи, Господи, благоволением Твоим Сиона, и да созиждутся стены Иерусалимския. <sup>21</sup> тогда благоволиши жертву правды, возношение и всесожегаемая: тогда возложат на олтарь Твой тельцы.

Слава:

<sup>1</sup> В конец, разума Давиду,  
<sup>2</sup> внегда приити Доику Идумейску,  
и возвестити Саулу,  
и рещи ему: прииде Давид  
в дом Авимелехов, 51

<sup>3</sup> Что хвалишиися во злобе, силне? Беззаконие весь день. <sup>4</sup> Неправду умисли язык твой, яко бритву изошрену сотворил еси лесь. <sup>5</sup> Возлюбил еси злобу паче благостыни, неправду неже глаголати правду. <sup>6</sup> Возлюбил еси вся глаголы потопныя, язык лстив. <sup>7</sup> Сего ради Бог разрушит тя до конца, восторгнет тя, и преселит тя от селения твоего и корень твой от земли живых. <sup>8</sup> Узрят праведнии и убоятся, и о нем возсмеются и рекут: <sup>9</sup> се человек, иже не положи Бога Помощника себе, но упова на

множество богатства своего, и возможе суетою своею. <sup>10</sup> Аз же яко маслина плодови́та в дому́ Божии, упова́х на милость Божию во век и в век ве́ка. <sup>11</sup> Испове́мся Тебе́ во век, яко сотворил еси́, и терплю́ имя Твое, яко благо́ пред преподо́бными Твоими́.

<sup>1</sup> В конце́, о Маелефе, разума  
Давиду, 52

<sup>2</sup> Рече́ безу́мен в се́рдце своём: несть Бог, растлѣша и омерзи́шася в беззакониих, несть творя́й благо́е. <sup>3</sup> Бог с Небесе́ приниче на сыны́ челове́чския, видети, а́ще есть разумева́яй или́ взыска́яй Бо́га? <sup>4</sup> Всеи уклони́шася, вку́пе непотре́бни бы́ша, несть творя́й благо́е, несть до еди́наго. <sup>5</sup> Ни ли уразуме́ют всеи де́лающии беззаконие, снеда́ющии лю́ди моя́ в снеть хлѣба, Го́спода не призва́ша. <sup>6</sup> Та́мо устраши́шася стра́ха, иде́же не бе страх, яко Бог разсы́па ко́сти человекоуго́дников: постыде́шася, яко Бог уничи́жи их. <sup>7</sup> Кто даст от Сио́на спасѣние Изра́илево? Внегда́ возврати́т Бог пленѣние люде́й Свои́х, возра́дуется Иа́ков и возвеселит́ся Изра́иль.

<sup>1</sup> В конце́, в пѣснях ра́зума Дави́ду,  
<sup>2</sup> внегда́ приити́ Зифѣем,  
и рещи́ Сау́лови:  
не се́ ли Дави́д скры́ся в нас; 53

<sup>3</sup> Бо́же, во имя Твое спаси́ мя, и в си́ле Твоей суди́ ми. <sup>4</sup> Бо́же, услы́ши моли́тву мою́, внуши́ глаго́лы уст мои́х. <sup>5</sup> Яко чу́ждии воста́ша на мя и кре́пцыи взыска́ша ду́шу мою́, и не предложі́ша Бо́га пред собо́ю. <sup>6</sup> Се бо Бог помога́ет ми, и Го́сподь Засту́пник души́ мое́й. <sup>7</sup> Отврати́т зла́я враго́м мои́м, истиною Твое́ю потребі́ их. <sup>8</sup> Волею пожру́ Тебе́, испове́мся имени́ Твоему́, Го́споди, яко благо́, <sup>9</sup> яко от вся́кия печа́ли изба́вил мя еси́, и на враги́ моя́ воззрѣ́ око́ мое́.

<sup>1</sup> В конце́, в пѣснях ра́зума Асафу,  
псалом 54

<sup>2</sup> Внуши́, Бо́же, моли́тву мою́ и не презри́ моле́ния моего́. <sup>3</sup> Вонми́ ми и услы́ши мя: возскорбѣх печа́лию мое́ю и смято́хся. <sup>4</sup> От гла́са вра́жия и от стужѣния грѣшнича, яко уклони́ша на мя беззаконие и во гнѣве враждова́ху ми. <sup>5</sup> Се́рдце мое́ смяте́ся во мне и боя́знь сме́рти нападе́ на мя. <sup>6</sup> Страх и трѣпет прии́де на мя и покры́ мя тьма. <sup>7</sup> И рех: кто даст ми криле́, яко голуби́не? И полещу́, и почи́ю? <sup>8</sup> Се удали́хся бѣгая и водвори́хся в пусты́ни. <sup>9</sup> Ча́ях Бо́га, спаса́ющаго мя от малоду́шия и от бу́ри. <sup>10</sup> Пото́пи, Го́споди, и раздели́ язы́ки их: яко видѣх беззаконие и пререка́ние во гра́де. <sup>11</sup> Днем и но́щию обы́дет ѝ по стена́м его. Беззаконие и труд посреде́ его и неправда. <sup>12</sup> И не оскуде́ от стогн его́ ли́хва и лесть. <sup>13</sup> Яко а́ще бы враг поноси́л ми, претерпе́л бых у́бо, и а́ще бы ненави́дяй мя на мя́ велерече́вал, укры́л бых ся от него́. <sup>14</sup> Ты же, челове́че равноду́шне, влады́ко мой и зна́емый мой, <sup>15</sup> и́же купно наслажда́лся еси́ со мно́ю бра́шен, в дому́ Божии ходи́хом единомы́шлением. <sup>16</sup> Да прии́дет же смерть на ня, и да сні́дут во ад жи́ви, яко лука́вство в жили́щах их, посреде́ их. <sup>17</sup> Аз к Бо́гу воззва́х, и Го́сподь услы́ша мя. <sup>18</sup> Ве́чер и за́втра, и полудне пове́м, и возвещу́, и услы́шит глас мой. <sup>19</sup> Изба́вит ми́ром ду́шу мою́ от приближа́ющихся мне, яко во мно́зе бяху со мно́ю. <sup>20</sup> Услы́шит Бог и



смирят я, Сый прежде век. Несть бо им изменения, яко не убояшася Бога.<sup>21</sup> Простре руку свою на воздаяние, оскверниша завет Его.<sup>22</sup> Разделишася от гнева лица Его, и приближишася сердца их, умякнуша словеса их паче елеа, и та суть стрелы.<sup>23</sup> Возврати на Господа печаль твою, и Той тя препитает, не даст в век молвы праведнику.<sup>24</sup> Ты же, Боже, низведи их во студенец истления, мужие кровей и лести не преполовят дней своих. Аз же, Господи, уповаю на Тя.

Слава:

### *По 7-й кафисме, Трисвятое.*

*Таже тропари, глас 5:* Судий сидящему, и Ангелом стоящим, трубе гласящей, пламени горящу, что сотвориши, душе моя, ведома на суд? тогда бо лютая Твоя предстанут, и тайная обличатся согрешения. Темже прежде конца возопий судий: Боже, очисти мя и спаси мя.

*Слава:* Все побдим, и Христа усрящим со множеством елеа и свечами светлыми, яко да чертога внутрь сподобимся, иже бо вне дверей постигнувый, бездельно Богови воззовет: помилуй мя.

*И ныне:* На одре лежа согрешений многих, окрадаемь есмь в надежди спасения моего, ибо сон моея лениности ходатайствует души моей муку. Но Ты, Боже, рождейся от Девы, воздвигни мя к Твоему пению, да славлю Тя.

Господи, Помилуй (40) и молитва:

Господи, Боже мой, яко Благ и Человеколюбец, многия милости сотворил еси со мною, яже не чаях видети, и что воздам Твоей благодати, Господи мой, Господи? Благодарю Твое многопетое имя, благодарю Твое исповедимое на мне благоутробие, благодарю неприкладное Твое долготерпение. И отныне заступи, и помози мне, и покрый мя, Владыко, от всех, еже не ктому согрешати пред Тобою: Ты бо веси естества моего удобопоползновенное, Ты веси безумие мое, Ты веси мною содеянная, яже в ведении и не в ведении, яже вольная и невольная, яже в нощи и во дни, и во уме, и мысли, яко Благ и Человеколюбец Бог, очисти я росю милости Твоея, Преблагий Господи, и спаси нас имене ради Твоего святого, имиже веси судьбами. Ты бо еси Свет и Истина, и Живот, и Тебе славу возсылаем, Отцу и Сыну и Святому Духу, ныне и присно и во веки веков, аминь.

## КАФИСМА ВОСЬМАЯ

<sup>1</sup> В конец, о людех, от святых удаленных,  
Давиду в столпописание, внегда  
удержаша и иноплеменицы  
в Гефе, псалом 55.

<sup>2</sup> Помилуй мя, Боже, яко попра мя человек, весь день боря стужу ми.<sup>3</sup> Попраша мя врази мой весь день, яко мнози борюции мя с высоты.<sup>4</sup> В день не убоюся, аз же уповаю на Тя.<sup>5</sup> О Бозе похваляю словеса моя, на Бога уповах, не убоюся, что сотворит мне плоть?<sup>6</sup> Весь день словес моих гнушахуся, на мя вся помышления их на зло.<sup>7</sup> Вселятся и скрывают, ти пята мою сохранят, якоже потерпеша душу мою.<sup>8</sup> Ни о чесомже отринеша я, гневом люди низведиши.<sup>9</sup> Боже, живот мой возвестих Тебе, положил еси слезы моя пред Тобою, яко и во обетовании Твоем.<sup>10</sup> Да возвратятся врази мой вспять, вонже аще день призову Тя, се познах, яко Бог мой еси Ты.<sup>11</sup> О Бозе похваляю глагол, о Гоппе похваляю слово.<sup>12</sup> На Бога уповах, не

убоюся, что сотворит мне человек? <sup>13</sup> Во мне, Бóже, моли́твы, я́же возда́м хвалы́ Твоея́, <sup>14</sup> я́ко избáвил еси́ ду́шу мою́ от сме́рти, о́чи мои́ от слез, и но́зе мои́ от поползнове́ния, благоугожду́ пред Го́сподем во све́те живы́х.

<sup>1</sup> В ко́нec, да не растли́ши,  
Дави́ду в столпописа́ние, внегда́  
ему́ отбегáти от лица́ Сау́лова  
в пеще́ру, 56

<sup>2</sup> Помилуй мя, Бóже, помилуй мя, я́ко на Тя упова́ душа́ моя́, и на сень крилу́ Твоею́ надеюся, дондеже прейдет беззакóние. <sup>3</sup> Воззову́ к Богу́ Вы́шнему, Богу́, благоде́явшему мне. <sup>4</sup> Посла́ с Небесé и спасé мя, даде́ в поноше́ние попира́ющыя мя, посла́ Бог ми́лость Свою́ и и́стину Свою́, <sup>5</sup> и избáви ду́шу мою́ от среды́ скимнов. Поспах́ смущён, сынове́ челове́чести, зу́бы их ору́жия и стрéлы, и язы́к их меч остр. <sup>6</sup> Вознеси́ся на Небеса́, Бóже, и по всей́ земли́ сла́ва Твоя́. <sup>7</sup> Сеть угото́ваша нога́м мои́м и сляко́ша ду́шу мою́, ископа́ша пред лице́м мои́м я́му и впадо́ша в ню́. <sup>8</sup> Гото́во се́рдце моё, Бóже, гото́во се́рдце моё, воспою́ и пою́ во сла́ве мое́й. <sup>9</sup> Востáни сла́ва моя́, востáни псалти́рю и гу́сли, востáну ра́но. <sup>10</sup> Испове́мся Тебе́ в лю́дех, Го́споди, воспою́ Тебе́ во язы́цех, <sup>11</sup> я́ко возвели́чися до Небес́ ми́лость Твоя́, и да́же до о́блак и́стина Твоя́. <sup>12</sup> Вознеси́ся на Небеса́, Бóже, и по всей́ земли́ сла́ва Твоя́.

<sup>1</sup> В ко́нec, да не растли́ши,  
Дави́ду в столпописа́ние, 57

<sup>2</sup> Аще вои́стинну у́бо пра́вду глаго́лете, пра́вая суди́те, сынове́ челове́чести. <sup>3</sup> Ибо́ в се́рдце беззакóние де́лаете на земли́, неправду́ ру́ки ва́ша сплетáют. <sup>4</sup> Очужди́шася грéшницы от ложесн, заблуди́ша от чре́ва, глаго́лаша лжу́. <sup>5</sup> Ярость их по подо́бию змиину́, я́ко а́спида глу́ха и затыка́ющаго у́ши свои́, <sup>6</sup> и́же не услы́шит гла́са обава́ющих, обава́емь обава́ется от премудра. <sup>7</sup> Бог сокруши́т зу́бы их во устéх их, членóвныя львов сокруши́л естъ Го́сподь. <sup>8</sup> Уничжи́атся я́ко вода́ мимотеку́щая, напряжéт лук свой, дондеже изнемо́гут. <sup>9</sup> Я́ко воск растáяв отъймутся, падé огонь на них и не видеша со́лнца. <sup>10</sup> Прэ́жде е́же разумéти те́рния ва́шего ра́мна, я́ко живы, я́ко во гнэ́ве пожрёт я́. <sup>11</sup> Возвесели́тся пра́ведник, егда́ увидит отмщéние, ру́це свои́ умы́ет в кро́ви грéшника. <sup>12</sup> И речёт человек: а́ще у́бо естъ плод пра́веднику, у́бо естъ Бог судя́ им на земли́.

Слава:

<sup>1</sup> В ко́нec, да не растли́ши,  
Дави́ду в столпописа́ние,  
внегда́ посла́ Сау́л, и стрежé  
дом его́, е́же умертви́ти его́, 58

<sup>2</sup> Изми́ мя от враг мои́х, Бóже, и от воста́ющих на мя избáви мя. <sup>3</sup> Избáви мя от де́лающих беззакóние и от муж кровей́ спаси́ мя. <sup>4</sup> Я́ко се улови́ша ду́шу мою́, нападо́ша на мя крeпцыи, ниже́ беззакóние моё, ниже́ грех мой, Го́споди. <sup>5</sup> Без беззакóния текóх и исправи́х, востáни в срéтение моё и виждь. <sup>6</sup> И ты, Го́споди Бóже сил, Бóже Изра́илев, вонми́ посетити́ вся язы́ки, да не ущедриши́ вся де́лающыя беззакóние. <sup>7</sup> Возвратя́тся на ве́чер и взáлчут, я́ко пес, и обы́дут град. <sup>8</sup> Се ти́и

отвещают усты своими, и меч во устнах их, яко кто слыша? <sup>9</sup> И Ты, Господи, посмеешься им, уничижиши вся языки. <sup>10</sup> Державу мою к Тебе сохраню, яко Ты, Боже, Заступник мой еси. <sup>11</sup> Бог мой, милость Его предварит мя, Бог мой, явит мне на вразех моих. <sup>12</sup> Не убий их, да не когда забудут закон Твой, расточи я силою Твоею и низведи я, Защитниче мой, Господи. <sup>13</sup> Грех уст их, слово устен их, и яти да будут в гордыни своей, и от клятвы и лжи возвестятся в кончине. <sup>14</sup> Во гневе кончины, и не будут и уведят, яко Бог владычествует Иаковом и концы земли. <sup>15</sup> Возвратятся на вечер, и взалчут, яко пес, и обыдут град. <sup>16</sup> Тии разыдутся ясти. Аще ли же не насытятся, и поропщут. <sup>17</sup> Аз же воспую силу Твою и возрадуюся завтра о милости Твоей, яко был еси Заступник мой и Прибежище мое в день скорби моея. <sup>18</sup> Помощник мой еси, Тебе пою: яко Бог Заступник мой еси, Боже мой, милость моя.

<sup>1</sup> В конец, о изменитися хотящих,  
в столпописание Давиду,  
в научение: <sup>2</sup> внемда сожже  
средоречие Сирийское,  
и Сирию Совальскую,  
и возвратися Иоав, и поразит  
Едома в дебри Солей  
дванадцать тысяч, 59

<sup>3</sup> Боже, отринул ны еси и низложил еси нас, разгневался еси, и ущедрил еси нас. <sup>4</sup> Стрясл еси землю и смутил еси ю, исцели сокрушение ея, яко подвижеся. <sup>5</sup> Показал еси людем Твоим жестокая, напоил еси нас вином умиления. <sup>6</sup> Дал еси боящимся Тебе знамение, еже убежати от лица лука. <sup>7</sup> Яко да избавятся возлюбленнии Твои, спаси десницею Твоею и услыши мя. <sup>8</sup> Бог возлагала во святем Своем: возрадуюся и разделю Сикиму, и юдоль жилищ размерю. <sup>9</sup> Мой есть Галаад, и Мой есть Манассий, и Ефрем – крепость главы Моея, Иуда – царь Мой. <sup>10</sup> Моав – коноб упования Моего, на Идумею простру сапог Мой, Мне иноплеменицы покорятся. <sup>11</sup> Кто введет мя во град ограждения? или кто наставит мя до Идумеи? <sup>12</sup> Не Ты ли, Боже, отринувый нас? И не изыдеши, Боже, в силах наших? <sup>13</sup> Дадь нам помощь от скорби, и суетно спасение человеческо. <sup>14</sup> О Бозе сотворим силу, и Той унижит служающыя нам.

<sup>1</sup> В конец, в песнях, Давиду,  
псалом 60

<sup>2</sup> Услыши, Боже, моление мое, вонми молитве моей. <sup>3</sup> От конец земли к Тебе возвах, внемда уны сердце мое, на камень вознесл мя еси, наставил мя еси. <sup>4</sup> Яко был еси упование мое, столп крепости от лица вражия. <sup>5</sup> Вселюся в селении Твоем во веки, покрюся в крове крил Твоих. <sup>6</sup> Яко Ты, Боже, услышал еси молитвы моя, дал еси достояние боящимся имене Твоего. <sup>7</sup> Дни на дни царевы приложиши, лета его до дне рода и рода. <sup>8</sup> Пребудет в век пред Богом, милость и истину Его кто възыщет? <sup>9</sup> Тако воспую имени Твоему во веки, воздати ми молитвы моя день от дне.

Слава:

<sup>1</sup> В конѣц, о Идифуме,  
псалом Давиду, 61

<sup>2</sup> Не Бóгу ли повинѣтся душá моя? От Того́ бо спасѣние моѣ. <sup>3</sup> Ибо Той Бог мой и Спас мой, Застúпник мой, не подвижуся наипáче. <sup>4</sup> Докóле належитѣ на чело́века? Убивáете вси вы, я́ко стенѣ преклонѣне, и оплóту возриновѣну. <sup>5</sup> Обáче цѣну мою совещáша отр́инути, текóша в жáжди, усты́ своїми благословля́ху и сѣрдцем своим кленя́ху. <sup>6</sup> Обáче Бóгови повинися, душѣ́ моя, я́ко от Того́ терпѣние моѣ. <sup>7</sup> Ибо Той Бог мой и Спас мой, Застúпник мой, не преселю́ся. <sup>8</sup> О Бóзе спасѣние моѣ и слáва моя, Бог пóмощи моея́, и уповáние моѣ на Бóга. <sup>9</sup> Упова́йте на Него́ весь сонм людѣй, изли́йте пред Ним срдцá вáша, я́ко Бог помóщник наш. <sup>10</sup> Обáче сýетни сынове чело́вечести, лживи сынове чело́вечести в мѣрилах ѣже неправдовати, тии от суеты́ вкúпе. <sup>11</sup> Не упова́йте на неправду и на восхищѣние не жѣлайте. Богáтство áще течѣт, не прилагáйте сѣрдца. <sup>12</sup> Едино́ю глаго́ла Бог, двóя сия́ слы́шах, занѣ держа́ва Бóжия, <sup>13</sup> и Твоя́, Гóсподи, мило́сть, я́ко Ты воздáси кому́ждо по делóм его.

<sup>1</sup> Псалом Давиду, внегда́ быти  
ему в пустыни Иудейстей, 62

<sup>2</sup> Бóже, Бóже мой, к Тебѣ́ úтреню, возжа́да Тебѣ́ душá моя, коль мно́жицею Тебѣ́ плоть моя́, в земли́ пúсте и непроходне, и безводне. <sup>3</sup> Тако́ во святѣм яв́ихся Тебѣ́, видети́ силу Твою́ и слáву Твою́. <sup>4</sup> Я́ко лúчши мило́сть Твоя́ пáче живóт, устнѣ́ мои похвалите́ Тя. <sup>5</sup> Тако́ благословлю́ Тя в животѣ́ моѣм, о́ имени Твоѣм возде́жу рúце мои́. <sup>6</sup> Я́ко от тýка и ма́сти да исполнитсá душá моя́, и устна́ма рáдости восхва́лят Тя устá моя. <sup>7</sup> Аще помина́х Тя на постѣли́ моѣй, на úтренних поучáхся в Тя. <sup>8</sup> Я́ко был еси́ Помóщник мой, и в крóве крилú́ Твоѣю́ возра́дуюся. <sup>9</sup> Прильпѣ́ душá моя́ по Тебѣ́, менѣ́ же прият десни́ца Твоя́. <sup>10</sup> Тии́ же всýе иска́ша дúшу мою́, вни́дут в преиспóдняя земли́, <sup>11</sup> преда́ются в рúки ору́жия, чáсти ли́совом бúдут. <sup>12</sup> Царь же возвеселитсá о Бóзе, похва́литсá всяк кленьи́ся Им, я́ко заградисá устá глаго́лющих неправедная́.

<sup>1</sup> В конѣц, псалом Давиду, 63

<sup>2</sup> Услы́ши, Бóже, глас мой, внегда́ молíti ми ся к Тебѣ́, от стрáха вра́жия изми́ дúшу мою́. <sup>3</sup> Покрýй мя от со́нма лука́внующих, от мно́жества дѣлающих неправду. <sup>4</sup> Иже изостри́ша, я́ко мечь, язы́ки своя́, напряго́ша лук свой, вещь гóрьку, <sup>5</sup> состреля́ти в та́йных непорóчна, внеза́пу состреля́ют его и не убо́ятся. <sup>6</sup> Утверди́ша себѣ́ сло́во лука́вое, повѣда́ша скрýти сеть, рѣша: кто́ узрит их? <sup>7</sup> Испыта́ша беззакóние, исчезóша испытáющии испытáния, пристúпит чело́век, и сѣрдце́ глукó, <sup>8</sup> и вознесѣ́тся Бог. Стрѣлы́ младе́нец бы́ша я́звы их, <sup>9</sup> и изнемо́гоша на ня язы́цы их. Смутьи́шася вси видя́щии их, <sup>10</sup> и убо́ятся всяк чело́век, и возвести́ша делá Бóжия, и творѣ́ния Его́ разумѣ́ша. <sup>11</sup> Возвеселитсá праведник о́ Гóсподе и упова́ет на Него́, и похва́лятся вси правии сѣрдцем.

Слава:

**По 8-й кафисме, Трисвятое.**

*Таже тропарй, глас 5:* Во глубины мя грехá поплзшася, треволнение обуреваёт отчаяния, но предварй, Христé, яко Всесилен, Управителю всех, и ко пристанищу тихому устремй безстрастия, за благоутрбие, Спасе, и спасй мя.

*Слава:* Душе, яже zde привременна, тамо же вечна, зрю судилище, и на Престоле судию, и трепещу изречения: прочее, душе, обратйся, суд непрощаемь.

*И ныне:* Надежде ненадеемых, Помоще беспомощных, Заступление на Тя уповающих, святая Владычице Богородице, помощь Твою низпосли нам.

Господи, помилуй (40) и молитва:

Господи Щедрый и Милостивый, Долготерпеливе и Многомилостиве, внуши молитву и вонми гласу моления моего: сотвори со мною знамение во благо, настави мя на путь Твой, еже ходити во истине Твоей, возвесели сердце мое, во еже бояться имени Твоего Святаго, занеже велий еси, и творяй чудеса. Ты еси Бог Един, и несть подобен Тебе в бозех, Господи, Сильный в милости, и Благий в крепости, во еже помогати и утешати, и спасати вся уповающыя на имя Твое, Отца и Сына и Святаго Духа, ныне и присно, и во веки веков, аминь.

## КАФИСМА ДЕВЯТАЯ

<sup>1</sup> В конец,  
псалом песни Давиду,  
песнь Иеремиева и Иезекиилева,  
людей преселения,  
егда хотяху исходити, 64

<sup>2</sup> Тебе подобает песнь, Боже, в Сионе, и Тебе воздастся молитва во Иерусалиме. <sup>3</sup> Услыши молитву мою, к Тебе всяка плоть придет. <sup>4</sup> Слова беззаконник премогаша нас, и нечестия наша Ты очистиши. <sup>5</sup> Блажен, егоже избрал еси и приял, вселится во дворах Твоих. Исполнимся во благих дому Твоего, свят храм Твой, <sup>6</sup> дивен в правде. Услыши ны, Боже, Спасителю наш, упование всех концев земли, и сущих в мори далече, <sup>7</sup> уготовляй горы крепостию Своею, препоясан силою, <sup>8</sup> смущаяй глубину морскую, шуму волн его кто постоит? Смятутся языцы, <sup>9</sup> и убоятся живущии в концах от знамений Твоих, исходы утра и вечера украсиши. <sup>10</sup> Посетил еси землю и упоил еси ю, умножил еси обогатити ю. Река Божия наполнися вод. Уготовал еси пищу им, яко тако [есть] уготовление. <sup>11</sup> Бразды ея упой, умножи жита ея, в каплях ея возвеселится возсияющи. <sup>12</sup> Благословивши венец лета благости Твоея, и поля Твоя исполнятся тука, <sup>13</sup> разботеют красная пустыни, и радостию холми препояшутся. <sup>14</sup> Одеясася овни овчии, и удолия умножат пшеницу, воззовут, ибо воспоют.

<sup>1</sup> В конец,  
песнь псалма воскресения, 65

<sup>2</sup> Воскликните Господеви, вся земля, пойте же имени Его, дадите славу хвалé Его. <sup>3</sup> Рцыте Богу: коль страшна дела Твоя? Во множестве силы Твоея солжут Тебе врази Твоя. <sup>4</sup> Вся земля да поклонится Тебе и поёт Тебе, да поёт же имени Твоему, Вышний. <sup>5</sup> Приидите и видите дела Божия, коль страшен в советех паче сынов

человѣческих. <sup>6</sup> Обращаяя море в сушу, в реце пройдут ногами, тамо возвеселимся о Нем, <sup>7</sup> Владычествующем силою Своєю веком. Очи Его на языки призираете, преогорчевающие да не возносятся в себе. <sup>8</sup> Благословите, языцы, Бога нашего и услышан сотворите глас хвалы Его, <sup>9</sup> положшаго душу мою в живот и не давшаго во смятение ног моих. <sup>10</sup> Яко искусил ны еси, Боже, разжегл ны еси, якоже разжизается серебро. <sup>11</sup> Ввел ны еси в сеть, положил еси скорби на хребте нашем. <sup>12</sup> Возвел еси человеки на главы наша, проидохом сквозе огонь и воду, и извел еси ны в покой. <sup>13</sup> Вниду в дом Твой со всесожжением, воздам Тебе молитвы моя, <sup>14</sup> яже изрекосте устне мой, и глаголаша уста моя в скорби моей, <sup>15</sup> всесожжения тучна вознесу Тебе с кадилом, и овны, вознесу Тебе волы с козлы. <sup>16</sup> Приидите, услышите, и повем вам, вси боящиеся Бога, елика сотвори души моей. <sup>17</sup> К Немю усты моими возвах и вознесох под языком моим. <sup>18</sup> Неправду аще узрех в сердце моем, да не услышит мене Господь. <sup>19</sup> Сего ради услыша мя Бог, внят гласу моления моего. <sup>20</sup> Благословен Бог, иже не остави молитву мою и милость Свою от мене.

<sup>1</sup> В конец, в песнях,  
псалом песни Давиду, 66

<sup>2</sup> Боже, ущедри ны и благослови ны, просвети лице Твое на ны и помилуй ны.  
<sup>3</sup> Познати на земли путь Твой, во всех языцех спасение Твое. <sup>4</sup> Да исповедятся Тебе людие, Боже, да исповедятся Тебе людие вси. <sup>5</sup> Да возвеселятся и да возрадуются языцы, яко судиши людем правотою и языки на земли наставиши. <sup>6</sup> Да исповедятся Тебе людие, Боже, да исповедятся Тебе людие вси. <sup>7</sup> Земля даде плод свой, благослови ны, Боже, Боже наш, <sup>8</sup> благослови ны, Боже, и да убоятся Его вси концы земли.

Слава:

<sup>1</sup> В конец,  
псалом песни Давиду, 67

<sup>2</sup> Да воскреснет Бог, и расточатся врази Его, и да бежат от лица Его ненавидящие Его. <sup>3</sup> Яко исчезает дым, да исчезнут, яко тает воск от лица огня, тако да погибнут грешницы от лица Божия, <sup>4</sup> а праведницы да возвеселятся, да возрадуются пред Богом, да насладятся в веселии. <sup>5</sup> Воспойте Богу, пойте имени Его, путесотворите возшедшему на запады. Господь имя Ему, и радуйтесь пред Ним. <sup>6</sup> Да смятутся от лица Его, Отца сирых и судий вдовиц: Бог в месте святем Своём. <sup>7</sup> Бог вселяет единомысленныя в дом, изводя окованныя мужеством, такожде преогорчевающыя живущыя во гробех. <sup>8</sup> Боже, внигда исходити Тебе пред людьми Твоими, внигда мимоходити Тебе в пустыни, <sup>9</sup> земля потрясется, ибо небеса кануша от лица Бога Синаина, от лица Бога Израилева. <sup>10</sup> Дождь волен отлучиши, Боже, достоанию Твоему и изнеможе, Ты же совершил еси е. <sup>11</sup> Животная Твоя живут на ней, уготовал еси благодтию Твоею нищему, Боже. <sup>12</sup> Господь даст глагол благовествующим силою мноюю. <sup>13</sup> Царь сил возлюбленного, красотю дому разделити корысти. <sup>14</sup> Аще поспит е посреде предел, криле голубине посребрене, и междорамия ея в блещании злата. <sup>15</sup> Внигда разнствит Небесный царь на ней, оснежатся в Селмоне. <sup>16</sup> Горы Божия, горы тучная, горы усырнная, горы тучная. <sup>17</sup>



Вскую нещуете горы усуренныя? Горá, юже благоволи́ Бог жити в ней, ибо Господь вселится до конца. <sup>18</sup> Колесница Божия тма́ми тем, ты́сяща гобзующих, Господь в них в Сина́и во святе́м. <sup>19</sup> Возше́л еси́ на высоту́, плени́л еси́ плен, прия́л еси́ да́ния в челове́цах, ибо не покарáющихся, е́же вселитися. <sup>20</sup> Господь Бог благословен, благословен Господь день дне, поспешит нам Бог спасения́ наших. <sup>21</sup> Бог наш, Бог е́же спаса́ти, и Господня́, Господня́ исходи́ща сме́ртная. <sup>22</sup> Обáче Бог сокруши́т главы́ врагов Свои́х, верх влас преходящих в прегрешения́ свои́х. <sup>23</sup> Рече́ Господь: от Васáна обра́щу, обра́щу во глубина́х морских. <sup>24</sup> Яко да омочится нога́ Твоя́ в кро́ви, язы́к пес твои́х, от враг от него́. <sup>25</sup> Видена бы́ша шествия Твоя́, Бо́же, шествия́ Бо́га моего́ Царя́, и́же во святе́м, <sup>26</sup> предвари́ша кня́зи близ поющих, посреде́ дев тимпа́нниц. <sup>27</sup> В це́рквах благослови́те Бо́га, Го́спода от исто́чник Изра́илевых. <sup>28</sup> Та́мо Вениа́мин юне́йший во у́жасе, кня́зи Иу́довы влады́ки их, кня́зи Завуло́ни, кня́зи Неффали́мли. <sup>29</sup> Запове́ждь, Бо́же, си́лою Твоею́, укрепи́, Бо́же, си́е, е́же соде́лал еси́ в нас. <sup>30</sup> От хра́ма Твоего́ во Иерусали́м Тебе́ принесу́т ца́рие да́ры. <sup>31</sup> Запрети́ звере́м трóстным, сонм юне́ц в ю́ницах людских, е́же затвори́ти искушенны́я сребро́м, расточи́ язы́ки хотя́щия бра́нем. <sup>32</sup> Приидут моли́твенницы от Египта, Ефио́пия предвари́т ру́ку свою́ к Бо́гу. <sup>33</sup> Ца́рства земна́я, по́йте Богу́, воспойте Го́сподеви, <sup>34</sup> возше́дшему на Не́бо небесе́ на восто́ки, се даст гла́су Своему́ глас си́лы. <sup>35</sup> Дади́те сла́ву Бо́гови, на Изра́или велеле́пота Его́, и си́ла Его́ на о́блацех. <sup>36</sup> Дивен Бог во святы́х Своих, Бог Изра́илев: Той даст си́лу и держа́ву лю́дем Своим, благословен Бог.

Слава:

<sup>1</sup> В ко́нec, о изменшихся,  
псалом Давиду, 68

<sup>2</sup> Спаси́, мя, Бо́же, я́ко внидо́ша во́ды до ду́ши моея́. <sup>3</sup> Углебо́х в тимении́ глуби́ны, и несть посто́яния. Приидо́х во глуби́ны морския́, и бу́ря потопи́ мя. <sup>4</sup> Утрудихся зовый́, измолче́ гортáнь мой, исчезо́сте о́чи мои́, от е́же упова́ти ми на Бо́га моего́. <sup>5</sup> Умно́жишася па́че влас главы́ моея́ ненави́дящии мя ту́не, укрепи́шася врази́ мои́, изгоня́щии мя непра́ведно: я́же не восхища́х, тогда́ воздая́х. <sup>6</sup> Бо́же, Ты уве́дел еси́ безу́мие мое́, и прегрешения́ моя́ от Тебе́ не утайшася. <sup>7</sup> Да не посты́дятся о мне терпя́щии Тебе́, Го́споди, Го́споди сил, ниже́ да посра́мятся о мне и́щущии Тебе́, Бо́же Изра́илев. <sup>8</sup> Яко Тебе́ ра́ди претерпéх поноше́ние, покры́ срамота́ лице́ мое́. <sup>9</sup> Чуждь бых бра́тии мое́й, и страна́н сыновом́ ма́тере моея́. <sup>10</sup> Яко ре́вность до́му Твоего́ снedé мя, и поноше́ния понося́щих Ти нападо́ша на мя. <sup>11</sup> И покры́х постом́ ду́шу мою́, и бысть в поноше́ние мне, <sup>12</sup> и положи́х одея́ние мое́ вре́тище, и бых им в при́тчу. <sup>13</sup> О мне глумля́хуся се́дящии во врата́х, и о мне поя́ху пию́щии вино́. <sup>14</sup> Аз же моли́твою мое́ю к Тебе́, Бо́же, вре́мя благово́ления, Бо́же, во мно́жестве ми́лости Твоея́ услы́ши мя, во и́стине спасения́ Твоего́. <sup>15</sup> Спаси́ мя от брeния́, да не угле́бну, да изба́влюся от ненави́дящих мя и от глубо́ких вод. <sup>16</sup> Да не потопи́т мене́ бу́ря водна́я, ниже́ да пожре́т мене́ глуби́на, ниже́ сведéт о мне ровeнник уст свои́х. <sup>17</sup> Услы́ши мя, Го́споди, я́ко блага́ ми́лость Твоя́, по мно́жеству щедро́т Твои́х при́зри на мя. <sup>18</sup> Не отврати́ лица́ Твоего́ от о́трока Твоего́, я́ко скорблю́, ско́ро услы́ши мя. <sup>19</sup> Вонми́ ду́ши мое́й, и изба́ви ю́, враг мои́х ра́ди изба́ви мя. <sup>20</sup> Ты бо ве́си поноше́ние мое́ и студ мой, и срамоту́ мою́: пред Тобо́ю вси оскорбля́ющии мя. <sup>21</sup> Поноше́ние ча́яше ду́ша моя́, и страсть и ждах соскорб́ящаго, и не бе́, и утешáющих, и не обрeто́х. <sup>22</sup> И да́ша в снедь мою́ желчь, и в жа́жду мою́ напои́ша мя о́цта. <sup>23</sup> Да

будет трапéза их пред ними в сеть, и в воздаяние, и в соблазн. <sup>24</sup> Да помрачáтся óчи их, éже не видети, и хребét их вы́ну сляцы. <sup>25</sup> Пролéй на ня гнев Твой, и я́рость гнéва Твоегó да пости́гнет их. <sup>26</sup> Да б́удет двор их пуст, и в жили́щах их да не б́удет живый. <sup>27</sup> Занé егóже Ты поразил еси́, тии погна́ша, и к болéзни язв мо́их приложи́ша. <sup>28</sup> Приложи́ беззакóние к беззакóнию их, и да не вни́дут в прав́ду Твою. <sup>29</sup> Да потребя́тся от кни́ги живы́х и с праведными да не напи́шутся. <sup>30</sup> Нищ и боля́й есмь аз: спасéние Твое, Бóже, да примет мя. <sup>31</sup> Восхвалю́ и́мя Бóга моего́ с пéснию, возвели́чу Его во хвалéнии: <sup>32</sup> и уго́дно б́удет Бóгу па́че тельца́ ю́на, ро́ги износя́ща и па́знокти. <sup>33</sup> Да у́зрят ни́щии и возвеселя́тся: възщíte Бóга, и жива́ будет душа́ ва́ша. <sup>34</sup> Яко услы́ша убо́гия Господь и оковáнная Сво́я не уничижи́. <sup>35</sup> Да восхва́лят Его небеса́ и земля́, мо́ре и вся живу́щая в нем. <sup>36</sup> Яко Бог спасéт Си́она, и сози́ждутся гра́ди Иудéйстии, и вселя́тся та́мо, и наслéдят и́, <sup>37</sup> и се́мя рабо́в Твои́х удержи́т и́, и любя́щии и́мя Твое вселя́тся в нем.

<sup>1</sup> В конéц, Давиду  
в воспоминание,  
во éже спасти́ мя Господу, 69

<sup>2</sup> Бóже, в по́мощь мою́ вонми́, Гóсподи, по́мощи ми потщис́я. <sup>3</sup> Да посты́дятся и посра́мятся и́щущии д́ушу мою́, да возвратя́тся вспя́ть и посты́дятся хотя́щии ми зла́я. <sup>4</sup> Да возвратя́тся а́бие стыдя́щеся глаго́лющии ми: блага́же, блага́же. <sup>5</sup> Да возра́дуются и возвеселя́тся о Тебе́ вси и́щущии Тебе́, Бóже, и да глаго́лют вы́ну, да возвели́чится Господь, любя́щии спасéние Твое: <sup>6</sup> аз же нищ есмь и убо́г, Бóже, помози́ ми: Помóщник мой и Избáвитель мой еси́ Ты, Гóсподи, не зако́сни.

Слава:

### По 9-й кафисме, Трисвятое.

*Таже тропари, глас 6:* Помышляю́ день стра́шный и пла́чу дея́ний мо́их лука́вых, ка́ко отвеща́ю Безсме́ртному Царю́? Или́ ко́им дерзнове́нием воззрю́ на судию́, блу́дный аз? Благоутро́бный Отче, Сы́не единоро́дный, Ду́ше Святы́й, поми́луй мя.

*Слава:* Во юдо́ли плачевне, на ме́сте, éже завещáл еси́, егда́ сядеши, Мило́стиве, сотвори́ти праведный́ суд, не обличи́ моя́ сокровéнная, ниже́ посра́ми мене́ пред Ангелы́, но пощади́ мя, Бóже, и поми́луй мя.

*И ныне:* Уповáние и покрóв держáвный к Тебе́ притека́ющих, Богороди́тельнице, благо́е предста́тельство ми́ра, моли́ со безплóтными приле́жно, Егóже родила́ еси́ Человеколю́бнейшаго́ Бóга, избáвители́ душáм нáшим от вся́каго прещéния, Еди́на Благословéнная.

Гóсподи, Поми́луй (40) и молитва:

Влады́ко Гóсподи, Бóже наш, Иже Еди́н ока́янная мое́я души́ недуг и се́я исцелéние ве́дый, исцели́ ю́, я́коже ве́си, ра́ди мно́жества ми́лости Твое́я и щедрóт Твои́х, понéже от дел мо́их несть пла́стыря приложи́ти ей, ниже́ е́леа, ни обяза́ния, но Ты, пришéдый не праведны́я призвáти, но грéшныя в пока́ние, поми́луй, ущéдри, прости́ ю́, раздери́ рукописа́ние мно́гих мо́их и стúдных дея́ний и наста́ви мя на правый́ путь Твой, да, ходя́й во и́стине Твое́й, возмо́гу избежа́ти стрел лука́ваго и си́це предста́ну неосужде́нно пред стра́шным престóлом Твои́м, сла́вя и воспева́я Пресвято́е Твое и́мя во ве́ки, аминь.

## КАФИСМА ДЕСЯТАЯ

Давиду псалом,  
сынов Ионадавовых  
и первых пленшихся,  
не написан у еврей, 70

<sup>1</sup> На Тя, Гóсподи, упова́х, да не постыжуся в век. <sup>2</sup> Правдою Твоею изба́ви мя и изми́ мя, приклони́ ко мне у́хо Твое́ и спаси́ мя. <sup>3</sup> Буди́ ми в Бо́га Защи́тителя и в ме́сто кре́пко спасти́ мя, я́ко утвержде́ние моё́ и прибе́жище моё́ еси́ Ты. <sup>4</sup> Бо́же мой, изба́ви мя из ру́ки грешнаго, из ру́ки законопресту́пнаго и оби́дящаго, <sup>5</sup> я́ко Ты еси́ терпе́ние моё́, Гóсподи, Гóсподи, упова́ние моё́ от юности́ моея́. <sup>6</sup> В Тебе́ утверди́хся от утробы́, от чрева́ ма́тере моея́ Ты еси́ мой покрови́тель: о Тебе́ пение́ моё́ ви́ну. <sup>7</sup> Я́ко чу́до бых мно́гим, и Ты помо́щник мой кре́пок. <sup>8</sup> Да испо́лнятся уста́ моя́ хваления́, я́ко да воспою́ сла́ву Твою́, весь день великолéпие Твое́. <sup>9</sup> Не отвержи́ мене́ во вре́мя ста́рости, внегда́ оскудева́ти кре́пости мое́й, не оста́ви мене́. <sup>10</sup> Я́ко ре́ша врази́ мои́ мне, и стрегу́щии ду́шу мою́ совеща́ша вку́пе, <sup>11</sup> глаго́люще: Бог оста́вил естъ́ его, пожените́ и имите́ его, я́ко несть́ избавля́й. <sup>12</sup> Бо́же мой, не удали́ся от мене́, Бо́же мой, в по́мощь мою́ вонми́. <sup>13</sup> Да посты́дятся и исче́знут оклевета́ющии ду́шу мою́, да облеку́тся в студ и срам и́щущии зла́я мне. <sup>14</sup> Аз же всегда́ возупова́ю на Тя и приложу́ на вся́ку похвалу́ Твою́. <sup>15</sup> Уста́ моя́ возвестя́т правду́ Твою́, весь день спасе́ние Твое́, я́ко не позна́х кни́жная. <sup>16</sup> Вни́ду в си́ле Господни, Гóсподи, помяну́ правду́ Тебе́ Еди́наго. <sup>17</sup> Бо́же мой, имже́ научи́л мя еси́ от юности́ моея́, и до ны́не возвещу́ чудеса́ Твоя́, <sup>18</sup> и да́же до ста́рости и престаре́ния, Бо́же мой, не оста́ви мене́, донде́же возвещу́ мы́шцу Твою́ роду́ все́му гряду́щему, <sup>19</sup> си́лу Твою́ и правду́ Твою́, Бо́же, да́же до вы́шних, я́же сотвори́л ми еси́ вели́чия. Бо́же, кто подо́бен Тебе́? <sup>20</sup> Ели́ки яви́л ми еси́ ско́рби мно́ги и злы, и обра́щся оживотвори́л мя еси́, и от бездн земли́ возвёл мя еси́. <sup>21</sup> Умно́жил еси́ на мне вели́чие Твое́, и обра́щся утёшил мя еси́, и от бездн земли́ па́ки возвёл мя еси́. <sup>22</sup> Ибо аз испове́мся Тебе́ в лю́дех, Гóсподи, в сосу́дех псаломских и́стину Твою́, Бо́же, воспою́ Тебе́ в гу́слех, Святы́й Изра́илев. <sup>23</sup> Возра́дуется устне́ мои́, егда́ воспою́ Тебе́, и душа́ моя́, ю́же еси́ изба́вил. <sup>24</sup> Ещ́е же и язы́к мой весь день поучи́тся правде́ Твое́й, егда́ посты́дятся и посра́мятся и́щущии зла́я мне.

### О Соломоне, псалом Давиду, 71

<sup>1</sup> Бо́же, суд Твой ца́реви даждь, и правду́ Твою́ сы́ну ца́реву: <sup>2</sup> суди́ти лю́дем Твои́м в правде́, и ни́щым Твои́м в суде́. <sup>3</sup> Да воспри́мут го́ры мир лю́дем, и хо́лми правду́. <sup>4</sup> Суди́т ни́щым людски́м, и спасе́т сы́ны убо́гих и смири́т клеветника́. <sup>5</sup> И пребу́дет с со́лнцем, и пре́жде луны́ ро́да родо́в. <sup>6</sup> Сни́дет я́ко дождь на руно́, и я́ко ка́пля, ка́плющая на зе́млю. <sup>7</sup> Возсия́ет во днех его́ правда́ и мно́жество ми́ра, донде́же оты́мется луна́. <sup>8</sup> И облада́ет от мо́ря до мо́ря, и от рек до коне́ц вселе́нныя. <sup>9</sup> Пред ним припа́дут Ефио́пляне, и врази́ его́ персть по́лижут. <sup>10</sup> Ца́рие Фарсийсти́и и о́строви да́ры принесу́т, ца́рие Аравсти́и и Сава́ да́ры приведу́т: <sup>11</sup> и поклоня́тся ему́ вси ца́рие зе́мстии, вси язы́цы порабо́тают ему́. <sup>12</sup> Я́ко изба́ви ни́ща от си́льна, и убо́га, ему́же не бе помо́щника. <sup>13</sup> Пощади́т ни́ща и убо́га, и ду́шы убо́гих спасе́т: <sup>14</sup> от ли́хвы и от неправды́ изба́вит ду́шы их, и че́стно и́мя его́ пред

ними. <sup>15</sup> И жив будет, и дастся ему от злата Аравийска, и помолются о нем вину, весь день благословят его. <sup>16</sup> Будет утверждение на земли на версех гор, превознесется паче Ливана плод его: и процветут от града яко трава земная. <sup>17</sup> Будет имя его благословено во веки, прежде солнца пребывает имя его, и благословятся в нем вся колена земная, вси языцы ублажат его. <sup>18</sup> Благословен Господь Бог Израилев, творяй чудеса Един. <sup>19</sup> И благословено имя славы Его во век и в век века, и исполнится славы Его вся земля: буди, буди.

Слава:

Оскудеша песни Давида,  
Сына Иессеова, псалом Асафу, 72

<sup>1</sup> Коль благ Бог Израилев, правым сердцем. <sup>2</sup> мой же вмале не подвижистесь ноге: вмале не пролияшася стопы моя. <sup>3</sup> Яко возревновал на беззаконных, мир грешников зря. <sup>4</sup> Яко несть восклонения в смерти их, и утверждения в ране их, <sup>5</sup> в трудех человеческих не суть, и с человеки не примут ран. <sup>6</sup> Сего ради удержал я гордыня их до конца: одевашася неправдою и нечестием своим. <sup>7</sup> Изыдет яко из тука неправда их, преидоша в любовь сердца. <sup>8</sup> Помыслиша и глаголаша в лукавстве, неправду в высоту глаголаша. <sup>9</sup> Положиша на небеси уста своя, и язык их преиде по земли. <sup>10</sup> Сего ради обратятся людие мои семо, и дние исполнены обрящутся в них. <sup>11</sup> И реша: како уведет Бог? И аше есть разум в Вышнем? <sup>12</sup> Се сии грешницы и гобзующии в век, удержалаша богатство. <sup>13</sup> И рех: еда все оправдих сердце мое и умых в неповинных рuce мой, <sup>14</sup> и бых язвен весь день, и обличение мое на утренних. <sup>15</sup> Аще глаголах, повем тако: се роду сынов Твоих, емуже обещахся, <sup>16</sup> и непщевал разумети: сие труд есть предо мною, <sup>17</sup> дондеже вниду во святило Божие и разумю в последняя их. <sup>18</sup> Обаче за льщения их положил еси им злая, низложил еси я, внегда разгордешася. <sup>19</sup> Како быша в заустение? Внезапу исчезоша, погибоша за беззаконие свое. <sup>20</sup> Яко соние востающего, Господи, во граде Твоём образ их уничижиши. <sup>21</sup> Яко разжжеся сердце мое, и утробы моя изменишася. <sup>22</sup> И аз унижен и не разумех, скотен бых у Тебе. <sup>23</sup> И аз вину с Тобю, удержал еси руку десную мою, <sup>24</sup> и советом Твоим наставил мя еси, и со славою приял мя еси. <sup>25</sup> Что бо ми есть на небеси? И от Тебе что восхотех на земли? <sup>26</sup> Исчезе сердце мое и плоть моя, Боже сердца моего, и часть моя, Боже, во век. <sup>27</sup> Яко се удаляющии себе от Тебе, погинути; потребил еси всякаго любодешащего от Тебе. <sup>28</sup> Мне же прилепятся Богу благо есть, полагати на Господа упование мое, возвестити ми вся хвалы Твоя во вратех дщере Сиони.

Разума Асафу, 73

<sup>1</sup> Вскую, Боже, отринул еси до конца? Разгневался ярость Твоя на овцы пажити Твоея? <sup>2</sup> Помяни сонм Твой, егоже стяжал еси исперва, избавил еси жезлом достояния Твоего, гора Сион сия, в нейже вселился еси. <sup>3</sup> Воздвигни рuce Твой на гордыни их в конец, елика лукавнова враг во святем Твоём. <sup>4</sup> И восхвалишася ненавидящи Тя посреде праздника Твоего, положиша знамения своя, знамения, и не познаша, <sup>5</sup> яко во исходе превыше, яко в дубраве древяне секирами разсекоша. <sup>6</sup> Двери его вкупе: сечивом и оскордом разрушиша и. <sup>7</sup> Возжгоша огнем святило Твое, на земли оскверниша жилище имене Твоего. <sup>8</sup> Реша в сердце своем южики их вкупе: приидите и отставим вся праздники Божия от земли. <sup>9</sup> Знамения их не видехом: несть

ктому́ проро́ка, и нас не познаёт ктому́. <sup>10</sup> Докóле, Бóже, понóсит враг? Раздражит противный́ имя́ Твое́ до конца́? <sup>11</sup> Вскýю отвраща́еши рýку Твою́ и десни́цу Твою́ от среды́ нédра Твоегó в конéц? <sup>12</sup> Бог же Царь наш прéжде вéка содела́ спасéние посреде́ земли. <sup>13</sup> Ты утверди́л еси́ си́лою Твоею́ мо́ре, Ты стéрл еси́ главы́ змиéв в водé, <sup>14</sup> Ты сокруши́л еси́ главú змиéву, дал еси́ того́ бра́шно лю́дем Ефиóпским. <sup>15</sup> Ты расто́ргл еси́ исто́чники и пото́ки, Ты изсуши́л еси́ рéки Ифа́мския. <sup>16</sup> Твой есть день, и Твоя́ есть ночь: Ты соверши́л еси́ зарю́ и со́лнце. <sup>17</sup> Ты сотвори́л еси́ вся́ предéлы земли́, жáтву и вéсну Ты созда́л еси́ я́. <sup>18</sup> Помяни́ сия́, враг поно́си Гóсподеви, и лю́дие безúмнии раздражи́ша имя́ Твое́. <sup>19</sup> Не преда́ждь зверéм дýшу, испове́дающуся Тебе́, душ убо́гих Твои́х не забúди до конца́. <sup>20</sup> Призри на завет́ Твой, я́ко испо́лнишася помрачéнии земли́ домо́в беззакóний. <sup>21</sup> Да не возврати́тся смире́нный посра́млен, нищ и убо́г восхвалита́ имя́ Твое́. <sup>22</sup> Воста́ни, Бóже, суди́ прю́ Твою́, помяни́ поноше́ние Твое́, е́же от безúмнаго весь день. <sup>23</sup> Не забúди глása моли́твенник Твои́х, горды́ня ненави́дящих Тя взы́де вы́ну.

Слава:

<sup>1</sup> В конéц, да не растлиши,  
псалом. песни Асафу, 74

<sup>2</sup> Испове́мся Тебе́, Бóже, испове́мся Тебе́, и призовéм имя́ Твое́; повéм вся чудеса́ Твоя́. <sup>3</sup> Егда́ прииму́ вре́мя, Аз правоты́ возсуждú. <sup>4</sup> Растая́ся земля́ и вси живу́щии на ней, Аз утверди́х столпы́ ея́. <sup>5</sup> Рех беззакóннующым, не беззакóннуйте: и согреша́ющим, не возно́сите ро́га, <sup>6</sup> не воздвиза́йте на высотú ро́га ва́шего, и не глаго́лите на Бóга неправду: <sup>7</sup> я́ко ниже́ от исхо́д, ниже́ от за́пад, ниже́ от пусты́х гор. <sup>8</sup> Я́ко Бог судия́ есть: сегó смиря́ет, и сегó возно́сит. <sup>9</sup> Я́ко ча́ша в руце́ Гóсподни, вина́ нерастворе́на, испо́льн растворéния, и уклони́ от сея́ в сию́: обáче дро́ждие Егó не исто́щися, испио́т вси грéшнии земли́. <sup>10</sup> Аз же возра́дуюся в век, воспою́ Бóгу Иа́ковлю: <sup>11</sup> и вся ро́ги грéшных сломлю́, и вознесéтся рог пра́веднаго.

<sup>1</sup> В конéц, в песнех, псалом Асафу,  
песнь ко ассирианину, 75

<sup>2</sup> Вéдом во Иудéи Бог: во Изра́или вéлие имя́ Его. <sup>3</sup> И бысть в ми́ре мéсто Его и жили́ще Его в Сиóне. <sup>4</sup> Та́мо сокруши́ крéпости луко́в, ору́жие и мечь и брань. <sup>5</sup> Просвеща́еши Ты дивно́ от гор вéчных. <sup>6</sup> Смято́шася вси неразу́мнии сёрдцем: усну́ша сном своим, и ничто́же обрето́ша вси мýжие богáтства в руках своих. <sup>7</sup> От запрещéния Твоегó, Бóже Иа́ковль, воздрема́ша всédшии на ко́ни. <sup>8</sup> Ты стра́шен еси́, и кто противоста́нет Тебе́? Отто́ле гнев Твой. <sup>9</sup> С Небесé слы́шан сотвори́л еси́ суд: земля́ убоя́ся, и умолча́, <sup>10</sup> внегда́ воста́ти на суд Бóгу, спасти́ вся крóткия земли́. <sup>11</sup> Я́ко помышлéние челове́ческое испове́тся Тебе́: и оста́нок помышлéния прáзднует Ти. <sup>12</sup> Помолите́ся и воздадите́ Гóсподеви Богу́ на́шему. Вси́ и́же óкрест Его́ принесúт да́ры, <sup>13</sup> стра́шному и отъёмлю́щему дýхи князе́й, стра́шному па́че царей́ земных.

<sup>1</sup> В конéц, о Идифуме,  
псалом Асафу, 76

<sup>2</sup> Глáсом моим ко́ Гóсподу́ воззва́х, глáсом моим к Богу́, и внят ми. <sup>3</sup> В день ско́рби моея́ Бóга взыска́х рука́ма моима́, но́щию пред́ Ним, и не прельщён бых.



Отвёржеся утѣшитися душá моя. <sup>4</sup> Помянѹх Бóга и возвеселихся, поглумляхся и малодушествоваше дух мой. <sup>5</sup> Предварите стражбы́ очи мои: смятохся и не глаголах. <sup>6</sup> Помыслих дни пѣрвыя, и лёта вѣчная помянѹх, и поучахся: <sup>7</sup> нощию сѣрдцем моим глумляхся, и тужаше дух мой: <sup>8</sup> едá во вѣки отрѣнет Господь, и не приложит благоволити пáки? <sup>9</sup> Или до концá мѣлость Свою́ отсечёт, скончá глагол от рóда в род? <sup>10</sup> Едá забúдет ущѣдрити Бог? Или́ удержит во гнѣве Своём щедрóты Своя́? <sup>11</sup> И рех, ны́не начах: сия́ измена десницы́ Вы́шняго. <sup>12</sup> Помянѹх дела́ Господня, я́ко помянѹ́ от нача́ла чудеса́ Твоя́, <sup>13</sup> и поучѹся во всех дѣлах Твои́х, и в начинáнии Твои́х поглумлю́ся. <sup>14</sup> Бóже, во святѣм путь Твой: кто бог вѣлий я́ко Бог наш? <sup>15</sup> Ты еси́ Бог творя́й чудеса́: сказа́л еси́ в лю́дех силу Твою́, <sup>16</sup> изба́вил еси́ мышцею Твоею́ лю́ди Твоя́, сыны́ Иа́ковли и Ио́сифовы. <sup>17</sup> Видеша Тя во́ды, Бóже, видеша Тя во́ды, и убо́яшася: смято́шася бѣздно́, <sup>18</sup> мно́жество шѹма вод, глас да́ша о́блацы, и́бо стрѣлы Твоя́ прехо́дят. <sup>19</sup> Глас гро́ма Твоего́ в колеси́, освети́ша мо́лния Твоя́ вселѣнную: подви́жеся и трѣпетна бысть земля́. <sup>20</sup> В мо́ри пути́е Твои́, и стези́ Твоя́ в вода́х мно́гих, и следы́ Твои́ не позна́ются. <sup>21</sup> Настáвил еси́ я́ко о́вцы лю́ди Твоя́ руко́ю Моисѣевою и Аарóнею.

Слава:

*По 10-й кафисме, Трисвятое.*

*Таже тропари, глас 6:* Страшнаго дне прише́ствия Твоего́ ужаса́юся, Христѣ, и, неумы́тнаго суди́лица боя́йся, Го́споди, ужаса́юся и трепѣщу, я́ко имѣи́ мно́жество согрѣше́ний, но прѣжде концá я́ко Мѣлостив Бог, обрати́ и спаси́ мя, Спа́се мой Многомѣлостиве.

*Слава:* Егда́ престóли на суд поста́вятся, Го́споди, и суди́лицу Твоему́ предста́нут челове́цы: не предпочтѣ́тся царь во́ина, не преимúществит влады́ка раба́: кийждо́ бо от свои́х дел или́ просла́вится, или́ постыди́тся.

*И ныне:* Вели́ких дарова́ний, Чѣстая Дѣво Богома́ти, Ты сподóбилася еси́, я́ко родила́ еси́ плóтию Еди́наго от Тро́ицы, Христа́ Жизнода́вца, во спасѣние душ на́ших.

Го́споди, Помѣлуй (40) и молитва:

Го́споди Бóже наш, в мѣлости Богáтый и в щедрóтах Непостижимый, Еди́не по естеству́ Безгрѣшен, и нас ра́ди кромѣ грехá быв Человѣк, услы́ши в час сей болѣзненное моѣ́ сие́ мо́ление, я́ко нищ и убо́г есмь от дел благих, и сѣрдце моѣ́ смяте́ся внутрь мене́. Ты бо ве́си, Вы́шний Царю́, Го́споди небесе́ и земли́, я́ко всю мою́ ю́ность во гресѣх иждѣх и в след похотѣ́й плóти моея́ ходѣв, весь смех дѣмонов бых, весь диа́волу послѣдовах, вы́ну в тимѣнии сласте́й валя́йся, омрачѣвсь бо помышлѣнием от младенства, да́же и до ны́не, никогда́же восхотѣх сотвори́ти во́лю Твою́ святу́ю, но весь от навету́ющих мя страсте́й пленѣвсь, смех и поругáние дѣмонов бых, ника́коже во уме помышля́яй, я́ко нестерпимый гнев е́же на грѣшники прещѣния Твоего́, и лежа́щую ге́енну о́гненную. Якоже отсю́ду во отча́яние впадѣй, и ника́коже в чѹвстве обра́щения быв, пуст и наг е́же от Твоея́ дру́жбы бых. Кий бо вид грехá не соде́лах? Ко́е дело дѣмонское не соде́ях? Ко́е дея́ние стѹдное и блѹдное не с преимúществом и тща́нием соверши́х? Ум воспомина́ньми плотски́ми оскверни́х, тѣло смешѣньми окаля́х, дух сосложѣнием оскверни́х, всяк уд окая́нныя моея́ плóти служи́ти и рабóтати грехом возлюбѣх. И кто прóчее не возрыда́ет мя, окая́ннаго? Кто не воспла́чет мя, осужде́ннаго? Аз бо еди́н, Влады́ко, я́рость Твою́ прогне́вах, аз еди́н гнев Твой на мя разжего́х, аз еди́н лука́вое пред Тобóю сотвори́х, превозше́д и препобедѣв вся от вѣка грѣшники, несравне́нно погрѣши́вый и непрощѣнно. Но понѣже Многомѣлостивый, Благоутрóбный еси́, Человеколю́бче, и ожида́еши челове́ческаго обра́щения, се и аз вверга́ю себе́ пред стра́шное и нестерпимое Твое́

судіще, и якоже пречістым Твоім ногам касаясь, из глубины души взываю Ти: очисти, Господи, прости, Благопренітелю, помилуй немощ мою, приклоніся недоумению моему, вонми молению моему и слез моих не премолчи, приими мя, кающагося, и заблуждшаго обрати, обращающагося объими и молящагося прости. Не бо положил еси покаяние праведным, не положил еси прощения не согрешающим, но положил еси покаяние мне, грешному, в нихже в негодование Твое содеях, наг и обнажен пред Тобою предстою, Сердцеведче Господи, исповедаяй моя грехи: не бо могу возрети и видети высоту Небесную, от тяжести грехов моих сляцаемь. Просвети убо очи сердца моего и даждь ми умиление к покаянию, и сокрушение сердца ко исправлению, да со благою надеждою и истинным уверением, к тамошнему миру пойду, хваля и благословя выну всесвятое имя Твое, Отца и Сына и Святаго Духа, ныне и присно, и во веки веков, аминь.

## КАФИСМА ОДИННАДЦАТАЯ

Разума Асафу, 77

<sup>1</sup> Внемлите, людие мои, закону моему, приклоните ухо ваше во глаголы уст моих. <sup>2</sup> Отверзу в притчах уста моя, провещаю гана́ния исперва. <sup>3</sup> Елика слышахом и познахом я, и отцы наши поведаша нам: <sup>4</sup> не утайшася от чад их в род ин, возвешающе хвалы Господни и силы Его, и чудеса Его, яже сотвори. <sup>5</sup> И воздвиге свидение во Иакове, и закон положи во Израили: елика заповеда отцем нашим, сказа́ти я сыновом своим, <sup>6</sup> яко да познает род ин, сынове родящиеся, и востанут и поведают я сыновом своим: <sup>7</sup> да положат на Бога упование свое, и не забудут дел Божиих, и заповеди Его взыщут. <sup>8</sup> Да не будут якоже отцы их, род строптив и преогорчева́й, род иже не исправил сердца своего, и не увери с Богом духа своего. <sup>9</sup> Сынове Ефремля наляцающе и стреляюще луки, возвратишася в день брани: <sup>10</sup> не сохраниша завета Божия, и в законе Его не восхотеша ходити. <sup>11</sup> И забыша благодеяния Его, и чудеса Его, яже показа им <sup>12</sup> пред отцы их, яже сотвори чудеса в земли Египетстей: на поли Танеосе. <sup>13</sup> Разверзе море, и проведе их, представи воды яко мех. <sup>14</sup> И настави я облаком во дни, и всю ночь просвещением огня. <sup>15</sup> Разверзе камень в пустыни, и напои я яко в бездне мно́зе, <sup>16</sup> и изведе воду из камени, и низведе яко реки воды. <sup>17</sup> И приложиша еще согрешати Ему, преогорчиша Вышняго в безводней; <sup>18</sup> и искусиша Бога в сердцах своих, воспросити брашна душам своим. <sup>19</sup> И клеветаша на Бога, и реша: еда возмо́жет Бог уготовати трапезу в пустыни? <sup>20</sup> Понеже поразит камень, и потекоша воды, и потоцы наводнишася: еда и хлеб мо́жет дати, или уготовати трапезу людем Своим? <sup>21</sup> Сего ради слыша Господь и презре: и огонь возгореся во Иакове, и гнев взыде на Израиля, <sup>22</sup> яко не вероваша Бо́гови, ниже уповаша на спасение Его. <sup>23</sup> И заповеда облаком свыше, и двери небесе́ отверзе, <sup>24</sup> и одожди им манну ясти, и хлеб небесный даде им. <sup>25</sup> Хлеб ангельский яде человек, брашно посла им до сытости. <sup>26</sup> Воздвиге юг с небесе́, и наведе силою Своєю лива, <sup>27</sup> и одожди на ня яко прах плоти, и яко песок морской птицы пернаты. <sup>28</sup> И наподоша посреде стана их, окрест жилищ их. <sup>29</sup> И ядоша и насытишася зело, и желание их принесе им. <sup>30</sup> Не лишашася от желания своего: еще брашну су́щу во устех их: <sup>31</sup> и гнев Божий взыде на ня, и уби мно́жайшая их, и избранным Израилевым запят. <sup>32</sup> Во всех сих согрешаша еще, и не вероваша чудесем Его. <sup>33</sup> И

исчезоша в суете дние их, и лета их со тщанием. <sup>34</sup> Егда убиваше я, тогда взыскаху Его, и обращяхуся, и утренаваху к Богу: <sup>35</sup> и помянуша, яко Бог Помощник им есть, и Бог Вышний Избавитель им есть. <sup>36</sup> И возлюбилша Его усты своими, и языком своим солгаша Ему: <sup>37</sup> сердце же их не бе право с Ним, ниже уверишася в завете Его. <sup>38</sup> Тойже есть щедр, и очистит грехи их, и не растлит, и умножит отвратити ярость Свою, и не разжжет всего гнева Своего. <sup>39</sup> И помяну, яко плоть суть, дух ходяй и не обращающийся. <sup>40</sup> Колькраты преогорчилша Его в пустыни, прогневаша Его в земли безводней? <sup>41</sup> И обратишася, и искусила Бога, и Святаго Израилева раздражилша, <sup>42</sup> и не помянуша руки Его в день, вонже избави я из руки оскорбляющего, <sup>43</sup> якоже положи во Египте знамения Своя, и чудеса Своя на поли Танеосе, <sup>44</sup> и преложил в кровь реки их, и источники их, яко да не пьют. <sup>45</sup> Посла на ня песия мухи и поядоша я: и жабы, и растли я. <sup>46</sup> И даде рже плоды их, и труды их пругом. <sup>47</sup> Убил градом винограды их, и черничие их сланою, <sup>48</sup> и предаде граду скоты их, и имение их огню. <sup>49</sup> Посла на ня гнев ярости Своея, ярость и гнев и скорбь, послание ангелы лютыми. <sup>50</sup> Путесотвори стезю гневу Своему, и не пощадил от смерти душ их: и скоты их в смерти заключил, <sup>51</sup> и поразил всякое первородное в земли Египетстей, начаток всякаго труда их в селениих Хамовых. <sup>52</sup> И воздвиге яко овцы люди Своя, и возведе я яко стадо в пустыни, <sup>53</sup> и настави я на упование, и не убояшася, и враги их покры море. <sup>54</sup> И введе я в гору святыни Своея, гору сию, юже стяжа десница Его. <sup>55</sup> И изгна от лица их языки, и по жребию даде им [землю] ужем жребодаяния, и всели в селениих их колена Израилева. <sup>56</sup> И искусила и преогорчилша Бога Вышняго, и свидений Его не сохраниша, <sup>57</sup> и отвратилшася, и отвергосашася, якоже и отцы их, превратилшася в лук возвращен, <sup>58</sup> и прогневаша Его в холмех своих и во истуканных своих раздражилша Его. <sup>59</sup> Слыша Бог и презре, и уничижил зело Израиля, <sup>60</sup> и отрину скинию Силомскую, селение, еже вселися в человецех. <sup>61</sup> И предаде в плен крепость их, и доброту их в руки врагов, <sup>62</sup> и затворил во оружии люди Своя, и достояние Свое презре. <sup>63</sup> Юношы их пояде огонь, и девы их не осетованы быша; <sup>64</sup> священницы их мечем падоша, и вдовицы их не оплаканы будут. <sup>65</sup> И воста яко спя Господь, яко силен и шумен от вина, <sup>66</sup> и поразил враги Своя вспять, поношение вечное даде им. <sup>67</sup> И отрину селение Иосифово, и колена Ефремово не избра, <sup>68</sup> и избра колена Иудово, гору Сиону, юже возлюбил, <sup>69</sup> и созда яко единорога святылище Свое, на земли основа и в век. <sup>70</sup> И избра Давида раба Своего, и восприят его от стад овчих. <sup>71</sup> От дойлиц поят его пасты Иакова раба Своего и Израиля достояние Свое. <sup>72</sup> И упасе я в незлобии сердца своего, и в разумех руку своею наставил я есть.

Слава:

### Псалом Асафу, 78

<sup>1</sup> Боже, приидоша языцы в достояние Твое, оскверниша храм святыи Твой, <sup>2</sup> положиша Иерусалим яко овощное хранилище, положиша трупия раб Твоих брашно птицам небесным, плоти преподобных Твоих зверем земным. <sup>3</sup> Пролияша кровь их яко воду окрест Иерусалима, и не бе погребаяй. <sup>4</sup> Быхом поношение соседом нашим, подражние и поругание сущым окрест нас. <sup>5</sup> Доколь, Господи, прогневаешися до конца? Разжжется яко огонь рвение Твое? <sup>6</sup> Пролей гнев Твой на языки не знающыя Тебе, и на царствия, яже имене Твоего не призваша, <sup>7</sup> яко поядоша Иакова, и место его опустошиша. <sup>8</sup> Не помяни наших беззаконий первых: скоро да предварят ны щедроты Твоя, Господи, яко обнищавом зело. <sup>9</sup> Помози нам, Боже, Спасителю наш,

славы ради имене Твоего, Господи, избави ны, и очисти грехи наша имене ради Твоего. <sup>10</sup> Да не когда рекут языцы, где есть Бог их? И да увестся во языцех пред очима нашими отмщение крове раб Твоих пролитыя. <sup>11</sup> Да внидет пред Тя воздыхание окованных, по величию мышцы Твоея снабди сыны умерщвленных. <sup>12</sup> Воздаждь соседом нашим седмерицею в недра их поношение их, имже поносиша Тя, Господи. <sup>13</sup> Мы же, людие Твои и овцы пажити Твоея, исповемыся Тебе, Боже, во век, в род и род возвестим хвалу Твою.

<sup>1</sup> В конец,  
о изменшихся, свидение Асафу,  
псалом 79

<sup>2</sup> Пасый Израиля вонми: наставляяй яко овча Иосифа, седяй на Херувимех, явися, <sup>3</sup> пред Ефремом и Вениамином и Манассием, воздвигни силу Твою, и прииди во еже спасти нас. <sup>4</sup> Боже, обрати ны, и просвети лице Твое, и спасемся. <sup>5</sup> Господи Боже сил, доколе гневаешия на молитву раб Твоих? <sup>6</sup> Напитаеши нас хлебом слезным, и напоиши нас слезами в меру. <sup>7</sup> Положил еси нас в пререkanie соседом нашим, и врази наши подражниша ны. <sup>8</sup> Господи Боже сил, обрати ны, и просвети лице Твое, и спасемся. <sup>9</sup> Виноград из Египта принесл еси, изгнал еси языки, и насадил еси и. <sup>10</sup> Путесотворил еси пред ним, и насадил еси корения его, и исполни землю. <sup>11</sup> Покры горы сень его, и ветвия его кедры Божия; <sup>12</sup> простре розги его до моря, и даже до рек отрасли его. <sup>13</sup> Вскую низложил еси оплот его, и обнимают и вси мимоходящи путем? <sup>14</sup> Озоба и вепрь от дубравы, и уединенный дивий пояде и. <sup>15</sup> Боже сил, обрати ся убо, и призри с Небесе и виждь, и посети виноград сей, <sup>16</sup> и соверши и, егоже насади десница Твоя, и на сына человеческого, егоже укрепил еси Себе. <sup>17</sup> Пожжен огнем и раскопан, от запрещенія лица Твоего погибнут. <sup>18</sup> Да будет рука Твоя на мужа десницы Твоея, и на сына человеческого, егоже укрепил еси Себе, <sup>19</sup> и не отступим от Тебе; оживиши ны, и имя Твое призовем. <sup>20</sup> Господи Боже сил, обрати ны, и просвети лице Твое, и спасемся.

<sup>1</sup> В конец, о точилех,  
псалом Асафу, 80

<sup>2</sup> Радуйтеся Богу, Помощнику нашему, воскликните Богу Иаковлю, <sup>3</sup> примите псалом и дадите тимпан, псалтирь красен с гуслими, <sup>4</sup> вострубите в новомесячии трубою, во благознаменитый день праздника вашего, <sup>5</sup> яко повеление Израилеви есть, и судьба Богу Иаковлю. <sup>6</sup> Свидение во Иосифе положи е, внегда изыти ему от земли Египетския, языка егоже не ведяше услыша. <sup>7</sup> Отъят от бремене хребет его, рuce его в кошй поработасте. <sup>8</sup> В скорби призвал Мя еси, и избавих тя, услышах тя в тайне бурне, искусих тя на воде пререkania. <sup>9</sup> Слышите, людие мой, и засвидетельствую вам, Израилю, аще послушаеши Мене. <sup>10</sup> Не будет Тебе бог нов, ниже поклонишия богу чуждему. <sup>11</sup> Аз бо есмь Господь Бог твой, изведый тя от земли Египетския, разшири уста Твоя, и исполню я. <sup>12</sup> И не послушаша людие мой гласа Моего, и Израиль не внят Ми: <sup>13</sup> и отпустих я по начинанием сердец их, пойдут в начинаниих своих. <sup>14</sup> Аще быша людие мой послушали Мене, Израиль аще бы в пути Моя ходил, <sup>15</sup> ни о чесом же убо враги его смирил бых, и на оскорбляющыя их возложил бых руку Мою. <sup>16</sup> Врази Господни солгаша ему, и будет время их в век. <sup>17</sup> И напита их от тука пшенична, и от камене меда насыти их.

Слава:

## Псалом Асафу, 81

<sup>1</sup> Бог ста в сонме богов, посреде же боги разсудит. <sup>2</sup> Докóле судите неправду, и лица грешников приемлете? <sup>3</sup> Судите сиру и убогу, смирена и нища оправдайте. <sup>4</sup> Измите нища и убога, из руки грешничи избавите его. <sup>5</sup> Не познаша, ниже уразумеша, во тме ходят: да подвижатся вся основания земли. <sup>6</sup> Аз рех: бóзи есте, и сынове Вышняго вси. <sup>7</sup> Вы же яко человецы умираете, и яко един от князей падаете. <sup>8</sup> Воскресни, Бóже, суди земли: яко Ты наследиши во всех языцех.

## <sup>1</sup> Песнь псалма Асафу, 82

<sup>2</sup> Бóже, кто уподобится Тебé? Не премолчи ниже укроти, Бóже. <sup>3</sup> Яко се врази Твоя возшумеша, и ненавидяшии Тя воздвигоша главу. <sup>4</sup> На люди Твоя лукавноваша волею, и совещаша на святых Твоя. <sup>5</sup> Реша: приидите и потребим я от язык, и не помянется имя Израилево ктому. <sup>6</sup> Яко совещаша единомышлением вкупе, на Тя завет завещаша: <sup>7</sup> селения Идумейска, и Исмаилите, Моав и Агаряне: <sup>8</sup> Гевал и Аммон и Амалик, иноплеменицы с живущими в Тире, <sup>9</sup> ибо и Асур прииде с ними, быша в заступление сыновом Лотовым. <sup>10</sup> Сотвори им яко Мадиаму и Сисаре, яко Иавиму в потоце Киссове. <sup>11</sup> Потребишася во Аендоре, быша яко гной земный. <sup>12</sup> Положи князи их, яко Орива и Зива, и Зевеа и Салмана, вся князи их, <sup>13</sup> иже реша: да наслэдим себе святилише Бóжие. <sup>14</sup> Бóже мой, положи я яко коло, яко трость пред лицем ветра. <sup>15</sup> Яко огонь попаляяй дубравы, яко пламень пожигаяй горы, <sup>16</sup> тако поженеши я бурею Твоею, и гневом Твоим смятеши я. <sup>17</sup> Исполни лица их безчестия, и взыщут имене Твоего, Господи. <sup>18</sup> Да постыдятся и смятутся в век века, и посрамятся и погибнут. <sup>19</sup> И да познают, яко имя Тебé Господь, Ты един Вышний по всей земли.

## <sup>1</sup> В конец, о точилех, сыном Кореовым, псалом 83

<sup>2</sup> Коль возлюбленна селения Твоя, Господи сил! <sup>3</sup> Желает и скончается душа моя во дворы Господни, сердце мое и плоть моя возрадовастся о Бóже живе. <sup>4</sup> Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Бóже мой. <sup>5</sup> Блажени живущии в дому Твоем, в веки веков восхвалят Тя. <sup>6</sup> Блажен муж, емуже есть заступление его у Тебé; восхождения в сердце своем положи, <sup>7</sup> во юдоль плачевную, в место еже положи, ибо благословение даст законополагаяй. <sup>8</sup> Пойдут от силы в силу: явится Бог богов в Сионе. <sup>9</sup> Господи Бóже сил, услыши молитву мою, внуши, Бóже Иаковль. <sup>10</sup> Защитниче наш, виждь, Бóже, и призри на лице христа Твоего. <sup>11</sup> Яко лучше день един во двóрех Твоих паче тысяч: изволих приметатися в дому Бóга моего паче, неже жити ми в селениях грешничих. <sup>12</sup> Яко милость и истину любит Господь, Бог благодать и славу даст, Господь не лишит благих ходящих незлобием. <sup>13</sup> Господи Бóже сил, Блажен человек уповаяй на Тя.



**<sup>1</sup> В конец, сыном Кореовым,  
псалом 84**

<sup>2</sup> Благоволил еси, Господи, землю Твою, возвратил еси плен Иаковль: <sup>3</sup> оставил еси беззакония людей Твоих, покрыл еси вся грехи их. <sup>4</sup> Укротил еси весь гнев Твой, возвратился еси от гнева ярости Твоея. <sup>5</sup> Возврати нас, Боже спасений наших, и отвори ярость Твою от нас. <sup>6</sup> Еда во веки прогневаешия на ны? Или простреси гнев Твой от рода в род? <sup>7</sup> Боже, Ты обращаеши оживиши ны, и люди Твои возвеселятся о Тебе. <sup>8</sup> Яви нам, Господи, милость Твою, и спасение Твое даждь нам. <sup>9</sup> Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к Немю. <sup>10</sup> Обаче близ боящихся Его спасение Его, вселити славу в землю нашу. <sup>11</sup> Милость и истина сретостеся, правда и мир облобызастася. <sup>12</sup> Истина от земли возсия, и правда с Небес приниче, <sup>13</sup> ибо Господь даст благодать, и земля наша даст плод свой. <sup>14</sup> Правда пред Ним предидет, и положит в путь стопы своя.

Слава:

**По 11-й кафисме, Трисвятое.**

*Таже тропари, глас 7:* Имущи, душе моя, врачевство покаяния, приступи слезящи, воздыханием вопиющи: Врачу душ и телес, свободи мя, Человеколюбче, от многих согрешений, сопричти мя блуднице, и разбойнику, и мытарю, и даруй ми, Боже, беззаконий моих прощение, и спаси мя.

*Слава:* Мытареву покаянию не поревновах, и блудницы слез не стяжах: недоумеюся бо от ослепления о таком исправлении, но Твоим благоутробием спаси мя, Христе Боже, яко Человеколюбче.

*И ныне:* Богородице Дево Нескверная, Сына Твоего моли с горними силами, прощение прегрешений нам прежде конца даровати и велию милость.

Господи, Помилуй (40) и молитва:

Возсияй в сердцах наших, Человеколюбче Господи, Твоего Боговедения нетленный свет, и мысленная наша отверзи очи, во евангельских Твоих проповеданий разумение, вложи в нас и блаженных Твоих заповедей страх, да плотския похоти вся поправше, духовное жителство пройдем, вся, яже ко благоугождению Твоему и мудрствующе и деюще. Ты бо еси просвещение душ и телес наших, Христе Боже, и Тебе славу возсылаем, со Безначальным Твоим Отцем и Всесвятым, и Благим, и Животворящим Твоим Духом, ныне и присно, и во веки веков, аминь.

## **КАФИСМА ДВЕНАДЦАТАЯ**

Молитва Давиду, 85

<sup>1</sup> Приклони, Господи, ухо Твое, и услыши мя, яко нищ и убог есмь аз. <sup>2</sup> Сохрани душу мою, яко преподобен есмь: спаси раба Твоего, Боже мой, уповающаго на Тя. <sup>3</sup> Помилуй мя, Господи, яко к Тебе воззову весь день. <sup>4</sup> Возвесели душу раба Твоего, яко к Тебе взях душу мою. <sup>5</sup> Яко Ты, Господи, Благ и Кроток, и Многомилостив всем призывающим Тя. <sup>6</sup> Внуши, Господи, молитву мою, и вонми гласу моления моего. <sup>7</sup> В день скорби моея воззвах к Тебе, яко услышал мя еси. <sup>8</sup> Несть подобен



Тебѣ в бѣзах, Господи, и несть по делѣм Твоим. <sup>9</sup> Все языцы, елики сотвори еси, приидут и поклонятся пред Тобою, Господи, и прославят имя Твое, <sup>10</sup> яко Велии еси Ты, и творяи чудеса, Ты еси Бог един. <sup>11</sup> Настави мя, Господи, на путь Твой, и пойду во истине Твоей; да возвеселится сердце мое бояться имени Твоего. <sup>12</sup> Исповемся Тебѣ, Господи Боже мой, всем сердцем моим, и прославлю имя Твое в век: <sup>13</sup> яко милость Твоя велия на мне, и избавил еси душу мою от ада преисподнейшаго. <sup>14</sup> Боже, законопреступницы восташа на мя, и сонм державных взыскаша душу мою, и не предложиша Тебѣ пред собою. <sup>15</sup> И Ты, Господи Боже мой, Щедрый и Милостивый, Долготерпеливый, и Многомилостивый и истинный, <sup>16</sup> призри на мя и помилуй мя, даждь державу Твою отроку Твоему, и спаси сына рабы Твоея. <sup>17</sup> Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси.

<sup>1</sup> Сыном Кореовым,  
псалом песни, 86

<sup>2</sup> Основания его на горах святых; любит Господь врата Сиона паче всех селений Иаковлих. <sup>3</sup> Преславная глаголашася о тебе, граде Божий. <sup>4</sup> Помяну Раав и Вавилона ведущим мя, и се иноплеменицы, и Тир, и людие Ефиопстии, сии быша тамо. <sup>5</sup> Мати Сион речет: человек, и человек родился в нем, и Той основа и Вышний. <sup>6</sup> Господь повесть в писании людей, и князей сих бывших в нем. <sup>7</sup> Яко веселящихся всех жилище в тебе.

<sup>1</sup> Песнь псалма сыном Кореовым,  
в конец, о Маелефе еже отвещати,  
разуема Еману Израильтянину, 87

<sup>2</sup> Господи Боже спасения моего, во дни возвах, и в ночи пред Тобою. <sup>3</sup> Да внидет пред Тя молитва моя: приклони ухо Твое к молению моему, <sup>4</sup> яко исполнися душа моя, и живот мой аду приблизися. <sup>5</sup> Привменен бых с низходящими в ров, бых яко человек без помощи, <sup>6</sup> в мертвых свободь, яко язвеннии спящие во гробе, ихже не помянул еси кому, и ти от руки Твоея отриновени быша. <sup>7</sup> Положиша мя в ров преисподнем, в темных и сени смертней. <sup>8</sup> На мне утвердися ярость Твоя, и вся волны Твоя навел еси на мя. <sup>9</sup> Удалил еси знаемых моих от мене, положиша мя мерзость себе: предан бых и не исхождах. <sup>10</sup> Очи мои изнемогосте от нищеты, возвах к Тебѣ, Господи, весь день, воздох к Тебѣ рuce мой. <sup>11</sup> Еда мертвыми твориши чудеса? Или врачеве воскресят, и исповедятся Тебѣ? <sup>12</sup> Еда повесть кто во гробе милость Твою, и истину Твою в погибели? <sup>13</sup> Еда познана будут во тме чудеса Твоя, и правда Твоя в земли забвенней? <sup>14</sup> И аз к Тебѣ, Господи, возвах и утро молитва моя предварит Тя. <sup>15</sup> Вскую, Господи, отрещи душу мою, отвращаеши лице Твое от мене? <sup>16</sup> Нищ есмь аз, и в трудех от юности моея; вознес же ся, смирихся, и изнемогах. <sup>17</sup> На мне преидоша гнѣви Твои, устрашения Твоя возмутиса мя, <sup>18</sup> обидоша мя яко вода, весь день одержаша мя вкупе. <sup>19</sup> Удалил еси от мене друга и искреняго, и знаемых моих от страстей.

Слава:

<sup>1</sup> Разума Ефама Израильянина,  
псалом 88

<sup>2</sup> Милости Твоя, Господи, во век воспую, в род и род возведу истину Твою усты моими. <sup>3</sup> Зане рекл еси: в век милость созиждется, на Небесах уготовится истина Твоя. <sup>4</sup> Завещах завет избранным моим, кляхся Давиду рабу Моему: <sup>5</sup> до века уготоваю семя твоё, и созижду в род и род престол твой. <sup>6</sup> Исповедят Небеса чудеса Твоя, Господи, ибо истину Твою в церкви святых. <sup>7</sup> Яко кто во облацех уравнился Господеву? Уподобится Господеву в сынех Божиих? <sup>8</sup> Бог прославляемь в совете святых, Великий и Страшен есть над всеми окрестными Его. <sup>9</sup> Господи Боже сил, кто подобен Тебе? Силен еси, Господи, и истина Твоя окрест Тебе. <sup>10</sup> Ты владычествуеши державою морскою: возмущение же волн его Ты укрощаеши. <sup>11</sup> Ты смирил еси яко язвена гордаго, мышцею силы Твоея расточил еси враги Твоя. <sup>12</sup> Твоя суть небеса, и Твоя есть земля, вселенную и исполнения ея Ты основал еси. <sup>13</sup> Север и море Ты создал еси, Фавор и Ермон о имени Твоем возрадуется. <sup>14</sup> Твоя мышца с силою: да укрепится рука Твоя, и вознесется десница Твоя. <sup>15</sup> Правда и судьба уготовление Престола Твоего: милость и истина предидет пред лицом Твоим. <sup>16</sup> Блажени людие ведущии воскликновение: Господи, во свете лица Твоего пойдут, <sup>17</sup> и о имени Твоем возрадуются весь день, и правдою Твоею вознесутся. <sup>18</sup> Яко похвала силы их Ты еси, и во благоволении Твоем вознесется рог наш. <sup>19</sup> Яко Господне есть заступление, и Святого Израилева Царя нашего. <sup>20</sup> тогда глагола еси в видении сыновом Твоим, и рекл еси: положих помощь на сильного, вознесох избраннаго от людей моих, <sup>21</sup> обретох Давида раба Моего, елеем святым моим помазах его. <sup>22</sup> Ибо рука Моя заступит его, и мышца Моя укрепит его, <sup>23</sup> ничтоже успеет враг на него, и сын беззакония не приложит озлобити его: <sup>24</sup> и ссеку от лица его враги его, и ненавидящия его победю. <sup>25</sup> И истина Моя и милость Моя с ним, и о имени Моём вознесется рог его, <sup>26</sup> и положу на мори руку его, и на реках десницу его. <sup>27</sup> Той призовет Мя: Отец мой еси Ты, Бог мой и Заступник спасения моего. <sup>28</sup> И Аз первенца положу его, высока паче царей земных: <sup>29</sup> в век сохраню ему милость Мою, и завет Мой верен ему, <sup>30</sup> и положу в век века семя его, и престол его яко дни неба. <sup>31</sup> Аще оставят сынове его закон Мой, и в судьбах моих не пойдут, <sup>32</sup> аще оправдания Моя осквернят, и заповедей моих не сохранят, <sup>33</sup> посетую жезлом беззакония их, и ранами неправды их, <sup>34</sup> милость же Мою не разорю от них, ни преврежду во истине Моёй, <sup>35</sup> ниже оскверню завета Моего, и исходящих от уст моих не отвергуся. <sup>36</sup> Единою кляхся о святем Моём, аще Давиду солжу? <sup>37</sup> Семя его во век пребудет, и престол его, яко солнце предо Мною, <sup>38</sup> и яко луна совершена в век, и Свидетель на Небеси верен. <sup>39</sup> Ты же отринул еси и унижил, негодовал еси помазаннаго Твоего, <sup>40</sup> разорил еси завет раба Твоего, осквернил еси на земли святину его: <sup>41</sup> разорил еси вся оплоты его, положил еси твердая его страх. <sup>42</sup> Расхищашу его вси мимоходящии путем, бысть поношение соседом своим. <sup>43</sup> Возвысил еси десницу стужающих ему, возвеселил еси вся враги его: <sup>44</sup> отворотил еси помощь меча его, и не заступил еси его во брани. <sup>45</sup> Разорил еси от очищения его, престол его на землю повергл еси, <sup>46</sup> умалил еси дни времени его, облил еси его студом. <sup>47</sup> Доколе, Господи, отвращаешия в конец? Разжжётся яко огонь гнев Твой? <sup>48</sup> Помяни, кий мой состав, еда бо все создаль еси вся сыны человеческия? <sup>49</sup> Кто есть человек, иже поживёт и не узрит смерти, избавит душу свою из руки адовы? <sup>50</sup>

Где суть мѣлости Твоя дѣвнѣя, Господи, ѣмиже клялся еси Давиду во истине Твоей?  
<sup>51</sup> Помяни, Господи, поношение раб твоих, еже удержалъ в недре моемъ многихъ языкъ,  
<sup>52</sup> ѣмже поносиша врази твои, Господи, ѣмже поносиша изменению христа твоего. <sup>53</sup>  
Благословенъ Господь во век, буди, буди.

Слава:

<sup>1</sup> Молитва Мойсеа  
человека Божия, 89

<sup>2</sup> Господи, прибежище былъ еси намъ в родъ и родъ. <sup>3</sup> Прежде даже горамъ не быти и создаться земли и вселенней, и отъ вѣка и до вѣка Ты еси. <sup>4</sup> Не отврати человека во смирение, и рекъ еси: обратитесь, сынове человечести. <sup>5</sup> Яко тысяща летъ предъ очима твоима, Господи, яко день вчерашний, ѣже мимоиде, и стража ночная. <sup>6</sup> Уничужения ихъ лета будутъ. Утро яко трава мимоидетъ, утро процвететъ и прейдетъ: на вечеръ отпадетъ ожестечетъ и исхнетъ. <sup>7</sup> Яко исчезохомъ гнѣвомъ твоимъ, и яростию твоею смутиломся. <sup>8</sup> Положилъ еси беззакония наша предъ Тобою: векъ нашъ в просвещеніе лица твоего. <sup>9</sup> Яко вси дни наши оскудѣша, и гнѣвомъ твоимъ исчезохомъ, <sup>10</sup> лета наша яко паучина поучахуся. Дни летъ нашихъ, в нихже седмдесятъ летъ, аще же в силахъ, осмдесятъ летъ, и множае ихъ трудъ и болѣзнь: яко прииде кротость на ны, и накажемся. <sup>11</sup> Кто вестъ державу гнѣва твоего, и отъ страха твоего, ярость твою истечети? <sup>12</sup> Десницу твою тако скажи ми, и окованныя сердцемъ в мудрости. <sup>13</sup> Обратися, Господи, доколе? И умоленъ буди на рабы твоя. <sup>14</sup> Исполнимся завтра милости твоея, Господи, и возрадовахомся, и возвеселихомся, <sup>15</sup> во вся дни наша возвеселихомся, за дни в ныже смирилъ ны еси, лета в ныже видехомъ злая. <sup>16</sup> И призри на рабы твоя, и на дела твоя, и настави сыны ихъ. <sup>17</sup> И буди свѣтлость Господа Бога нашего на насъ, и дела рукъ нашихъ исправи на насъ, и дело рукъ нашихъ исправи.

Хвала песни Давидовы,  
не написанъ у еврей, 90

<sup>1</sup> Живый в помощи Вышняго, в крове Бога Небеснаго водворится. <sup>2</sup> Речетъ Господеву: Заступникъ мой еси и Прибежище мое, Богъ мой, и уповаю на Него. <sup>3</sup> Яко Той избавитъ тя отъ сѣти ловчи, и отъ словесе мятежна, <sup>4</sup> плещма Своима осенитъ тя, и подъ криле Его надеешься: оружіемъ обыдетъ тя истина Его. <sup>5</sup> Не убоишися отъ страха ночнаго, отъ стрелы летящия во дни, <sup>6</sup> отъ вещи во тме преходящия, отъ сряца, и бѣса полуденнаго. <sup>7</sup> Падетъ отъ страны твоея тысяща, и тма одесную Тебѣ, къ Тебѣ же не приблизится, <sup>8</sup> обаче очима твоима смотриши, и воздаяние грѣшниковъ узриши. <sup>9</sup> Яко Ты, Господи, упование мое, Вышняго положилъ еси прибежище твое. <sup>10</sup> Не придетъ къ Тебѣ зло, и рана не приблизится телеси твоему, <sup>11</sup> яко Ангеломъ Своимъ заповѣсть о Тебѣ, сохранити тя во всехъ путехъ твоихъ. <sup>12</sup> На рукахъ возмутъ тя, да не когда преткнеши о камень ногу твою, <sup>13</sup> на аспіда и василіска наступиши, и попереши льва и змія. <sup>14</sup> Яко на Мя упова, и избавлю ѣ: покрѣю ѣ, яко позна ѣмя Моѣ. <sup>15</sup> Воззоветъ ко Мне, и услышу его: съ нимъ есмь в скорби, измѣю его, и прославлю его, <sup>16</sup> долготою дней исполню его, и явлю ему спасеніе Моѣ.

Слава:

## По 12-й кафисме, Трисвятое.

*Таже тропари, глас 7:* Блудницы слезы и Петровы приемыи, Господи, и мытаря оправдавый из глубины воздохнувши, и мене во умилении припадающа ущедри, Спасе, и помилуй мя.

*Слава:* Примии яко мытаря, Господи, яко блудницу очисти мя, Владыко, яко хананею помилуй, по велицей Твоей милости.

*И ныне:* Мати света Благословенная Богородице, молися Христу Богу совозсияти утро, и велию милость душам нашим.

Господи, Помилуй (40) и молитва:

Господи Боже мой, Един Благий и Человеколюбивый, Един Милостивый и Кроткий, Един Истинный и Праведный, Един Щедрый и Милостивый Боже наш: да придет сила Твоя на мя, грешнаго и непотребнаго раба Твоего, и да укрепит мой храм Евангелием Божественнаго учения Твоего, Владыко и Человеколюбче, Любоблаже, Любоблагоутробне, просвети моя утробы и вся уды Твоею волею. Очисти мя от всякия злобы и греха: соблюди мя нескверна и непорочна от всякаго наития и действия диавола, и даруй ми по Твоей благодати, Твоя разумети, Твоя мудрствовати, и в Твоих хотениях жити, Твоего страха страшитися, еже творити Тебе благоутробная до последнего моего издыхания, яко да по неисповедимой Твоей милости соблюдеши мое тело и душу, ум же и мысли, не искушен всякия сопротивлежация сети храм. Господи мой, Господи, покрый мя Твоим благоутробием, и не остави мя, грешнаго, и нечистаго, и недостойнаго раба Твоего: яко Ты еси Защититель мой, Господи, и о Тебе пение мое выну, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

## КАФИСМА ТРИНАДЦАТАЯ

<sup>1</sup> Псалом песни  
в день субботный, 91

<sup>2</sup> Благо есть исповедатися Господеву, и пети имени Твоему, Вышний: <sup>3</sup> возвещати заутра милость Твою и истину Твою на всяку ночь, <sup>4</sup> в десятиструнном псалтири с песнию в гуслах. <sup>5</sup> Яко возвеселил мя еси, Господи, в творении Твоем, и в делех руку Твоею возрадуюся. <sup>6</sup> Яко возвеличишася дела Твоя, Господи, zelo углубишася помышления Твоя. <sup>7</sup> Муж безумен не познает, и неразумив не разумет сих. <sup>8</sup> Внегда прозябша грешницы яко трава, и проникша вси делающие беззаконие, яко да потребятся в век века. <sup>9</sup> Ты же Вышний во век, Господи. <sup>10</sup> Яко се врази Твои, Господи, яко се врази Твои погубнут, и разыдутся вси делающие беззаконие. <sup>11</sup> И вознесется яко единорога рог мой, и старость моя в елени мастите. <sup>12</sup> И воззрет око мое на враги моя, и востающыя на мя лукавнующыя услышит ухо мое. <sup>13</sup> Праведник яко финикс процветет, яко кедр, иже в Ливане, умножится. <sup>14</sup> Насаждени в дому Господни, во дворех Бога нашего процветут, <sup>15</sup> еще умножатся в старости мастите, и благоприемлюще будут. <sup>16</sup> Да возвестят, яко прав Господь Бог наш, и несть неправды в Нем.

В день предсубботный,  
внегда населися земля,  
хвала песни Давиду, 92

<sup>1</sup> Господь воцарися, в лепоту облечеса: облечеса Господь в силу и препоясая, ибо утверди вселенную, яже не подвижится. <sup>2</sup> Готов Престол Твой оттоле: от века Ты еси. <sup>3</sup> Воздвигоша реки, Господи, воздвигоша реки гласы своя. <sup>4</sup> Возмут реки сотрениа своя, от гласов вод многих. Дивны высоты морския, дивен в высоких Господь. <sup>5</sup> Свидения Твоя уверишася зело, дому Твоему подобает святыня, Господи, в долготу дней.

Псалом Давиду,  
в четвертый субботы, 93

<sup>1</sup> Бог отмщений Господь, Бог отмщений не обинулся есть. <sup>2</sup> Вознесися Судий земли, воздаждь воздаяние гордым. <sup>3</sup> Доколе грешницы, Господи, доколе грешницы восхвалятса? <sup>4</sup> Провещают и возглаголют неправду, возглаголют вси делающии беззаконие? <sup>5</sup> Люди Твоя, Господи, смириша и достояние Твое озлобиша. <sup>6</sup> Вдовицу и сира умориша и пришельца убиша, <sup>7</sup> и реша: не узрит Господь, ниже уразумее Бог Иаковль. <sup>8</sup> Разумейте же безумнии в людех и буии некогда умудритесь. <sup>9</sup> Насаждей ухо, не слышит ли? Или создавый око, не сматрает ли? <sup>10</sup> Наказуйя языки, не обличит ли, учай человека разуму? <sup>11</sup> Господь весть помышления человеческая, яко суть суетна. <sup>12</sup> Блажен человек, егже аще накажеша, Господи, и от закона Твоего научиши его, <sup>13</sup> укротити его от дней лютых, дондеже изрыется грешному яма. <sup>14</sup> Яко не отрнет Господь людей Своих, и достояния Своего не оставит, <sup>15</sup> дондеже правда обратится на суд, и держащиися ея вси правии сердцем. <sup>16</sup> Кто востанет ми на лукавнующыя? Или кто спредстанет ми на делающыя беззаконие? <sup>17</sup> Аще не Господь помогл бы ми, вмале вселилася бы во ад душа моя. <sup>18</sup> Аще глаголах, подвижеса нога моя, милость Твоя, Господи, помогаше ми. <sup>19</sup> По множеству болезней моих в сердце моем, утешения Твоя возвеселиша душу мою. <sup>20</sup> Да не прибдет Тебе престол беззакония, созидай труд на повеление. <sup>21</sup> Уловят на душу праведнича, и кровь неповинную осудят. <sup>22</sup> И бысть мне Господь в прибежище, и Бог мой в помощь упования моего. <sup>23</sup> И воздаст им Господь беззаконие их и по лукавствию их погубит я Господь Бог.

Слава:

Хвала песни Давиду,  
не надписан у еврей, 94

<sup>1</sup> Приидите, возрадуемса Господеви, воскликнем Богу Спасителю нашему: <sup>2</sup> предварим лице Его во исповедании, и во псалмех воскликнем Ему. <sup>3</sup> Яко Бог Велий Господь, и Царь Велий по всей земли, <sup>4</sup> яко в руже Его вси концы земли, и высоты гор Того суть. <sup>5</sup> Яко Того есть море, и Той сотвори е, и сущу руже Его создасте. <sup>6</sup> Приидите, поклонимса и припадем Ему, и восплачемса пред Господем сотворшим нас: <sup>7</sup> яко Той есть Бог наш, и мы людие пажити Его, и овцы руки Его. Днесь аще глас Его услышите, <sup>8</sup> не ожесточите сердец ваших, яко в прогневании, по дни искушения в пустыни, <sup>9</sup> вонже искусиша Мя отцы ваши, искусиша Мя, и видеша дела Моя. <sup>10</sup>

Четы́редесять лет негодова́х ро́да того́, и рех, при́сно заблужда́ют се́рдцем, ти́и же не позна́ша путе́й Мои́х, <sup>11</sup> я́ко кля́хся во гне́ве Моём, а́ще вни́дут в поко́й Мой.

Хвала песни Давиду, внемда́ дом  
созида́шися по пленении,  
не надписан у еврей, 95

<sup>1</sup> Воспо́йте Го́сподеви песнь но́ву, воспо́йте Го́сподеви вся земля́, <sup>2</sup> воспо́йте Го́сподеви, благослови́те и́мя Его, благовести́те день от дне спасе́ние Его. <sup>3</sup> Возвести́те во язы́цах сла́ву Его, во всех лю́дех чудеса́ Его. <sup>4</sup> Я́ко Ве́лий Госпо́дь и хва́лен зело́, стра́шен е́сть над все́ми бо́ги. <sup>5</sup> Я́ко вси бо́зи язы́к бе́сове: Госпо́дь же небеса́ сотвори́. <sup>6</sup> Испове́дание и красота́ пред Ним, святы́ня и великолéпие во святы́ле Его. <sup>7</sup> Принеси́те Го́сподеви оте́чествия язы́к, принеси́те Го́сподеви сла́ву и честь. <sup>8</sup> Принеси́те Го́сподеви сла́ву и́мени Его, возми́те же́ртвы, и входите́ во двори́ Его. <sup>9</sup> Поклоните́ся Го́сподеви во дворе́ святе́м Его, да подви́жится от лица́ Его вся земля́. <sup>10</sup> Рцы́те во язы́цах, я́ко Госпо́дь воцари́ся, и́бо исправи́ вселенну́ю, я́же не подви́жится: су́дит лю́дем пра́востию. <sup>11</sup> Да возвеселя́тся небеса́, и ра́дуется земля́, да подви́жится мо́ре и исполне́ние его. <sup>12</sup> Возра́дуются, поля́, и вся я́же на них, тогда́ возра́дуются вся древа́ дубра́вная от лица́ Господня́, <sup>13</sup> Я́ко гряде́т, я́ко гряде́т суди́ти земли́, суди́ти вселенней в пра́вду, и лю́дем и́стиною Своёю.

Псалом Давиду,  
егда́ земля́ его́ устроя́шися,  
не надписан у еврей, 96

<sup>1</sup> Госпо́дь воцари́ся, да ра́дуется земля́, да веселя́тся о́строви мно́зи. <sup>2</sup> Облак и мрак о́крест его́, пра́вда и судьба́ исправле́ние Престо́ла Его. <sup>3</sup> Огнь пред Ним преды́дет, и попа́лит о́крест враги́ Его. <sup>4</sup> Освети́ша мо́лния Его́ вселенну́ю: ви́де, и подви́жеся земля́. <sup>5</sup> Го́ры я́ко воск растая́ша от лица́ Господня́, от лица́ Го́спода всея́ земли́. <sup>6</sup> Возвести́ша небеса́ пра́вду Его, и ви́деша вси лю́дие сла́ву Его. <sup>7</sup> Да посты́дятся вси кланя́ющиеся истуканн́ым, хва́лящиеся о́ идолах свои́х, поклоните́ся Ему́ вси Ангели́ Его. <sup>8</sup> Слы́ша и возвесели́ся Сио́н, и возра́довашася дщери́ Иуде́йския, суде́б ра́ди Твои́х, Госпо́ди, <sup>9</sup> я́ко Ты Госпо́дь Вы́шний над все́ю земле́ю, зело́ превозне́слся еси́ над все́ми бо́ги. <sup>10</sup> Лю́бящии Го́спода, ненави́дите зла́я, храни́т Госпо́дь ду́шы преподо́бных Свои́х, из ру́ки грешни́чи изба́вит я́. <sup>11</sup> Свет возсия́ пра́веднику, и пра́вым се́рдцем весели́е. <sup>12</sup> Веселите́ся, пра́веднии, о́ Го́споде и испове́дайте па́мять Святы́ни Его.

Слава:

Псалом Давиду, 97

<sup>1</sup> Воспо́йте Го́сподеви песнь но́ву, я́ко дивна́ сотвори́ Госпо́дь. Спасе́ Его десни́ца Его, и мы́шца свята́я Его. <sup>2</sup> Сказа́ Госпо́дь спасе́ние Своё, пред язы́ки откры́ пра́вду Свою́. <sup>3</sup> Помяну́ ми́лость Свою́ Иа́кову, и и́стину Свою́ до́му Изра́илеву, ви́деша вси концы́ земли́ спасе́ние Бо́га на́шего. <sup>4</sup> Воскли́кните Бо́гови вся земля́, воспо́йте, и ра́дуйтесь, и по́йте. <sup>5</sup> По́йте Го́сподеви в гу́слех, в гу́слех и гла́се псаломсте. <sup>6</sup> В труба́х ко́ваных и гла́сом трубы́ рожаны́ воструби́те пред Царе́м Го́сподем. <sup>7</sup> Да подви́жится мо́ре и исполне́ние его́, вселенная́ и вси живу́щие на ней. <sup>8</sup> Ре́ки



восплещут рукою вкупе, горы возрадуются. <sup>9</sup> От лица Господня, яко грядет, яко идет судити земли, судити вселенней в правду, и людем правостию.

#### Псалом Давиду, 98

<sup>1</sup> Господь воцарися, да гневаются людие: седяй на Херувимех, да подвижится земля. <sup>2</sup> Господь в Сионе Велик, и Высок есть над всеми людьми. <sup>3</sup> Да исповедятся имени Твоему великому, яко страшно и свято есть. <sup>4</sup> И честь царева суд любит: Ты уготовал еси правоты, суд и правду во Иакове Ты сотворил еси. <sup>5</sup> Возносите Господа Бога нашего, и поклоняйтесь подножию ногу Его, яко свято есть. <sup>6</sup> Моисей и Аарон в иереех Его, и Самуил в призывающих имя Его: призываху Господа, и Той послушаше их. <sup>7</sup> В столпе облачне глаголаше к ним: яко храняху свидения Его и повеления Его, яже даде им. <sup>8</sup> Господи Боже наш, Ты послушал еси их: Боже, ты Милостив бывал еси им, и мщяя на вся начинания их. <sup>9</sup> Возносите Господа Бога нашего, и поклоняйтесь в горе святей Его, яко Свят Господь Бог наш.

#### Псалом Давиду, во исповедание, 99

<sup>1</sup> Воскликните Богови вся земля, <sup>2</sup> работайте Господеву в веселии, внидите пред Ним в радости. <sup>3</sup> Уведите, яко Господь той есть Бог наш: Той сотворил нас, а не мы, мы же людие Его и овцы пажити Его. <sup>4</sup> Внидите во врата Его во исповедании, во дворы Его в пениих: исповедайтесь Ему, хвалите имя Его. <sup>5</sup> Яко благ Господь, в век милость Его, и даже до рода и рода истина Его.

#### Псалом Давиду, 100

<sup>1</sup> Милость и суд воспою Тебе, Господи. <sup>2</sup> Пою и разумю в пути непорочне, когда приидеши ко мне? Прехождях в незлобии сердца моего посреде дому моего. <sup>3</sup> Не предлагал пред очима моима вещь законопреступную: творящия преступление возненавидех. <sup>4</sup> Не прильпе мне сердце строптиво, уклоняющагося от мене лукаваго не познах. <sup>5</sup> Оклеветавшаго тай искренняго своего, сего изгонях: гордым оком, и несытым сердцем, с сим не ядах. <sup>6</sup> Очи мои на верныя земли, посаждати я со мною: ходяй по пути непорочну, сей ми служаше. <sup>7</sup> Не живяше посреде дому моего творяй гордыню, глаголяй неправедная, не исправляше пред очима моима. <sup>8</sup> Во утрия избивах вся грешныя земли, еже потребити от града Господня вся делающия беззаконие.

Слава:

#### По 13-й кафисме, Трисвятое.

*Таже тропари, глас 8:* Оком благоутробным, Господи, виждь мое смирение, яко помале жизнь моя иждивается, и от дел несть мне спасения. Сего ради молюся: оком благоутробным, Господи, виждь мое смирение и спаси мя.

*Слава:* Яко Судий предстоящу, попецйся, душе, и страшнаго дне час помышляй, суд бо немилостив есть не сотворшым милости. Возопий убо Христу Богу: Сердцеведче, согреших, прежде даже не осудиши, помилуй мя.

*И ныне:* Страшнаго Твоего и грознаго, и неумытнаго суда, Христе, во уме прием день и час, трепещу, яко злодей, студа дела и деяния имеяй лютая, яже един аз содеях прилежно. Темже страхом припадаю Тебе, вопия болезненно: молитвами рождшия Тя, Многомилостиве, спаси мя.

Господи, помилуй (40) и молитва:

Господи Святыи, Иже в вышних живый, и всевидяшим Твоим оком призираяи на всю тварь. Тебе приклонихом выю души и телесе, и Тебе молимся, Святыи святых: простри руку Твою невидимую от святого жилища Твоего, и благослови вся ны: и аще что к Тебе согрешихом волею и неволею, яко Благ и Человеколюбец Бог прости, даруяи нам и мирная благая Твоя. Твое бо есть, еже милovati и спасати, Боже наш, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

## КАФИСМА ЧЕТЫРНАДЦАТАЯ

<sup>1</sup> Молитва нищаго, егда уныет,  
и пред Господем  
пролиет моление свое, 101

<sup>2</sup> Господи, услыши молитву мою, и вопль мой к Тебе да придет. <sup>3</sup> Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. <sup>4</sup> Яко исчезоша яко дым дние мои, и кости моя яко сушило сохосаша. <sup>5</sup> Уязвен бых яко трава, и изсше сердце мое, яко забых снести хлеб мой. <sup>6</sup> От гласа въздыхания моего прильпе кость моя плоти моей. <sup>7</sup> Уподобихся неясоти пустынной, бых яко ночный вран на нырищи. <sup>8</sup> Бдох и бых яко птица особящаяся на зде. <sup>9</sup> Весь день поношаху ми врази мои, и хвлящии мя мною кленяхуся. <sup>10</sup> Зане пепел яко хлеб ядых, и питие мое с плачем растворях. <sup>11</sup> От лица гнева Твоего и ярости Твоея: яко вознес низвергл мя еси. <sup>12</sup> Дние мои яко сень уклонисаша, и аз яко сено изсхох. <sup>13</sup> Ты же, Господи, во век пребываеши, и память Твоя в род и род. <sup>14</sup> Ты воскрес ущедриши Сиона, яко время ущедрити его, яко прииде время. <sup>15</sup> Яко благоволиша раби Твои камене его, и персть его ущедрят. <sup>16</sup> И убоятся языцы имене Господня, и вси царие земстии славы Твоея. <sup>17</sup> Яко созиждет Господь Сиона, и явится во славе Своей. <sup>18</sup> Призрe на молитву смиренных, и не уничижи моления их. <sup>19</sup> Да напишется сие в род ин, и людие зиждемии восхвалят Господа. <sup>20</sup> Яко приниче с высоты святыя Своея, Господь с Небесе на землю призрe, <sup>21</sup> услышати въздыхание окованных, разрешити сыны умерщвленных, <sup>22</sup> возвестити в Сионе Имя Господне, и хвалу Его во Иерусалиме. <sup>23</sup> Внегда собратися людем вкупе, и царем, еже работати Господеву. <sup>24</sup> Отвеща ему на пути крепости его: умаление дней моих возвести ми. <sup>25</sup> Не возведи мене в преполовение дней моих: в роде родов лета Твоя. <sup>26</sup> В началех Ты, Господи, землю основал еси, и дела руку Твоею суть небеса. <sup>27</sup> Та погубнут, Ты же пребываеши: и вся, яко риза обетшают, и яко одежду свиеши я и изменятся. <sup>28</sup> Ты же тойжде еси, и лета Твоя не оскудеют. <sup>29</sup> Сынове раб Твоих вселятся, и семя их во век исправится.

Псалом Давиду 102

<sup>1</sup> Благослови, душе моя, Господа, и вся внутренняя моя имя святое Его. <sup>2</sup> Благослови, душе моя, Господа, и не забывай всех воздаяний Его, <sup>3</sup> очищающего вся беззакония твоя, исцеляющего вся недуги твоя, <sup>4</sup> избавляющего от исления живот твой, венчающего тя милостию и щедротами, <sup>5</sup> исполняющего во благих желание твое:

обновится яко орля юность твоя. <sup>6</sup> Творяй милостыни Господь, и судьбу всем обидимым. <sup>7</sup> Сказá пути Своя Моисеови, сыновом Израилевым хотения Своя: <sup>8</sup> Щедр и Милостив Господь, Долготерпелив и Многомилостив. <sup>9</sup> Не до конца прогневается, ниже во век враждует, <sup>10</sup> не по беззаконием нашим сотворил есть нам, ниже по грехом нашим воздал есть нам. <sup>11</sup> Яко по высотé небесней от земли, утвердил есть Господь милость Свою на боящихся Его. <sup>12</sup> Елико отстоят востóцы от запад, удалил есть от нас беззакония наша. <sup>13</sup> Якоже щедрит отец сыны, ущедри Господь боящихся Его. <sup>14</sup> Яко той позна создание наше, помяну, яко персть есмь. <sup>15</sup> Человек, яко трава дние его, яко цвет сельный, тако оцветет, <sup>16</sup> яко дух пройде в нем, и не будет, и не познает ктому места своего. <sup>17</sup> Милость же Господня от века и до века на боящихся Его, <sup>18</sup> и правда Его на сынех сынов, хранящих завет Его, и помнящих заповеди Его творити я. <sup>19</sup> Господь на Небеси уготова Престол Свой, и Царство Его всеми обладает. <sup>20</sup> Благословите Господа вси Ангели Его, сильнии крепостию, творящии слово Его, услышати глас словес Его. <sup>21</sup> Благословите Господа вся силы Его, слуги Его, творящии волю Его. <sup>22</sup> Благословите Господа вся дела Его, на всяком месте владычества Его, благослови, душе моя, Господа.

Слава:

Псалом Давиду,  
о мирстем бытии, 103

<sup>1</sup> Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. <sup>2</sup> Одейся светом, яко ризою, простираяй небо, яко кожу. <sup>3</sup> Покрывааяй водами превыспрення Своя, полагаяй облаки на восхождение Свое, ходяй на крилу ветреню. <sup>4</sup> Творяй Ангелы Своя духи и слуги Своя пламень огненный. <sup>5</sup> Основаяй землю на тверди ея, не преклонится в век века. <sup>6</sup> Бездна, яко риза, одеяние ея, на горах станут воды, <sup>7</sup> от запрещеня Твоего побегнут, от гласа грома Твоего убоятся. <sup>8</sup> Восходят горы и нисходят поля в место, еже основал еси им. <sup>9</sup> Предел положил еси, егже не прейдут, ниже обратятся покрыти землю. <sup>10</sup> Посылаяй источники в дебрех, посреде гор пройдут воды. <sup>11</sup> Напаяют вся звери сельныя, ждут онагри в жажду свою. <sup>12</sup> На тих птицы небесныя привитают, от среды камня дадут глас. <sup>13</sup> Напаяяй горы от превыспренных Своих, от плода дел Твоих насытится земля. <sup>14</sup> Прозябаяй траву скотом, и злак на службу человеком, извести хлеб от земли. <sup>15</sup> И вино веселит сердце человека, умастити лице елеем, и хлеб сердце человека укрепит. <sup>16</sup> Насытятся древа польская, кедри Ливанстии, ихже еси насадил. <sup>17</sup> Тамо птицы вогнездытся, еродиево жилище предводительствует ими. <sup>18</sup> Горы высокия еленем, камень прибежище зайцем. <sup>19</sup> Сотворил есть луну во времена, солнце позна запад свой. <sup>20</sup> Положил еси тму, и бысть ночь, в нейже пройдут вси зверие дубравнии. <sup>21</sup> Скимни рыкающие, восхитити и взыскати от Бога пищу себе. <sup>22</sup> Возсия солнце и собращася и в ложах своих лягут. <sup>23</sup> Изыдет человек на дело свое и на делание свое до вечера. <sup>24</sup> Яко возвеличишася дела Твоя, Господи, вся премудростию сотворил еси, исполнися земля твари Твоея. <sup>25</sup> Сие море великое и пространное, тамо гади, имже несть числа, животная малая с великими, <sup>26</sup> тамо корабли преплавают, змий сей, егже создал еси ругатися ему. <sup>27</sup> Вся к Тебе чают, дати пищу им во благо время. <sup>28</sup> Давшу Тебе им соберут, отверзшу Тебе руку всяческая исполнятся благи, <sup>29</sup> отвращшу же Тебе лице, возьмутся, отымеши дух их, и исчезнут, и в персть свою возвратятся. <sup>30</sup> Послеши Духа Твоего,

и созиждутся, и обновіши лицѣ землі. <sup>31</sup> Буди слава Господня во веки, возвеселітся Господь о дѣлах Своих, <sup>32</sup> призираяй на землю, и творяй ю трястися, прикасаяся горам, и дымятся. <sup>33</sup> Воспою Господеву в животѣ моем, пою Богу моему, дондеже есмь, <sup>34</sup> да усладится Ему беседа моя, аз же возвеселюся о Господе. <sup>35</sup> Да исчезнут грѣшницы от землі, и беззаконницы, якоже не быти им. Благослові, душе моя, Господа.

Слава:

#### Аллилуиа, 104

<sup>1</sup> Исповѣдайтесь Господеву, и призывайте имя Его, возвестите во языцех дела Его. <sup>2</sup> Воспойте Ему и пойте Ему, повѣдите вся чудеса Его. <sup>3</sup> Хвалитесь о имени святем Его, да возвеселится сердце ищущих Господа. <sup>4</sup> Взыщите Господа, и утвердитесь, взыщите лица Его выину. <sup>5</sup> Помяните чудеса Его, яже сотвори, чудеса Его, и судьбы уст Его. <sup>6</sup> Семя Авраамле раби Его, сынове Иаковли избраннии Его. <sup>7</sup> Той Господь Бог наш, по всей землі судьбы Его. <sup>8</sup> Помяну в век завет Свой, слово, еже заповѣда в тысящи родов, <sup>9</sup> еже завещав Аврааму, и клятву Свою Исааку. <sup>10</sup> И постави ю Иакову в повеление, и Израилю в завет вечен, <sup>11</sup> глаголя: тебе дам землю Ханааню, уже достояния вашего, <sup>12</sup> внегда быти им малым числом, малейшим и пришельцем в ней. <sup>13</sup> И преидоша от языка в язык, и от царствия в люди иные. <sup>14</sup> Не остави человека обидети их, и обличи о них царі. <sup>15</sup> Не прикасайтесь помазанным моим, и во пророцех моих не лукавните. <sup>16</sup> И призвал глад на землю, всяко утверждение хлебное сотры. <sup>17</sup> Посла пред ними человека: в раба продан бысть Иосиф. <sup>18</sup> Смиріша во оковах нозе его, железо пройде душа его, <sup>19</sup> дондеже прииде слово Его, слово Господне разжже его. <sup>20</sup> Посла царь и разреши его: князь людей, и остави его. <sup>21</sup> Постави его господина дому своему, и князя всему стяжанию своему, <sup>22</sup> наказати князи его яко себе, и старцы его умудрити. <sup>23</sup> И вниде Израиль во Египет, и Иаков пришельствова в землю Хамову. <sup>24</sup> И возрасти люди своя зело, и укрепил я паче врагов их. <sup>25</sup> Преврати сердце их возненавидети люди Его, леть сотворити в рабах Его. <sup>26</sup> Посла Моисеа раба Своего, Аарона, егоже избра Себе. <sup>27</sup> Положи в них словеса знаменій Своих, и чудес Своих в землі Хамове. <sup>28</sup> Посла тму и помрачи, яко преогорчиша словеса Его. <sup>29</sup> Преложил воды их в кровь, и измори рыбы их. <sup>30</sup> Воскипе земля их жабами в сокровищницах царей их. <sup>31</sup> Рече, и приидоша песьи мухи, и скныпы во вся пределы их. <sup>32</sup> Положи дожди их грады, огонь поपालющ в землі их, <sup>33</sup> и поразил винограды их и смоквы их, и сотры всякое древо предел их. <sup>34</sup> Рече, и приидоша пружи и гусеницы, имже не бе числа. <sup>35</sup> И снестоша всяку траву в землі их, и поядоша всяк плод землі их. <sup>36</sup> И поразил всякаго первенца в землі их, начаток всякаго труда их, <sup>37</sup> и изведе я с серебром и златом, и не бе в колѣнах их боляй. <sup>38</sup> Возвеселися Египет во исхождении их, яко нападѣ страх их на ня. <sup>39</sup> Распростре облак в покров им и огонь, еже просветити им нощию. <sup>40</sup> Просиша и приидоша крастели, и хлеба небснаго насыти я, <sup>41</sup> разверзе камень и потеклоша воды, потеклоша в безводных реки, <sup>42</sup> яко помяну слово святое Свое, еже ко Аврааму, рабу Своему. <sup>43</sup> И изведе люди своя в радости, и избранныя своя в веселии. <sup>44</sup> И даде им страны язык, и труды людей наслѣдоваша, <sup>45</sup> яко да сохранят оправдания Его и закона Его взыщут.

Слава:

### По 14-й кафисме, Трисвятое.

*Таже тропари, глас 8:* Яко блудница припадаю Ти, да прииму оставление, и вместо мира слезы от сердца приношу Ти, Христе Боже: да яко оную ущедриши мя, Спасе, и подаси очищение грехов. Яко она бо зову Ти: избави мя от тмения дел моих.

*Слава:* Почто не помышляеши, душе моя, смерти? Почто не обращаешься прочее ко исправлению, прежде трубы глашения на суде? Тогда несть время покаяния. Приими во уме мытаря и блудницу зовущия: согреших Ти, Господи, помилуй мя.

*И ныне:* Яко превосходящая воистинну рождеством Твоим силы Небесных, Приснодево Богородице, иже Тобою Божеством обогатившися, непрестанно Тя величаем.

Господи, помилуй (40) и молитва:

Благодарим Тя, Господи Боже спасений наших, яко вся твориши во благодеяния жизни нашея, яко упокоил еси нас в прешедшем noctном времени, и воздвигл еси нас от ложей наших, и поставил еси нас в поклонение честнаго и славнаго имени Твоего. Темже молимся Тебе, Господи: даждь нам благодать и силу, да сподобимся Тебе пети разумно, и молиться непрестанно: и выну к Тебе зрети, Спасителю и Благодетелю наших душ, страхом и трепетом свое спасение действующе. Услыши убо и помилуй, Благоутробне, нас: сокруши под ноги наша невидимыя ратники и враги: приими яже по силе нашей благодарения: даждь нам благодать и силу во отвержение уст наших, и научи нас оправданием Твоим. Яко что помолимся, якоже подобает, не вемы, аще не Ты, Господи, Духом Твоим Святым наставиши ны. Аще же что согрешихом даже до настоящего часа, словом, или делом, или помышлением, волею, или неволею, ослаби, остави, прости. Аще бо беззакония назириши, Господи, Господи, кто постоит? Яко у Тебе очищение есть, у Тебе избавление. Ты еси Един Свят, Помощник Крепкий, и Защититель жизни нашея, и Тя благословим во вся веки, аминь.

## КАФИСМА ПЯТНАДЦАТАЯ

Аллилуиа, 105

<sup>1</sup> Исповедайтесь Господеву, яко Благ, яко в век милость Его. <sup>2</sup> Кто возглаголет силы Господни? Слышаны сотворит вся хвалы Его? <sup>3</sup> Блажени хранящие суд и творящие правду во всякое время. <sup>4</sup> Помяни нас, Господи, во благоволении людей Твоих, посети нас спасением Твоим. <sup>5</sup> Видети во благодати избранныя Твоя, возвеселятся в веселии языка Твоего, хвалятся с достоянием Твоим. <sup>6</sup> Согрешихом со отцы нашими, беззаконновахом, неправдовахом. <sup>7</sup> Отцы наши во Египте не разумеша чудес Твоих, ни помянуша множества милости Твоея и преогорчиша восходяще в Чермное море. <sup>8</sup> И спасе их имене Своего ради, сказаши силу Свою, <sup>9</sup> и запрети Чермному морю, и изсяче, и настави я в бездне, яко в пустыни. <sup>10</sup> И спасе я из руки ненавидящих, и избави я из руки врагов. <sup>11</sup> Покры вода стужающыя им, ни един от них избысть. <sup>12</sup> И вероваша словеси Его, и воспеша хвалу Его. <sup>13</sup> Ускорisha, забыша дела Его, не стерпеша совета Его <sup>14</sup> и похотеша желанию в пустыни, и искусиша Бога в безводней. <sup>15</sup> И даде им прошение их, посла сытость в души их. <sup>16</sup> И прогневаша Моисеа в стану, Аарона святаго Господня. <sup>17</sup> Отверзеша земля и пожре Дафана, и покры на сонмищи Авирона, <sup>18</sup> и разжжеша огонь в сонме их, пламень попали грешники. <sup>19</sup> И сотвориша тельца в Хориве, и поклонишася истуканному, <sup>20</sup> и измениша славу Его в подобие тельца ядущаго траву, <sup>21</sup> и забыша Бога спасающаго



их, сотворшаго вѣлія во Египте, <sup>22</sup> чудеса в землі Хамове, страшная в мѳри Чермнѳм. <sup>23</sup> И рече потребити их, аще не бы Моисей, избранный Его, стал в сокрушеніи пред Ним, возвратити ярость Его, да не погубит их. <sup>24</sup> И уничижиша зѳмлю желанную, не яша вѳры словесі Его, <sup>25</sup> и поропташа в селѳниях своих, не услышаша гласа Господня. <sup>26</sup> И воздвиге рѳку Свою на ня, низложити я в пустыни. <sup>27</sup> И низложити сѳмя их во языцех, и расточити я в страны. <sup>28</sup> И причастишася Веельфегѳру, и снѳдѳша жѳрты мѳртвых. <sup>29</sup> И раздражиша его в начинаниих своих, и умножися в них падѳние. <sup>30</sup> И ста Финеес, и умилостиви, и прѳста сечь. <sup>31</sup> И вменися ему в правду, в род и род до вѳка. <sup>32</sup> И прогневаша Его на водѳ пререканія, и озлѳблен бысть Моисей их ради, <sup>33</sup> яко преогорчиша дух его и разнствова устнами своима. <sup>34</sup> Не потребиша языки, яже рече Господь им, <sup>35</sup> и смѳсишася во языцех, и навькоша делѳм их. <sup>36</sup> И порабѳташа истуканным их, и бысть им в соблазн, <sup>37</sup> и пожрѳша сыны своя и дщѳри своя бесовѳм, <sup>38</sup> и пролияша кровь неповинную, кровь сынов своих и дщѳрей, яже пожрѳша истуканным ханаанским, и убиѳна бысть земля их кровью, <sup>39</sup> и осквернися в делѳх их, и соблудиша в начинаниих своих. <sup>40</sup> И разгнеवासя яростию Господь на люди Своя, и омерзѳ достойние Своѳ, <sup>41</sup> и предаде я в рѳки врагов, и обладаша ими ненавидящии их. <sup>42</sup> И стужиша им врази их, и смиришася под руками их. <sup>43</sup> Множицею избави я, ти же преогорчиша Его советѳм своим и смиришася в беззаконіих своих. <sup>44</sup> И виде Господь, вѳгда скорбѳти им, вѳгда услышаше молѳние их. <sup>45</sup> И помяну завѳт Свой, и раскаяся по множеству милѳсти Своея, <sup>46</sup> и даде я в щедрѳты пред всеми пленившими я. <sup>47</sup> Спаси ны, Господи Бѳже наш, и собери ны от язык исповѳдатися имени Твоему святому, хвалитися во хвалѳ Твоей. <sup>48</sup> Благословѳн Господь Бог Израилев от вѳка и до вѳка. И рекут вси людие: буди, буди.

Слава:

#### Аллилуиа, 106

<sup>1</sup> Исповѳдайтесь Господѳви, яко Благ, яко в век милѳсть Его. <sup>2</sup> Да рекут избавлѳнии Господѳм, ихже избави из рѳки врага <sup>3</sup> и от стран собра их, от востѳк и запад, и сѳвера, и мѳря. <sup>4</sup> Заблудиша в пустыни безводней, путѳ града обитѳльнаго не обрѳташа. <sup>5</sup> Алчуще и жаждуще, душа их в них исчезѳ. <sup>6</sup> И воззваша ко Господу, вѳгда скорбѳти им, и от нужд их избави я, <sup>7</sup> и настави я на путь прав, внѳти во град обитѳльный. <sup>8</sup> Да исповѳдятся Господѳви милѳсти Его, и чудеса Его сыновѳм человѳческим, <sup>9</sup> яко насытил есть дѳшу тшу и дѳшу алчущу исполни благ. <sup>10</sup> Сѳдящыя во тѳме и сѳни смѳртней, окованныя нищѳтою и желѳзом, <sup>11</sup> яко преогорчиша словеса Бѳжия и советѳ Вышняго раздражиша. <sup>12</sup> И смирися в трудѳх сѳрдце их, и изнемогѳша, и не бе помогай. <sup>13</sup> И воззваша ко Господу, вѳгда скорбѳти им, и от нужд их спасѳ я, <sup>14</sup> и изведе я из тѳмы и сѳни смѳртныя, и ўзы их растерза. <sup>15</sup> Да исповѳдятся Господѳви милѳсти Его, и чудеса Его сыновѳм человѳческим, <sup>16</sup> яко сокруши врата мѳдная и верей желѳзныя слѳми. <sup>17</sup> Восприят я от путѳ беззаконія их, беззаконій бо ради своих смиришася. <sup>18</sup> Всякаго брашна возгнушася душа их, и приближишася до врат смѳртных. <sup>19</sup> И воззваша ко Господу, вѳгда скорбѳти им, и от нужд их спасѳ я, <sup>20</sup> посла слово Своѳ и исцѳли я, и избави я от растлѳний их. <sup>21</sup> Да исповѳдятся Господѳви милѳсти Его, и чудеса Его сыновѳм человѳческим, <sup>22</sup> и да пожрут Ему жѳртву хвалы, и да возвестят дела Его в радости. <sup>23</sup> Сходящии в мѳре в кораблѳх, творящии деланія в водах многих, <sup>24</sup> ти видѳша дела Господня и чудеса Его во глубинѳ. <sup>25</sup> Рече, и ста дух бѳрен, и вознесѳшася волны его, <sup>26</sup> восходят до



небес и низхóдят до бездн, душá их в злых тáяше: <sup>27</sup> смятóшася, подвигóшася, я́ко пия́ный, и вся му́дрость их поглощена́ бысть. <sup>28</sup> И воззва́ша ко Го́споду, внемга́ скорбе́ти им, и от нужд их изведе́ я, <sup>29</sup> и повеле́ бу́ри, и ста в тишинú, и умолко́ша во́лны его́. <sup>30</sup> И возвесели́шася, я́ко умолко́ша, и наста́ви я в пристáнище хотéния своего́. <sup>31</sup> Да испове́дятся Го́сподеву мило́сти Его, и чудеса́ Его сыновóм челове́ческим: <sup>32</sup> да вознесу́т Его в це́ркви людсте́й и на седа́лищи ста́рец восхва́лят Его. <sup>33</sup> Положи́л есть ре́ки в пусты́ню, и исходи́ща водна́я в жа́жду, <sup>34</sup> зéмлю плодонóсную в слáность, от злóбы живу́щих на ней. <sup>35</sup> Положи́л есть пусты́ню во езе́ра водна́я и зéмлю безводну́ю во исходи́ща водна́я. <sup>36</sup> И насели́ та́мо а́лчущыя, и соста́виша гра́ды обита́льны, <sup>37</sup> и насе́яша се́ла, и насади́ша виногра́ды, и сотвори́ша плод жи́тен. <sup>38</sup> И благослови́ я, и умно́жишася зело́, и скоты́ их не ума́ли. <sup>39</sup> И ума́лишася, и озлоби́шася от ско́рби зол и боле́зни. <sup>40</sup> Изли́ся уничи́жение на кня́зи их, и облазни́ я по непроход́ней, а не по пу́ти. <sup>41</sup> И помо́же убо́гу от ницеты́ и положи́ я́ко о́вцы оте́чества. <sup>42</sup> Узрят пра́вии и возвеселя́тся, и вся́кое беззакóние заградíт уста́ своя. <sup>43</sup> Кто премúдр и сохрани́т сия́? И уразуме́ют мило́сти Господни.

Слава:

<sup>1</sup> Песнь, псалом Давиду, 107

<sup>2</sup> Гото́во се́рдце моё, Бо́же, гото́во се́рдце моё: воспою́ и пою́ во сла́ве мое́й. <sup>3</sup> Востáни сла́ва моя́, востáни псалти́рю и гу́сли, востáну ра́но. <sup>4</sup> Испове́мся Тебе́ в лю́дех, Го́споди, пою́ Тебе́ во язы́цех. <sup>5</sup> Я́ко ве́лия верху́ небес мило́сть Твоя́ и до о́блак и́стина Твоя́. <sup>6</sup> Вознеси́ся на Небеса́, Бо́же, и по всей земл́и сла́ва Твоя́, <sup>7</sup> я́ко да изба́вятся возлю́бленнии Твои́: спаси́ десни́цею Твое́ю и услы́ши мя. <sup>8</sup> Бог возглаго́ла во святе́м Своём: вознесу́ся и разделю́ Сики́му, и удо́ль селéний разме́рю. <sup>9</sup> Мой есть Галаа́д и Мой есть Манасси́й, и Ефре́м заступле́ние главы́ Моея́, Иу́да царь Мой. <sup>10</sup> Моа́в коно́б упова́ния Моего́ на Идуме́ю нало́жу сапо́г Мой: Мне инопле́менницы покоря́шася. <sup>11</sup> Кто введе́т мя во град огра́ждения? Или́ кто наста́вит мя до Идуме́и? <sup>12</sup> Не Ты ли, Бо́же, отри́нувший нас? И не изы́деши, Бо́же, в си́лах на́ших? <sup>13</sup> Дажь нам по́мощь от ско́рби, и сýетно спасéние челове́ческо. <sup>14</sup> О Бозе сотвори́м си́лу, и Той уничи́жит враги́ наша.

В конéц, псалом Давиду, 108

<sup>1</sup> Бо́же, хвалы́ моея́ не премолчи́, <sup>2</sup> я́ко уста́ грéшника и уста́ льсти́ваго на мя отверзо́шася, глаго́лаша на мя язы́ком льсти́вым, <sup>3</sup> и словеси́ ненави́стными обыдо́ша мя, и бра́шася со мно́ю ту́не. <sup>4</sup> Вме́сто э́же любíti мя, оболга́ху мя, аз же моля́хся, <sup>5</sup> и положи́ша на мя злáя за благáя, и нéнави́сть за возлю́бле́ние моё. <sup>6</sup> Поста́ви на него́ грéшника, и диа́вол да ста́нет одесну́ю его́. <sup>7</sup> Внемга́ суди́тися ему, да изы́дет осужде́н, и моли́тва его́ да бу́дет в грех. <sup>8</sup> Да бу́дут дни́е его́ ма́ли, и еписко́пство его́ да прии́мет ин: <sup>9</sup> да бу́дут сы́нове его́ си́ри, и жена́ его́ вдова́: <sup>10</sup> дви́жущеся да преселя́тся сы́нове его́ и воспро́сят, да изгна́ни бу́дут из домо́в свои́х. <sup>11</sup> Да взы́щет заимода́вец вся, ели́ка суть его́, и да восхитят чужди́и труды́ его. <sup>12</sup> Да не бу́дет ему́ заступни́ка, ниже́ да бу́дет ущедря́я сироты́ его́. <sup>13</sup> Да бу́дут ча́да его́ в погубле́ние, в ро́де еди́ном да потреби́тся и́мя его. <sup>14</sup> Да воспомина́ется беззакóние оте́ц его́ пред Го́сподем, и грех ма́тере его́ да не очи́стится. <sup>15</sup> Да бу́дут пред Го́сподем вину́ и да потреби́тся от земл́и па́мь их. <sup>16</sup> Занéже не помяну́ сотвори́ти мило́сть, и погна́ челове́ка ни́ща и убо́га, и умилéна се́рдцем умертви́ти. <sup>17</sup> И возлюби́ кля́тву, и

приидет ему, и не восхотé благословéния, и удалится от него. <sup>18</sup> И облечёся в клятву яко в ризу, и вниде яко вода во утробу его, и яко елей в кости его. <sup>19</sup> Да будет ему яко риза, в нюже облачится, и яко пояс, имже вину опоясуется. <sup>20</sup> Сие дело оболгающих мя у Господа и глаголющих лукавая на душу мою. <sup>21</sup> И ты, Господи, Господи, сотвори со мною имене ради Твоего, яко блага милость Твоя. <sup>22</sup> Избави мя, яко нищ и убог есмь аз, и сердце моё смятёся внутрь менё. <sup>23</sup> Яко сень, внигда уклонитися ей, отяхся, страсохся яко пружи. <sup>24</sup> Колёна моя изнемогоста от поста, и плоть моя изменися елеа ради. <sup>25</sup> И аз бых поношение им, видеша мя, покиваша главами своими. <sup>26</sup> Помози ми, Господи Боже мой, и спаси мя по милости Твоей, <sup>27</sup> и да разумёют, яко рука Твоя сия, и Ты, Господи, сотворил еси ю. <sup>28</sup> Прокленут тии, и Ты благословиши, встающии на мя да постыдятся, раб же Твой возвеселится. <sup>29</sup> Да облекутся оболгающии мя в срамоту, и одедутся, яко одеждею, студом своим. <sup>30</sup> Исповёмся Господеву зело усты моими, и посреде многих восхвалю Его, <sup>31</sup> яко предста одесную убогаго, еже спасти от гонящих душу мою.

Слава:

**По 15-й кафисме, Трисвятое.**

*Таже тропари, глас 1:* Яко пучина многа прегрешений моих, Спасе, и лоте погрузихся согрешеньми моими: даждь ми руку, яко Петрови, и спаси мя, Боже, и помилуй мя.

*Слава:* Яко помышлении лукавыми и делы осудихся, Спасе, мысль ми даруй обращения, Боже, да зову: спаси мя, Благодетелю Благий, и помилуй мя.

*И ныне:* Богоблаженная Отроковице и Пренепорочная, скверна мя суща и окаянна от деяний безместных, и скверных помышлений, очисти мя, окаяннаго, Нескверная и Чистая, Всесвятая Мати Дево.

Господи, помилуй (40) и молитва:

Владыко Господи Иисусе Христе, Ты еси Помощник мой, в руках Твоих есмь аз, помози ми, не остави мене согрешити к Тебе, яко заблужден есмь, не остави мя последовати воли плоти моея, не презри мя, Господи, яко немощен есмь. Ты веси полезное мне, не остави мя погибнути грехи моими, не остави мя, Господи, не отступи от мене, яко к Тебе прибегах, научи мя творити волю Твою, яко Ты еси Бог мой. Исцели душу мою, яко согреших Ти, спаси мя ради милости Твоея, яко пред Тобою суть вси стужающии ми, и несть мне иное прибежище, токмо Ты, Господи. Да постыдятся убо вси встающии на мя и ищущии душу мою, еже потребити ю, яко Ты еси Един Сильный, Господи, во всех, и Твоя есть слава во веки веков, аминь.

## КАФИСМА ШЕСТНАДЦАТАЯ

Псалом Давиду, 109

<sup>1</sup> Рече Господь Господеву моему: седи одесную Мене, дондеже положу враги Твоя подножие ног Твоих. <sup>2</sup> Жезл силы пошлет ти Господь от Сиона, и господствуй посреде врагов Твоих. <sup>3</sup> С Тобою начало в день силы Твоея, во светлостех святых Твоих, из чрева прежде денницы родих Тя. <sup>4</sup> Клятся Господь и не раскается: Ты иерей во век, по чину Мелхиседекову. <sup>5</sup> Господь одесную Тебе сокрушил есть в день гнева Своего царя. <sup>6</sup> Судит во языцех, исполнит падения, сокрушит главы на земли многих. <sup>7</sup> От потока на пути пиет, сего ради вознесет главу.

## Аллилуиа, 110

<sup>1</sup> Исповёмся Тебѣ, Господи, всемъ сердцемъ моимъ в советѣ правыхъ и сонме. <sup>2</sup> Вѣлія дела Господня, изыскана во всехъ воляхъ Его. <sup>3</sup> Исповѣдание и великолѣпіе дело Его и правда Его пребываетъ в векъ вѣка. <sup>4</sup> Память сотворилъ есть чудесъ Своихъ, Милостив и Щедр Господь. <sup>5</sup> Пищу даде боящимся Его, помянетъ в векъ заветъ Свой. <sup>6</sup> Крепость делъ Своихъ возвеститъ людемъ Своимъ, дати имъ достояніе языкъ. <sup>7</sup> Дела рукъ Его истина и судъ, вѣрны вся заповѣди Его, <sup>8</sup> утвержены в векъ вѣка, сотворены во истинѣ и правотѣ. <sup>9</sup> Избавленіе посла людемъ Своимъ: заповѣда в векъ заветъ Свой. Свято и страшно имя Его. <sup>10</sup> Начало премудрости страхъ Господень, разумъ же благъ всемъ творящимъ и. Хвала Его пребываетъ в векъ вѣка.

## Аллилуиа, Аггево и Захарьино, 111

<sup>1</sup> Блаженъ мужъ, бояйся Господа, в заповѣдехъ Его восхощетъ зело. <sup>2</sup> Сильно на землі будетъ семя его, родъ правыхъ благословится: <sup>3</sup> слава и богатство в домѣ его, и правда его пребываетъ в векъ вѣка. <sup>4</sup> Возсия во тмѣ светъ правымъ, милостивъ и щедръ, и праведенъ. <sup>5</sup> Благъ мужъ, щедръ и дающій: устроитъ словеса своя на судѣ, яко в векъ не подвижится. <sup>6</sup> В память вѣчную будетъ праведникъ. <sup>7</sup> От слуха зла не убоится, <sup>8</sup> готово сердце его уповати на Господа. Утвердится сердце его, не убоится, дондеже воззритъ на враги своя. <sup>9</sup> Расточитъ, даде убогимъ, правда его пребываетъ во векъ вѣка, рогъ его вознесется в славу. <sup>10</sup> Грѣшникъ узритъ и прогневается, зубы своими поскрежетъ и растаетъ, желаніе грѣшника погибнетъ.

Слава:

## Аллилуиа, 112

<sup>1</sup> Хвалите, отроцы, Господа, хвалите имя Господне. <sup>2</sup> Буди имя Господне благословенно отныне и до вѣка. <sup>3</sup> От востокъ солнца до запада хвалено имя Господне. <sup>4</sup> Высокъ надъ всеми языки Господь: надъ небесы слава Его. <sup>5</sup> Кто яко Господь Богъ нашъ? На высокихъ живый <sup>6</sup> и на смиренныя призирающій на небеси и на землі, <sup>7</sup> воздвизая отъ землі нища и отъ гноища возвышая убога, <sup>8</sup> посадити его съ князи, съ князи людей своихъ, <sup>9</sup> вселяя неплодовъ в домъ матеръ о чадехъ веселящуся.

## Аллилуиа, 113

<sup>1</sup> Во исходѣ Израилеве отъ Египта, дому Иаковля изъ людей варваръ, <sup>2</sup> бысть Иудеа святыня Его, Израиль область его. <sup>3</sup> Море виде и побѣже, Иорданъ возвратися вспять, <sup>4</sup> горы възграшася, яко овни, и холми, яко агнцы овчии. <sup>5</sup> Что ти есть, море, яко побѣгло еси? И тебѣ, Иордане, яко возвратился еси вспять? <sup>6</sup> Горы, яко възграстеся, яко овни, и холми, яко агнцы овчии? <sup>7</sup> От лица Господня подвижется земля, от лица Бога Иаковля, <sup>8</sup> обращшаго камень во езера водная и несекомый во источники водныя. <sup>9</sup> Не намъ, Господи, не намъ, но имени Твоему даждь славу, о милости Твоей и истинѣ Твоей. <sup>10</sup> Да не когда рекутъ языцы: где есть Богъ ихъ? <sup>11</sup> Богъ же нашъ на небеси и на землі, вся елика восхотѣ, сотвори. <sup>12</sup> Идоли языкъ сребро и злато, дела рукъ человеческихъ. <sup>13</sup> Уста имутъ, и не возглаголютъ, очи имутъ и не узрятъ, <sup>14</sup> уши имутъ, и не услышатъ, ноздри имутъ, и не обоняютъ, <sup>15</sup> рuce имутъ, и не осяжутъ, нозе имутъ, и не пойдутъ, не возгласятъ гортанемъ своимъ. <sup>16</sup> Подобни имъ да будутъ творящии я, и вси

надёющиеся на ня. <sup>17</sup> Дом Израилев уповá на Гóспода: Помóщник и Защи́титель им есть. <sup>18</sup> Дом Аарóнь уповá на Гóспода: Помóщник и Защи́титель им есть. <sup>19</sup> Боя́щиеся Гóспода упова́ша на Гóспода: Помóщник и Защи́титель им есть. <sup>20</sup> Госпóдь помяну́в ны благослови́л есть нас, благослови́л есть дом Израилев, благослови́л есть дом Аарóнь, <sup>21</sup> благослови́л есть боя́щиеся Гóспода, ма́лыя с вели́кими. <sup>22</sup> Да приложит Госпóдь на вы, на вы и на сыны ва́ша. <sup>23</sup> Благословéни вы Гóсподеви, сотвор́шему не́бо и зéмлю. <sup>24</sup> Не́бо небесé Гóсподеви, зéмлю же даде́ сыновóм челове́ческим. <sup>25</sup> Не мёртвии восхва́лят Тя, Гóсподи, ниже́ вси низходя́щие во ад, <sup>26</sup> но мы, живи́и, благослови́м Гóспода отны́не и до ве́ка.

#### Аллилуиа, 114

<sup>1</sup> Возлюбих, я́ко услы́шит Госпóдь глас молéния моего́, <sup>2</sup> я́ко приклонí у́хо Своé мне, и во дни мо́я призову́. <sup>3</sup> Объя́ша мя болéзни смёртныя, беды́ а́довы обретóша мя, скорбь и болéзнь обретóх, и íмя Госпóдне призва́х: <sup>4</sup> о, Гóсподи, изба́ви ду́шу мою́. Милостив Госпóдь и Пра́веден, и Бог наш милует. <sup>5</sup> Храня́й младéнцы Госпóдь: смири́хся, и спасé мя. <sup>6</sup> Обратíся, душе́ мо́я, в поко́й твой, я́ко Госпóдь благодéйствова́ тя. <sup>7</sup> Я́ко изъят ду́шу мою́ от смёрти, óчи мо́и от слез и нóзе мо́и от поползновéния. <sup>8</sup> Благоугожду́ пред Гóсподем во странé живы́х.

Слава:

#### Аллилуиа, 115

<sup>1</sup> Вéровах, тёмже возглаго́лах, аз же смири́хся зело́. <sup>2</sup> Аз же рех во изступлéнии моём: всяк человек ложь. <sup>3</sup> Что возда́м Гóсподеви о всех, я́же воздаде́ ми? <sup>4</sup> Ча́шу спасéния прииму́ и íмя Госпóдне призову́, <sup>5</sup> моли́твы мо́я Гóсподеви возда́м пред всёми людьми́ Его. <sup>6</sup> Честна́ пред Гóсподем смерть преподóбных Его. <sup>7</sup> О, Гóсподи, аз раб Твой, аз раб Твой и сын рабы́ни Твое́я; растерза́л еси́ у́зы мо́я. <sup>8</sup> Тебе́ пожру́ жéртву хвалы́, и во íмя Госпóдне призову́. <sup>9</sup> Моли́твы мо́я Гóсподеви возда́м пред всёми людьми́ Его, <sup>10</sup> во двóрех до́му Госпóдня, посреде́ тебе́, Иерусали́ме.

#### Аллилуиа, 116

<sup>1</sup> Хвалите́ Гóспода вси язы́цы, похвалите́ Его́ вси лю́дие, <sup>2</sup> я́ко утверди́ся мило́сть Его на нас, и íстина Госпóдня пребывáет во век.

#### Аллилуиа, 117

<sup>1</sup> Испове́дайтесь Гóсподеви, я́ко Благ, я́ко в век мило́сть Его. <sup>2</sup> Да речёт у́бо дом Израилев: я́ко Благ, я́ко в век мило́сть Его. <sup>3</sup> Да речёт у́бо дом Аарóнь: я́ко Благ, я́ко в век мило́сть Его. <sup>4</sup> Да реку́т у́бо вси боя́щиеся Гóспода: я́ко Благ, я́ко в век мило́сть Его. <sup>5</sup> От скóрби призва́х Гóспода, и услы́ша мя в простран́ство. <sup>6</sup> Госпóдь мне Помóщник, и не убою́ся, что сотвори́т мне человек. <sup>7</sup> Госпóдь мне Помóщник, и аз воззрю́ на враги́ мо́я. <sup>8</sup> Бла́го есть надéяться на Гóспода, нежели́ надéяться на челове́ка. <sup>9</sup> Бла́го есть упова́ти на Гóспода, нежели́ упова́ти на князи. <sup>10</sup> Все́и язы́цы обыдо́ша мя, и íменем Госпóдним противля́хся им, <sup>11</sup> обыше́дше обыдо́ша мя, и íменем Госпóдним противля́хся им, <sup>12</sup> обыдо́ша мя, я́ко пчéлы сот, и разгорéшася, я́ко огонь в тёрнии, и íменем Госпóдним противля́хся им. <sup>13</sup> Отриновéн преврати́хся па́сти, и Госпóдь прият мя. <sup>14</sup> Кре́пость мо́я и пéние моё́ Госпóдь, и бысть ми во

спасение. <sup>15</sup> Глас радости и спасения в селениях праведных: <sup>16</sup> десница Господня сотвори силу. Десница Господня вознесет мя, десница Господня сотвори силу. <sup>17</sup> Не умру, но жив буду, и повею дела Господня. <sup>18</sup> Наказуя наказанья Господь, смерти же не предаст мя. <sup>19</sup> Отверзните мне врата правды, вшед в них исповемся Господеви. <sup>20</sup> Сия врата Господня, праведнии внидут в них. <sup>21</sup> Исповемся Тебе, яко услышал мя еси, и был еси мне во спасение. <sup>22</sup> Камень, егже небрегоша зидующии, сей бысть во главу угла: <sup>23</sup> от Господа бысть сей, и есть дивен во очесех наших. <sup>24</sup> Сей день, егже сотвори Господь, возрадуемся и возвеселимся в оны. <sup>25</sup> О, Господи, спаси же, о Господи, поспеши же. <sup>26</sup> Благословен грядый во имя Господне, благословихом вы из дому Господня. <sup>27</sup> Бог Господь, и явися нам: составите праздник во учающих до рог олтаревых. <sup>28</sup> Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. <sup>29</sup> Исповедайтесь Господеви, яко Благ, яко в век милость Его.

Слава:

**По 16-й кафисме, Трисвятое.**

*Таже тропари, глас 1:* Ин мир тебе, душе, ожидает, и Судия хощет Твоя обличити тайная и лютая. Не пребуди убо в здешних, но предвари вопиющи Судий: Боже, очисти мя и спаси мя.

*Слава:* Яко прегрешеньми многими и язвами безмерными облежимь есмь, Спасе, согрешаяй молю Твое благоутробие, Христе: врачу недугующих, посети, и исцели, и спаси мя.

*И ныне:* Душе моя, что нерадиво живёши ленящися? Что не печёшися о злых, ихже содеяла еси в житий? Потщися исправитися прежде даже дверь не заключит Тебе Господь. Богородице притецы, припади и возопий: Упование ненадеемых, спаси мя, много к Тебе прегрешивша, Владычице Пречистая.

Господи, помилуй (40) и молитва:

Господи Святыи, в Вышних Живый, и всевидящим Твоим оком призираяй на всю тварь, Тебе приклоняем выю души и телесе, и Тебе молимся, Святыи святых: простри руку Твою невидимую от святого жилища Твоего, и благослови вся ны, и прости нам всякое согрешение, вольное же и невольное, словом или делом. Даруй нам, Господи, умление, даруй слезы духовныя от души, во очищение многих наших грехов, даруй велию Твою милость на мир Твой и на ны недостойныя рабы Твоя. Яко благословено и препрославлено есть имя Твое, Отца и Сына и Святого Духа, ныне и присно, и во веки веков, аминь.

## КАФИСМА СЕДМНАДЦАТАЯ

Аллилуиа, 118

<sup>1</sup> Блажени непорочнии в путь, ходящии в законе Господни. <sup>2</sup> Блажени испытующии свидения Его, всем сердцем възышут Его, <sup>3</sup> не делающии бо беззакония, в путех Его ходиша. <sup>4</sup> Ты заповедал еси заповеди Твоя сохранить зело. <sup>5</sup> Дабы исправилися путие мой, сохранить оправдания Твоя. <sup>6</sup> Тогда не постыжуся, внегда призрети ми на вся заповеди Твоя. <sup>7</sup> Исповемся Тебе в правости сердца, внегда научити ми ся судьбам правды Твоея. <sup>8</sup> Оправдания Твоя сохраню, не остави мене до зела. <sup>9</sup> В часом исправит юнейший путь свой; внегда сохранить словеса Твоя. <sup>10</sup> Всем сердцем моим



взыска́х Тебе́, не отрини мене́ от за́поведей Твои́х. <sup>11</sup> В се́рдце моём скрых словеса́ Твоя́, я́ко да не согрешу́ Тебе́. <sup>12</sup> Благословен еси́ Го́споди: научи́ мя оправда́нием Твои́м. <sup>13</sup> Устна́ма моима́ возвестихъ вся судьбы́ уст Твои́х. <sup>14</sup> На пути́ свидений Твои́х наслади́хся, я́ко о вся́ком богатстве. <sup>15</sup> В за́поведех Твои́х поглумлю́ся, и уразумею́ пути́ Твоя́. <sup>16</sup> Во оправда́ниях Твои́х поучу́ся, не забуду́ словес Твои́х. <sup>17</sup> Возда́ждь рабу́ Твоему́: живи́ мя, и сохрани́ словеса́ Твоя́. <sup>18</sup> Открый́ о́чи мои́, и уразумею́ чудеса́ от зако́на Твоего́. <sup>19</sup> Пришле́ц аз есмь на земли́: не скрый́ от мене́ за́поведи Твоя́. <sup>20</sup> Возлюби́ душа́ моя́ возжелати́ судьбы́ Твоя́ на вся́кое вре́мя. <sup>21</sup> Запрети́л еси́ го́рдым: про́кляти уклоня́ющиеся от за́поведей Твои́х. <sup>22</sup> Отыми́ от мене́ поно́с и уничиже́ние, я́ко свидений Твои́х взыска́х. <sup>23</sup> Ибо седо́ша князи, и на мя клевета́ху, раб же Твой глумля́шеся во оправда́ниях Твои́х: <sup>24</sup> Ибо свидения́ Твоя́ поучение моё есть, и совети́ мои́ оправда́ния Твоя́. <sup>25</sup> Прильпе́ земли́ душа́ моя́: живи́ мя по словеси́ Твоему́. <sup>26</sup> Пути́ моя́ возвестихъ, и услы́шал мя еси́: научи́ мя оправда́нием Твои́м: <sup>27</sup> Пути́ оправда́ний Твои́х вразуми́ ми, и поглумлю́ся в чудесех Твои́х. <sup>28</sup> Воздрема́ душа́ моя́ от уны́ния: утверди́ мя в словесех Твои́х. <sup>29</sup> Пути́ неправды́ отста́ви от мене́, и зако́ном Твои́м поми́луй мя. <sup>30</sup> Пути́ истины́ изво́лих, и судьбы́ Твоя́ не забы́х. <sup>31</sup> Прилепи́хся свидением Твои́м, Го́споди, не посрами́ мене́. <sup>32</sup> Пути́ за́поведей Твои́х текóх, егда́ расшири́л еси́ се́рдце моё. <sup>33</sup> Законоположи́ мне, Го́споди, пути́ оправда́ний Твои́х, и взыщу́ и́ вы́ну: <sup>34</sup> Вразуми́ мя, и испыта́ю зако́н Твой, и сохрани́ и́ всем се́рдцем моим. <sup>35</sup> Настави́ мя на стезю́ за́поведей Твои́х, я́ко ту́ю восхотéх. <sup>36</sup> Приклони́ се́рдце моё во свидения́ Твоя́, а не в лихои́мство. <sup>37</sup> Отврати́ о́чи мои́, е́же не видети́ суеты́, в пути́ Твоем живи́ мя. <sup>38</sup> Поста́ви рабу́ Твоему́ сло́во Твое́ в страх Твой. <sup>39</sup> Отыми́ поноше́ние моё, е́же непщевáх: я́ко судьбы́ Твоя́ бла́ги. <sup>40</sup> Се возжелáх за́поведи Твоя́, в пра́вде Твоей живи́ мя. <sup>41</sup> И да приидет на мя ми́лость Твоя́ Го́споди, спасение́ Твое́ по словеси́ Твоему́. <sup>42</sup> И отве́щаю поноша́ющим ми сло́во: я́ко упова́х на словеса́ Твоя́. <sup>43</sup> И не отыми́ от уст мои́х словеса́ исти́нна до зела́, я́ко на судьбы́ Твоя́ упова́х. <sup>44</sup> И сохрани́ зако́н Твой вы́ну, в век и в век ве́ка. <sup>45</sup> И хождáх в широтé, я́ко за́поведи Твоя́ взыска́х. <sup>46</sup> И глаго́лах о свидения́х Твои́х пред ца́ри, и не стыд́яхся: <sup>47</sup> И поучáхся в за́поведех Твои́х, я́же возлюбихъ зело́: <sup>48</sup> И воздвигóх ру́це мои́ к за́поведем Твои́м, я́же возлюбихъ, и глумля́хся во оправда́ниях Твои́х. <sup>49</sup> Помяни́ словеса́ Твоя́ рабу́ Твоему́, ихже упова́ние дал ми еси́. <sup>50</sup> То мя уте́ши во смире́нии моём, я́ко сло́во Твое́ живи́ мя. <sup>51</sup> Го́рдии законопреступова́ху до зела́: от зако́на же Твоего́ не уклонихъ. <sup>52</sup> Помяну́х судьбы́ Твоя́ от ве́ка, Го́споди, и уте́шихся. <sup>53</sup> Печаль́ прият мя от грешник, оставля́ющих зако́н Твой. <sup>54</sup> Пета́ бя́ху мне оправда́ния Твоя́, на ме́сте пришельства́ моего́. <sup>55</sup> Помяну́х в но́щи Имя́ Твое́, Го́споди, и сохрани́х зако́н Твой. <sup>56</sup> Сей бысть мне, я́ко оправда́ний Твои́х взыска́х. <sup>57</sup> Часть́ моя́ еси́, Го́споди, рех сохрани́ти зако́н Твой. <sup>58</sup> Помоли́хся лицу́ Твоему́ всем се́рдцем моим: поми́луй мя по словеси́ Твоему́. <sup>59</sup> Помы́слих пути́ Твоя́, и возвратихъ но́зе мои́ во свидения́ Твоя́. <sup>60</sup> Угото́вихся и не смутихъ сохрани́ти за́поведи Твоя́. <sup>61</sup> У́зя грешник обяза́шася мне, и зако́на Твоего́ не забы́х. <sup>62</sup> Полу́нощи воста́х испове́даться Тебе́ о судьба́х пра́вды Твоея́. <sup>63</sup> Прича́стник аз есмь всем бо́ящимся Тебе́, и храня́щим за́поведи Твоя́. <sup>64</sup> Ми́лости Твоея́, Го́споди, испо́льн земля́: оправда́нием Твои́м научи́ мя. <sup>65</sup> Бла́гость сотвори́л еси́ с рабо́м Твои́м, Го́споди, по словеси́ Твоему́. <sup>66</sup> Бла́гости, и наказáнию и ра́зуму научи́ мя, я́ко за́поведем Твои́м ве́ровах. <sup>67</sup> Пре́жде да́же не смири́ти ми ся, аз прегрешихъ: сегó ра́ди сло́во Твое́ сохрани́х. <sup>68</sup> Благ еси́ Ты, Го́споди, и бла́гостию

Твоею научи́ мя оправданием Твоим. <sup>69</sup> Умно́жися на мя неправда гордых, аз же всем сердцем моим испытаю заповеди Твоя. <sup>70</sup> Усыри́ся яко млекó сердце их, аз же закону Твоему́ поучи́хся. <sup>71</sup> Благо мне, яко смири́л мя еси́, яко да научу́ся оправданием Твоим. <sup>72</sup> Благ мне закон уст Твоих, па́че ты́сящ злата и сребра́.

Слава:

<sup>73</sup> Ру́це Твои́ сотвори́сте мя, и созда́сте мя: вразуми́ мя, и научу́ся заповедем Твоим. <sup>74</sup> Боя́щиеся Тебе́ узрят мя и возвеселя́тся, яко на словеса́ Твоя́ упова́х. <sup>75</sup> Разуме́х Го́споди, яко пра́вда судьбы́ Твоя́, и вои́стинну смири́л мя еси́. <sup>76</sup> Буди же ми́лость Твоя́, да утэшит мя по словеси́ Твоему́ рабу́ Твоему́. <sup>77</sup> Да приидут мне щедрóты Твоя́, и жив бу́ду, яко закон Твой поучение моё есть. <sup>78</sup> Да постыдятся горди́и, яко неправедно беззаконноваша на мя, аз же поглумлю́ся в заповедех Твоих. <sup>79</sup> Да обратят мя боя́щиеся Тебе́, и ве́дающи свидения Твоя́. <sup>80</sup> Буди сердце моё непоро́чно во оправданиях Твоих, яко да не постыжуся. <sup>81</sup> Исчеза́ет во спасение Твое́ душа́ моя́, на словеса́ Твоя́ упова́х. <sup>82</sup> Исчезо́ша очи мои́ в сло́во Твое́, глаголюще: когда́ утэшиши мя; <sup>83</sup> Зане́ бых яко мех на слáne: оправданий Твоих не забых. <sup>84</sup> Коли́ко есть дней раба́ Твоего́; когда́ сотвори́ши ми от гонящих мя суд; <sup>85</sup> Поведаша мне законопреступни́цы глумления́, но не яко закон Твой, Го́споди. <sup>86</sup> Вся заповеди Твоя́ истина: неправедно погна́ша мя, помози́ ми. <sup>87</sup> Вмале не скончаша мене́ на земли́: аз же не оста́вих заповедей Твоих. <sup>88</sup> По ми́лости Твое́й живи́ мя, и сохраню́ свидения уст Твоих. <sup>89</sup> Во век, Го́споди, сло́во Твое́ пребыва́ет на Небеси́. <sup>90</sup> В род и род истина Твоя́. Основал еси́ землю, и пребыва́ет. <sup>91</sup> Учинением Твоим пребыва́ет день, яко вся́ческая рабо́тна Тебе́. <sup>92</sup> Яко а́ще бы не закон Твой поучение моё был, тогда́ у́бо поги́бл бых во смире́нии моём. <sup>93</sup> Во век не забуду оправданий Твоих, яко в них оживи́л мя еси́.

*[Средá:]*

<sup>94</sup> Твой есмь аз, спаси́ мя, яко оправданий Твоих взыска́х. <sup>95</sup> Мене́ жда́ша грешни́цы погуби́ти мя, свидения Твоя́ разуме́х. <sup>96</sup> Вся́кия кончи́ны видех конец, широка́ заповедь Твоя́ зело́. <sup>97</sup> Коль возлюбих закон Твой, Го́споди, весь день поучение моё есть. <sup>98</sup> Па́че враг моих умудри́л мя еси́ заповедию Твоею́, яко в век моя́ есть. <sup>99</sup> Па́че всех уча́щих мя разуме́х, яко свидения Твоя́ поучение моё есть. <sup>100</sup> Па́че ста́рец разуме́х, яко заповеди Твоя́ взыска́х. <sup>101</sup> От вся́каго пути́ лука́ва возбрани́х нога́м моим, яко да сохраню́ словеса́ Твоя́. <sup>102</sup> От судьб Твоих не уклони́хся, яко Ты законоположи́л ми еси́. <sup>103</sup> Коль сладка́ гортани моему́ словеса́ Твоя́, па́че ме́да усто́м моим. <sup>104</sup> От заповедей Твоих разуме́х, сего́ ра́ди возненави́дех всяк путь неправды. <sup>105</sup> Свети́льник нога́ма моима́ закон Твой, и свет стезя́м моим. <sup>106</sup> Кля́хся и поста́вих сохранити судьбы́ пра́вды Твоея́. <sup>107</sup> Смирíхся до зела́, Го́споди, живи́ мя по словеси́ Твоему́. <sup>108</sup> Во́льная уст моих благоволи́ же, Го́споди, и судьба́м Твоим научи́ мя. <sup>109</sup> Душа́ моя́ в руку́ Твоею́ вы́ну, и зако́на Твоего́ не забых. <sup>110</sup> Положи́ша грешни́цы сеть мне, и от заповедей Твоих не заблуди́х. <sup>111</sup> Наслédовах свидения Твоя́ во век, яко ра́дование сердца моего́ суть. <sup>112</sup> Приклони́х сердце моё сотвори́ти оправдания Твоя́ в век за воздаяние. <sup>113</sup> Законопреступны́я возненави́дех, закон же Твой возлюбих. <sup>114</sup> Помо́щник мой и Засту́пник мой еси́ Ты, на словеса́ Твоя́ упова́х. <sup>115</sup> Уклони́теся от мене́ лука́внующи́и, и испытаю заповеди Бо́га моего́. <sup>116</sup> Заступи́ мя по словеси́ Твоему́, и жив бу́ду, и не посрами́ мене́ от чая́ния моего́. <sup>117</sup> Помози́ ми, и спасу́ся, и поучу́ся во оправданиях Твоих вы́ну. <sup>118</sup> Уничжи́л еси́ вся отступа́ющия от оправданий Твоих, яко неправедно помышление́ их. <sup>119</sup>

Преступающія непщевахъ вся грѣшныя земли, сего ради возлюбихъ свидѣнія Твоя. <sup>120</sup>  
Пригвозди страху Твоему плоти моя, от судѣбъ бо Твоихъ убояхся. <sup>121</sup> Сотворихъ суд и  
правду, не предаждь менѣ обидящимъ мя. <sup>122</sup> Восприими раба Твоего во благо, да не  
оклеветаютъ менѣ горди. <sup>123</sup> Очи мои исчезосте во спасѣніе Твое, и в слово правды  
Твоея. <sup>124</sup> Сотвори с рабомъ Твоимъ по милости Твоей, и оправданіемъ Твоимъ научи мя.  
<sup>125</sup> Рабъ Твой есмь аз: вразуми мя, и увѣмъ свидѣнія Твоя. <sup>126</sup> Время сотворити  
Господеви: разориша законъ Твой. <sup>127</sup> Сего ради возлюбихъ заповѣди Твоя паче злата и  
топазія. <sup>128</sup> Сего ради ко всемъ заповѣдемъ Твоимъ направляхся, всякъ путь неправды  
возненавидѣхъ. <sup>129</sup> Дивна свидѣнія Твоя, сего ради испытá я душа моя. <sup>130</sup> Явленіе  
словесъ Твоихъ просвѣщаетъ и вразумляетъ младенцы. <sup>131</sup> Уста моя отверзохъ, и привлéкохъ  
духъ, яко заповѣдей Твоихъ желáхъ.

Слава:

<sup>132</sup> Призри на мя и помилуй мя, по суду любящихъ имя Твое. <sup>133</sup> Стопы мои направи  
по словеси Твоему, и да не обладаетъ мною всякое беззаконіе. <sup>134</sup> Избави мя от  
клеветы человеческия, и сохранию заповѣди Твоя. <sup>135</sup> Лице Твое просвети на раба  
Твоего, и научи мя оправданіемъ Твоимъ. <sup>136</sup> Исходища водная изведосте очи мои,  
понеже не сохранихъ закона Твоего. <sup>137</sup> Праведенъ еси, Господи, и прави суди Твои. <sup>138</sup>  
Заповѣдалъ еси правду свидѣнія Твоя и истину зело. <sup>139</sup> Истáяла мя есть ревность  
Твоя, яко забыша словеса Твоя врази мои. <sup>140</sup> Разжжено слово Твое зело, и рабъ  
Твой возлюбилъ ѳ. <sup>141</sup> Юнейший азъ есмь и униженъ, оправданій Твоихъ не забыхъ. <sup>142</sup>  
Правда Твоя правда во векъ, и законъ Твой истина. <sup>143</sup> Скорби и нужды обретоша мя,  
заповѣди Твоя поученіе мое. <sup>144</sup> Правда свидѣнія Твоя во векъ, вразуми мя, и живъ  
буду. <sup>145</sup> Возвахъ всемъ сердцемъ моимъ, услыши мя, Господи, оправданія Твоя възвущу.  
<sup>146</sup> Возвахъ Ти, спаси мя, и сохранию свидѣнія Твоя. <sup>147</sup> Предварихъ в безгодии и  
возвахъ, на словеса Твоя уповахъ. <sup>148</sup> Предваристе очи мои ко утру, поучитися  
словесемъ Твоимъ. <sup>149</sup> Гласъ мой услыши, Господи, по милости Твоей: по судьбѣ Твоей  
живи мя. <sup>150</sup> Приближися гонящии мя беззаконіемъ, от закона же Твоего  
удалишся. <sup>151</sup> Близъ еси Ты, Господи, и вси пути Твоя истина. <sup>152</sup> Исперва познахъ от  
свидѣній Твоихъ, яко во векъ основалъ я еси. <sup>153</sup> Видиждь смиреніе мое и изми мя, яко  
закона Твоего не забыхъ. <sup>154</sup> Суди судъ мой и избави мя, словесѣ ради Твоего живи  
мя. <sup>155</sup> Далече от грѣшникъ спасѣніе, яко оправданій Твоихъ не взыскаша. <sup>156</sup> Щедроты  
Твоя многи, Господи, по судьбѣ Твоей живи мя. <sup>157</sup> Мнози изгонящии мя и  
стужающии ми, от свидѣній Твоихъ не уклонихся. <sup>158</sup> Видѣхъ неразумѣющія и  
истáяхъ, яко словесъ Твоихъ не сохраниша. <sup>159</sup> Видиждь, яко заповѣди Твоя возлюбихъ,  
Господи, по милости Твоей живи мя. <sup>160</sup> Начáло словесъ Твоихъ истина, и во векъ вся  
судьбы правды Твоея. <sup>161</sup> Князи погнаша мя ту́не, и от словесъ Твоихъ убояхся сердце  
моѳ. <sup>162</sup> Возрадоуюся азъ о словесехъ Твоихъ, яко обретаю корысть многу. <sup>163</sup> Неправду  
возненавидѣхъ и омерзихъ, законъ же Твой возлюбихъ. <sup>164</sup> Седмерицею днемъ хвалихъ Тя о  
судьбахъ правды Твоея. <sup>165</sup> Миръ многъ любящимъ законъ Твой, и несть имъ соблазна. <sup>166</sup>  
Чаяхъ спасѣнія Твоего, Господи, и заповѣди Твоя возлюбихъ. <sup>167</sup> Сохрани душа моя  
свидѣнія Твоя и возлюбилъ я зело. <sup>168</sup> Сохранихъ заповѣди Твоя и свидѣнія Твоя, яко  
вси пути мои предъ Тобю, Господи. <sup>169</sup> Да приблизится молѣніе мое предъ Тя,  
Господи, по словеси Твоему вразуми мя. <sup>170</sup> Да внидетъ прошѣніе мое предъ Тя,  
Господи, по словеси Твоему избави мя. <sup>171</sup> Отрыгнутъ устне мои пѣніе, егда научиши  
мя оправданіемъ Твоимъ. <sup>172</sup> Провещаетъ языкъ мой словеса Твоя, яко вся заповѣди Твоя  
правда. <sup>173</sup> Да будетъ рука Твоя еже спасти мя, яко заповѣди Твоя изволихъ. <sup>174</sup>

Возжелáх спасéние Твое, Гóсподи, и закóн Твой поучéние моé есть. <sup>175</sup> Живá бóдет душá моя и восхвáлит Тя, и судьбы Твоя помóгут мне. <sup>176</sup> Заблудíх, я́ко овчá погíбшее, взыщí рабá Твоегó, я́ко заповедей Твоих не забых.

Слава:

**По 17-й кафисме. Трисвятое.**

*Таже тропари, глас 2:* Согрешíх к Тебé, Спасе, я́ко блóдный сын: примí мя, Отче, кáющагося, и помíлуй мя, Бóже.

*Слава:* Зовú к Тебé, Христé Спасе, мытарéвым глáсом: очíсти мя я́коже óнаго и помíлуй мя, Бóже.

*И ныне:* Богорóдице, не прéзри мя трéбующа заступлéния Твоегó: на Тя бо уповá душá моя, и помíлуй мя.

Гóсподи, помíлуй (40) и молитва:

Влады́ко Гóсподи Вседержíтелю и Творче всех, щедрóт Отец, и мíлости Бог, от земли́ Создáвший челове́ка, и показáвший его́ по óбразу Твоему́ и по подóбию, да и тем прослáвится великолéпое имя Твое на земли́, и истóргнена úбо преступлéнием Твоих заповедей, па́ки на луч́шее возсоздáвший его́ во Христé Твоем, и возведýй на Небеса́: благодарю́ Тя, я́ко умно́жил еси́ на мне вели́чие Твое, и не прéдал мя еси́ врагóм моим в конéц, истóргнути мя и́щущым в про́пасть áдову, ниже́ оставил мя еси́ погíбнути со беззакóнии моими. Нýне úбо, Многомíлостиве и Любоблáже Гóсподи, не хотя́й смéрти грéшнаго, но обращéния ожида́яй, и приéмляй: и́же низвэ́рженныя исправля́яй, сокрушéнныя исцеля́яй, обрати́ и менé к покая́нию, и низвэ́рженнаго исправи́, и сокрушéннаго исцели́: помяни́ Твоя́ щедрóты, и я́же от вéка Твою́ непостижимую блáгость и моя́ безмéрная забúди беззакóния, я́же дéлом и слóвом, и мы́слию соверших: разреши́ ослеплéние сéрдца моего́, и даждь ми слéзы умилéния на очищéние сквэрны мы́сли моея́. Услы́ши, Гóсподи, вонми́, Человеколю́бче, очíсти, Благоутрóбне, и от мучíтельства во мне цáрствующих страстéй окая́нную мою́ дúшу свободи́. И не ктóму да содержит мя грех, ниже́ да возмо́жет на мя борителъ дéмон, ниже́ к своему́ хотéнию да ведéт мя, но держáвною Твоею́ руко́ю, его́ влады́чества исхитивый мя, Ты цáрствуй во мне, Благи́й и Человеколю́бивый Гóсподи, и всего́ Твоегó бы́ти, и жити́ мне прóчее по Твоей́ благово́ли во́ли. И пода́ждь ми неизречéнную блáгостию сéрдца очищéние, уст хранéние, правоту́ дея́ний, мудровáние смире́нное, мир помыслóв, тишину́ душéвных моих сил, рáдость духовную́, любóвь и́стинную, долготерпéние, блáгость, крóтость, véру нелицемéрну, воздержáние обдержáтельное, и всех мя благíх плодóв испóлни, даровáнием Свято́го Твоегó Дúха. И не возведи́ менé в преполовéние, дний мо́их, ниже́ неисправлену и неготóву дúшу мою́ восхитиши, но соверши́ мя Твоим совершéнством, и тáко мя настоя́щаго жити́я изведи́, я́ко да невозбранно́ прошéд начáла и вла́сти тьмы́, Твоею́ благодáтию узрю́ и аз непристúпныя Твоея́ слáвы доброту́ неизречéнную, со все́ми святы́ми Твоими́, в нíхже освятися́, и прослáвится всечестно́е и великолéпое и́мя Твое, Отца́ и Сы́на и Свято́го Дúха, нýне и прíсно, и во вéки веко́в, амíнь.

## КАФИСМА ВОСЕМНАДЦАТАЯ

Песнь степеней, 119

<sup>1</sup> Ко Гóсподу, внегда́ скорбéти ми, воззва́х, и услы́ша мя. <sup>2</sup> Гóсподи, избáви дúшу мою́ от устéн неправедных и от языка́ льстива. <sup>3</sup> Что да́тся тебé, или́ что приложíтся тебé к язы́ку льстиву? <sup>4</sup> Стрéлы сíльного изошчрéны, со úгльми

пустынными. <sup>5</sup> Увы мне, яко пришельствие мое продолжися, вселихся с селении Кидарскими. <sup>6</sup> Много пришельствова душа моя, с ненавидящими мира бех мирен: <sup>7</sup> егда глаголах им, боряху мя туне.

### Песнь степеней, 120

<sup>1</sup> Возведох очи мои в горы, отнюдуже приидет помощь моя. <sup>2</sup> Помощь моя от Господа, сотворшаго небо и землю. <sup>3</sup> Не даждь во смятение ноги твоея, ниже воздремлет храняй тя, <sup>4</sup> се не воздремлет, ниже уснет храняй Израиля. <sup>5</sup> Господь сохранит тя, Господь покров твой на руку десную твою. <sup>6</sup> Во дни солнце не ожжет тебе, ниже луна нощию. <sup>7</sup> Господь сохранит тя от всякаго зла, сохранит душу твою Господь. <sup>8</sup> Господь сохранит вхождение твое и исхождение твое, отныне и до века.

### Песнь степеней, 121

<sup>1</sup> Возвеселихся о рекших мне: в дом Господень пойдём. <sup>2</sup> Стояще бяху ноги наша во дворех твоих, Иерусалиме. <sup>3</sup> Иерусалим зиждемый яко град, емуже причастие его вкупе. <sup>4</sup> Там бо въздоса колена, колена Господня, свидение Израилево, исповедатися имени Господню, <sup>5</sup> яко там седоса престолы на суд, престолы в дому Давидове. <sup>6</sup> Возпросите же яже о мире Иерусалима: и обилие любящим тя. <sup>7</sup> Буди же мир в силе твоей и обилие в столпостенех твоих. <sup>8</sup> Ради братьий моих и ближних моих глаголах убо мир о тебе. <sup>9</sup> Дому ради Господа Бога нашего зысках благая тебе.

### Песнь степеней, 122

<sup>1</sup> К Тебе возведох очи мои, живущему на Небеси. <sup>2</sup> Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны. <sup>3</sup> Помилуй нас, Господи, помилуй нас, яко по многу исполнихомся уничижения, <sup>4</sup> наипаче наполнися душа наша поношения гобзующих и уничижения гордых.

### Песнь степеней, 123

<sup>1</sup> Яко аще не Господь бы был в нас, да речет убо Израиль, <sup>2</sup> яко аще не Господь бы был в нас, вегда востати человеком на ны, убо живых пожерли быша нас, <sup>3</sup> вегда прогневатися ярости их на ны, убо вода потопила бы нас. <sup>4</sup> Поток преjde душа наша, <sup>5</sup> убо преjde душа наша воду непостоянную. <sup>6</sup> Благословен Господь, Иже не даде нас в ловитву зубом их. <sup>7</sup> Душа наша, яко птица избавися от сети ловящих: сеть сокрушися, и мы избавлени быхом. <sup>8</sup> Помощь наша во имя Господа, сотворшаго небо и землю.

Слава:

### Песнь степеней, 124

<sup>1</sup> Надеющиеся на Господа, яко гора Сион: не подвижится в век живый во Иерусалиме. <sup>2</sup> Горы окрест его, и Господь окрест людей Своих отныне и до века. <sup>3</sup> Яко не оставит Господь жезла грешных на жребий праведных, яко да не прострут праведнии в беззакония рук своих. <sup>4</sup> Ублажи, Господи, благия и правыя сердцем. <sup>5</sup>



Уклоняющыяся же в развращения отведёт Господь с делающими беззаконие. Мир на Израиля.

#### Песнь степеней, 125

<sup>1</sup> Всегда возвратити Господу плен Сионь, быхом яко утешени. <sup>2</sup> Тогда исполнишася радости уста наша и язык наш веселия, тогда рекут во языцех: возвеличил есть Господь сотворити с ними. <sup>3</sup> Возвеличил есть Господь сотворити с нами: быхом веселящася. <sup>4</sup> Возврати, Господи, пленение наше, яко потоки югом. <sup>5</sup> Сёюшии слезами, радостию пожнут. <sup>6</sup> Ходящии хождяху и плакахуся, метаяще семена своя, грядуще же приидут радостию, вземлюше рукояти своя.

#### Песнь степеней, 126

<sup>1</sup> Аще не Господь созиждет дом, всуе трудяшася зиждущии. Аще не Господь сохранит град, всуе бде стрегий. <sup>2</sup> Всуе вам есть утревевати, востанете по седении, ядущии хлеб болезни, егда даст возлюбленным Своим сон. <sup>3</sup> Се достояние Господне сынове, мзда плода чревного. <sup>4</sup> Яко стрелы в руке сильного, тако сынове оттрясённых. <sup>5</sup> Блажен, иже исполнит желание своё от них. Не постыдятся, егда глаголют врагом своим во вратех.

#### Песнь степеней, 127

<sup>1</sup> Блажени вси боящиися Господа, ходящи в путех Его. <sup>2</sup> Труды плодов Твоих снеси: блажен еси, и добро тебе будет. <sup>3</sup> Жена твоя, яко лоза, плодовита в странах дому твоего, <sup>4</sup> сынове твои, яко новосаждения масличная, окрест трапезы твоея. <sup>5</sup> Се тако благословится человек бояйся Господа. <sup>6</sup> Благословит тя Господь от Сиона, и узриши благая Иерусалима вся дни живота твоего, <sup>7</sup> и узриши сыны сынов твоих. Мир на Израиля.

#### Песнь степеней, 128

<sup>1</sup> Множицею брашася со мною от юности моея, да речёт убо Израиль: <sup>2</sup> множицею брашася со мною от юности моея, ибо не премогоша мя. <sup>3</sup> На хребте моём делаша грешницы, продолжиша беззаконие своё. <sup>4</sup> Господь Праведен ссече вья грешников. <sup>5</sup> Да постыдятся и возвратятся вспять вси ненавидящи Сиона. <sup>6</sup> Да будут, яко трава на здох, яже прежде восторжения изсше, <sup>7</sup> еюже не исполни руки своея жнй, и недра своего рукояти собирая, <sup>8</sup> и не реша мимоходящи: благословение Господне на вы, благословихом вы во имя Господне.

Слава:

#### Песнь степеней, 129

<sup>1</sup> Из глубины возвах к Тебе, Господи, Господи, услыши глас мой. <sup>2</sup> Да будут уши Твоя внемлюще гласу моления моего. <sup>3</sup> Аще беззакония назириши, Господи, Господи, кто постоит? Яко у Тебе очищение есть. <sup>4</sup> Имене ради Твоего потерпех Тя, Господи, потерпе душа моя в слово Твое, упова душа моя на Господа. <sup>5</sup> От стражи утренния до нощи, от стражи утренния да уповаёт Израиль на Господа. <sup>6</sup> Яко у Господа

милость, и многое у Него избавление, и Той избавит Израиля от всех беззаконий его.

### Песнь степеней, 130

<sup>1</sup> Господи, не вознесётся сердце моё, ниже вознесётся очи мои, ниже ходих в великих, ниже в дивных паче менё. <sup>2</sup> Аще не смиреномудрствовах, но вознесох душу мою, яко отдоёное на мать свою, тако воздаси на душу мою. <sup>3</sup> Да уповает Израиль на Господа, отныне и до века.

### Песнь степеней, 131

<sup>1</sup> Помяни, Господи, Давида и всю кротость его: <sup>2</sup> яко клятса Господеву, обещаюся Богу Иаковлю: <sup>3</sup> аще вниду в селение дому моего, или взыду на одр постели моея, <sup>4</sup> аще дам сон очима моима и веждама моима дремание, и покой скраниама моима, <sup>5</sup> дондеже обрящу место Господеву, селение Богу Иаковлю. <sup>6</sup> Се слышахом я во Евфрафе, обретохом я в полях дубравы. <sup>7</sup> Внидем в селения Его, поклонимся на место, идеже стоясте нозе Его. <sup>8</sup> Воскресни, Господи, в покой Твой, Ты и кивот святыни Твоея. <sup>9</sup> Священники Твой облекутся правдою, и преподобнии Твой возрадуются. <sup>10</sup> Давида ради раба Твоего не отврати лице помазаннаго Твоего. <sup>11</sup> Клятса Господь Давиду истиною и не отвержется ея: от плода чрева твоего посажду на престоле твоём. <sup>12</sup> Аще сохранят сынове твой завет Мой, и свидения Моя сия, имже научу я, и сынове их до века сядут на престоле твоём. <sup>13</sup> Яко избра Господь Сиона, изволи и в жилище Себе. <sup>14</sup> Сей покой Мой во век века, zde вселюся, яко изволих и. <sup>15</sup> Ловитву его благословляяй благословлю, нищия его насыщу хлебы, <sup>16</sup> священники его облеку во спасение, и преподобнии его радостию возрадуются. <sup>17</sup> Тамо возвращу рог Давидову, уготовах светильник помазанному Моему. <sup>18</sup> Враги его облеку студом, на немже процветет святыня Моя.

### Песнь степеней, 132

<sup>1</sup> Се что добро, или что красно, но еже жити братии вкупе? <sup>2</sup> Яко миро на главе, сходящее на браду, браду Аарону, сходящее на ометы одежды его, <sup>3</sup> яко роса Аермонская сходящая на горы Сионския, яко тамо заповеда Господь благословение и живот до века.

### Песнь степеней, 133

<sup>1</sup> Се ныне благословите Господа вси раби Господни, стоящие в храме Господни, во дворах дому Бога нашего, <sup>2</sup> В нощех воздежите руки ваша во святая, и благословите Господа. <sup>3</sup> Благословит тя Господь от Сиона, сотворивый небо и землю

Слава:

#### По 18-й кафисме, Трисвятое

*Таже тропари, глас 2:* Прже даже не осудиши мя, Господи мой, Господи, даждь ми обращение, и исправление многих моих грехов, даждь ми умиление духовное, яко да возопию к Тебе: Благоутробне, Человеколюбче Боже мой, спаси мя.

*Слава:* Несмысленным скотом уподобивыйся аз, блудный, приложихся им: обращение ми даруй, Христе, яко да приму у Тебе велию милость.

*И ныне:* Не отврати, Владычице, лица Твоего от менё, молящагося Тебе, но, яко Благоутробная Мати Щедраго Бога, потщися прже конца обращение мне даровати,

яко да спасёся Тобою, воспою Тя, яко спасёние и упованіе моё, непосрамлённое, Госпожé моя.

Господи, помилуй (40) и молитва:

Господи, да не яростию Твоею обличиши мене, ниже гневом Твоим накажешы мя. Владыко Господи Иисусе Христе, Сыне Бога Живаго, помилуй мя, грешнаго, нищаго, обнажённаго, лениваго, нерадиваго, прекословнаго, окаяннаго, блудника, прелюбодёя, малакия, мужеложника, сквернаго, блуднаго, неблагоприятнаго, немилостиваго, жестокаго, пьяницу, сожжённаго совестию, безличнаго, бездерзновённаго, безответнаго, недостойнаго Твоего человеколюбия, и достойна всякаго мучёния, и геённы, и муки. И не ради множества толиких моих согрешёний множеству подложыши, избавителю, мук; но помилуй мя, яко немощен есмь, и душею, и плотию, и разумом, и помышлёнием, и имже веси судьбами спаси мя, недостойнаго раба Твоего, молитвами Пречыстыя Владычицы нашея Богородицы, и всех святых, от века Тебе благоугождших: яко благословён еси во веки веков, аминь.

## КАФИСМА ДЕВЯТНАДЦАТАЯ

Аллилуиа, 134

<sup>1</sup> Хвалите имя Господне, хвалите, рабы Господа, <sup>2</sup> стоящи во храме Господни, во дворах дому Бога нашего. <sup>3</sup> Хвалите Господа, яко Благ Господь, пойте имени Его, яко добро: <sup>4</sup> яко Иакова избра Себе Господь, Израиля в достояние Себе. <sup>5</sup> Яко аз познах, яко Велий Господь, и Господь наш над всеми боги. <sup>6</sup> Вся елика восхотё Господь, сотвори на небеси и на земли, в морях и во всех безднах. <sup>7</sup> Возводя облаки от последних земли, молнии в дождь сотвори, изводя ветры от сокровищ Своих. <sup>8</sup> Иже порази первенцы Египетския, от человека до скота. <sup>9</sup> Посла знамения и чудеса посреде Тебе, Египте, на фараона и на вся рабы его. <sup>10</sup> Иже порази языки многи и избй царй крепки: <sup>11</sup> Сиона, царя Аморрейска, и Ога, царя Васанска, и вся царствия Ханаанска, <sup>12</sup> и даде землю их достояние, достояние Израилю, людем Своим. <sup>13</sup> Господи, имя Твое в век и память Твоя в род и род: <sup>14</sup> яко судити иматъ Господь людем Своим, и о рабах Своих умолятся. <sup>15</sup> Идоли язык, сребро и злато, дела рук человеческих. <sup>16</sup> Уста имут, и не возлагют, очи имут, и не узрят, <sup>17</sup> уши имут, и не слышат, ниже бо есть дух во устех их. <sup>18</sup> Подобни им да будут творящи я, и вси надеющиеся на ня. <sup>19</sup> Доме Израилев, благословите Господа, доме Ааронъ, благословите Господа, доме Левийин, благословите Господа. <sup>20</sup> Боящиися Господа, благословите Господа. <sup>21</sup> Благословён Господь от Сиона, живый во Иерусалиме.

Аллилуиа, 135

<sup>1</sup> Исповедаетесь Господеви, яко благ, яко в век милость Его. <sup>2</sup> Исповедаетесь Богу богов, яко в век милость Его. <sup>3</sup> Исповедаетесь Господеви господей, яко в век милость Его. <sup>4</sup> Сотворшему чудеса велия единому, яко в век милость Его. <sup>5</sup> Сотворшему небеса разумом, яко в век милость Его. <sup>6</sup> Утвердившему землю на водах, яко в век милость Его. <sup>7</sup> Сотворшему светила велия единому, яко в век милость Его. <sup>8</sup> Солнце во область дне, яко в век милость Его. <sup>9</sup> Луну и звёзды во область ноши, яко в век милость Его. <sup>10</sup> Поразившему Египта с первенцы его, яко в век милость Его, <sup>11</sup> и изведшему Израиля от среды их, яко в век милость Его. <sup>12</sup>

Рукою крепкою и мышцею высокою, яко в век милость Его. <sup>13</sup> Раздѣльшему Чермное море в разделения, яко в век милость Его. <sup>14</sup> И проведшему Израїля посреде его, яко в век милость Его. <sup>15</sup> И истрясшему фараона и силу его в море Чермное, яко в век милость Его. <sup>16</sup> Проведшему люди Своя в пустыни, яко в век милость Его. <sup>17</sup> Поразившему царя вѣлия, яко в век милость Его, <sup>18</sup> и убившему царя крепкия, яко в век милость Его: <sup>19</sup> Сиона, царя Аморрейска, яко в век милость Его, <sup>20</sup> и Ога, царя Васанска, яко в век милость Его. <sup>21</sup> И давшему землю их достояние, яко в век милость Его. <sup>22</sup> Достояние Израїлю, рабу Своему, яко в век милость Его. <sup>23</sup> Яко во смирении нашем помяну ны Господь, яко в век милость Его. <sup>24</sup> И избавил ны есть от врагов наших, яко в век милость Его. <sup>25</sup> Дай пищу всякой плоти, яко в век милость Его. <sup>26</sup> Исповѣдайтесь Богу Небесному, яко в век милость Его.

#### Давиду Иеремием, 136

<sup>1</sup> На реках Вавилонских, тамо седохом и плакахом, вегда помянути нам Сиона. <sup>2</sup> На вербиих посреде его обесихом органы наша. <sup>3</sup> Яко тамо вопросиша ны пленшии нас о словесех пѣсней и ведшии нас о пѣнии: воспойте нам от пѣсней Сионских. <sup>4</sup> Како воспоем пѣснь Господню на земли чуждей? <sup>5</sup> Аще забуду тебе, Иерусалиме, забвена буди десница моя. <sup>6</sup> Прильпни язык мой гортани моему, аще не помяну тебе, аще не предложу Иерусалима, яко в начале веселия моего. <sup>7</sup> Помяни, Господи, сыны Едомския, в день Иерусалимль глаголющия: истощайте, истощайте до оснований его. <sup>8</sup> Дщи Вавилоня окаянная, блажен иже воздаст тебе воздаяние твое, еже воздала еси нам. <sup>9</sup> Блажен иже имет и разбиет младенцы твоя о камень.

Слава:

#### Псалом Давиду, Аггеа и Захарии, 137

<sup>1</sup> Исповѣмся Тебе, Господи, всем сердцем моим, и пред Ангелы воспою Тебе, яко услышал еси вся глаголы уст моих. <sup>2</sup> Поклонюся ко храму святому Твоему и исповѣмся имени Твоему о милости Твоей и истине Твоей, яко возвеличил еси над всем имя Твое святое. <sup>3</sup> Вонже аще день призову Тя, скоро услыши мя: умножиши мя в души моей силою Твоею. <sup>4</sup> Да исповѣдятся Тебе, Господи, вси царие зѣмстии, яко слышаша вся глаголы уст Твоих, <sup>5</sup> и да воспоют в путех Господних, яко вѣлия слава Господня, <sup>6</sup> яко Высок Господь, и смиренныя призирает, и высокая издалеча весть. <sup>7</sup> Аще пойду посреде скорби, живиши мя, на гнев враг моих простерл еси руку Твою, и спасе мя десница Твоя. <sup>8</sup> Господь воздаст за мя. Господи, милость Твоя во век, дел руку Твоею не презри.

#### В конец Давиду, псалом Захарии в разсеянии, 138

<sup>1</sup> Господи, искусил мя еси и познал мя еси. Ты познал еси седание мое и востание мое. <sup>2</sup> Ты разумел еси помышления моя издалеча: <sup>3</sup> стезю мою и уже мое Ты еси изследовал, и вся пути моя провидел еси. <sup>4</sup> Яко несть лести в языке моем: се, Господи, Ты познал еси. <sup>5</sup> Вся последняя и древняя: Ты создал еси мя, и положил еси на мне руку Твою. <sup>6</sup> Удивися разум Твой от мене, утвердися, не возмогу к нему. <sup>7</sup> Камо пойду от Духа Твоего? И от лица Твоего камо бежу? <sup>8</sup> Аще взыду на небо – Ты тамо еси, аще сниду во ад – тамо еси. <sup>9</sup> Аще возму криле мой рано и вселюся в последних моря – <sup>10</sup> и тамо бо рука Твоя наставит мя и удержит мя десница Твоя. <sup>11</sup>

И рех: еда́ тма поперёт мя, и но́щь просвещёние в сла́дости моёй? <sup>12</sup> Яко тма не помрачится от Тебё, и но́щь, яко́ день, просветится, яко́ тма ея́, тако́ и свет ея́. <sup>13</sup> Яко́ Ты созда́л еси́ утробы́ моя́, восприя́л мя еси́ из чре́ва ма́тере моея́. <sup>14</sup> Испове́мся Тебе́, яко́ стра́шно удивил́ся еси́: чу́дна дела́ Твоя́, и ду́ша моя́ знаёт зело́. <sup>15</sup> Не утайся кость моя́ от Тебе́, ю́же сотвори́л еси́ в та́йне, и состав мой в преиспо́дных земли́. <sup>16</sup> Несодёланное моё́ видесте́ о́чи Твоя́, и в кни́зе Твое́й вси напи́шутся, во днех сози́ждутся и никто́же в них. <sup>17</sup> Мне же зело́ че́стни бы́ша дру́зи Твоя́, Бо́же, зело́ утверди́шася влады́чества их. <sup>18</sup> Изочту́ их, и па́че песка́ умно́жатся; воста́х, и е́ще есмь с Тобо́ю. <sup>19</sup> А́ще изби́еши грёшники, Бо́же, му́жие крове́й, уклоните́ся от мене́. <sup>20</sup> Яко́ ревни́ви е́стё в помышлени́их, при́мут в суету́ грады́ Твоя́. <sup>21</sup> Не ненави́дящыя ли Ты, Го́споди, возненави́дех, и о вразёх Твои́х истая́х? <sup>22</sup> Совершенство́ю ненави́стию возненави́дех я́, во враги́ бы́ша ми. <sup>23</sup> Испу́си мя, Бо́же, и уве́ждь се́рдце моё́, истяжи́ мя и разумей́ стези́ моя́, <sup>24</sup> и виждь, а́ще путь беззакония́ во мне, и наста́ви мя на путь ве́чен.

### В ко́нec, псалом Давиду, 139

<sup>1</sup> Изми́ мя, Го́споди, от челове́ка лука́ва, от му́жа неправедна́ изба́ви мя, <sup>2</sup> и́же помысли́ша неправду́ в се́рдце, весь день ополча́ху бра́ни, <sup>3</sup> изостри́ша язы́к свой, яко́ зми́ин, яд а́спидов под устна́ми их. <sup>4</sup> Сохрани́ мя, Го́споди, из ру́ки грёшничя, от челове́к неправедных изми́ мя, и́же помысли́ша за́пяти стопы́ моя́. <sup>5</sup> Скры́ша го́рдия сеть мне, и у́жы препя́ша сеть но́гама мо́йма. <sup>6</sup> При стези́ собла́зны положи́ша ми. <sup>7</sup> Рех Го́сподеви: Бог мой еси́ Ты, внуши́, Го́споди, глас моле́ния моего́. <sup>8</sup> Го́споди, Го́споди, си́ло спасе́ния моего́, осени́л еси́ над главо́ю моёю́ в день бра́ни. <sup>9</sup> Не преда́ждь мене́, Го́споди, от жела́ния моего́ грёшнику: помысли́ша на мя, не оста́ви мене́, да не ко́гда вознесу́тся. <sup>10</sup> Глава́ окру́жения их, труд усте́н их покрывёт я́. <sup>11</sup> Падут на них у́гляя о́гненная, низложи́ши я́ в страсте́х, и не посто́ят. <sup>12</sup> Муж язы́чен не испра́вится на земли́: му́жа неправедна́ зла́я уловя́т во ислёние. <sup>13</sup> Позна́х, яко́ сотвори́т Го́сподь суд ни́щым и месть убо́гим. <sup>14</sup> Оба́че пра́веднии испове́дятся и́мени Твоему́, и вселя́тся пра́вии с лице́м Твои́м.

Слава:

### Псалом Давиду, 140

<sup>1</sup> Го́споди, воззва́х к Тебе́, услы́ши мя: вонми́ гласу́ моле́ния моего́, внегда́ воззва́ти ми к Тебе́. <sup>2</sup> Да испра́вится моли́тва моя́, яко́ кади́ло пред Тобо́ю, воздея́ние руку́ моёю – же́ртва вече́рняя. <sup>3</sup> Положи́, Го́споди, хране́ние усто́м мо́йм, и дверь огражде́ния о устна́х мои́х. <sup>4</sup> Не уклони́ се́рдце моё́ в словеса́ лука́вствия, непщевати́ вины́ о гресе́х, с челове́ки де́лающими беззаконие́, и не сочту́ся со избра́нными их. <sup>5</sup> Нака́жет мя пра́ведник ми́лостию и обличит́ мя, елей́ же грёшнаго́ да не нама́стит главы́ моея́, яко́ е́ще и моли́тва моя́ во благоволе́ниях их. <sup>6</sup> Поже́рты бы́ша при ка́мени суди́и их: услы́шатся глаго́ли мой, яко́ возмо́гоша. <sup>7</sup> Яко́ то́лща земли́ просе́деса на земли́, расточи́шася ко́сти их при а́де. <sup>8</sup> Яко́ к Тебе́, Го́споди, Го́споди, о́чи мой: на Тя упова́х, не отыми́ ду́шу мою́. <sup>9</sup> Сохрани́ мя от се́ти, ю́же состави́ша ми, и от собла́зн де́лающих беззаконие́. <sup>10</sup> Падут во мре́жу свою́ грёшницы: еди́н есмь аз, до́ндеже преи́ду.



Разума Давиду,  
внегда быти ему  
в вертпе молящемуся, 141

<sup>2</sup> Гласом моим ко Господу воззвах, гласом моим ко Господу помолихся. <sup>3</sup> Пролию пред Ним моление мое, печаль мою пред Ним возвещу. <sup>4</sup> Внегда исчезати от мене духу моему: и Ты познал еси стези моя: на пути сем, по немуже хождах, скрѣша сеть мне. <sup>5</sup> Смотрях одесную и возгледах, и не бе зная менѣ: погибе бѣгство от мене, и несть взыскаѣя души мою. <sup>6</sup> Воззвах к Тебѣ, Господи, рех: Ты еси упование мое, часть моя еси на земли живых. <sup>7</sup> Вонми молению моему, яко смирихся зело, избави мя от гонящих мя, яко укрепилася паче мене. <sup>8</sup> Изведи из темницы душу мою, исповедатися имени Твоему. Мене ждут праведницы, дондеже воздаси мне.

Псалом Давиду,  
егда гоняше его  
Авессалом, сын его, 142

<sup>1</sup> Господи, услыши молитву мою, внуши моление мое во истине Твоей, услыши мя в правде Твоей <sup>2</sup> и не вниди в суд с рабом Твоим, яко не оправдится пред Тобою всяк живый. <sup>3</sup> Яко погна враг душу мою, смирил есть в землю живот мой, посадил мя есть в темных, яко мертвыя века. <sup>4</sup> И уны во мне дух мой, во мне смятѣся сердце мое. <sup>5</sup> Помянух дни древния, поучихся во всех делех Твоих, в творениих руку Твоею поучахся. <sup>6</sup> Воздох к Тебѣ рече мой, душа моя, яко земля безводная Тебѣ. <sup>7</sup> Скоро услыши мя, Господи, исчезе дух мой, не отврати лица Твоего от мене, и уподоблюся низходящему в ров. <sup>8</sup> Слышану сотвори мне заутра милость Твою, яко на Тя уповах. Скажи мне, Господи, путь вонуже пойду, яко к Тебѣ взях душу мою. <sup>9</sup> Изми мя от враг моих, Господи, к Тебѣ прибегах. <sup>10</sup> Научи мя творити волю Твою, яко Ты еси Бог мой. Дух Твой Благий наставит мя на землю праву. <sup>11</sup> Имене Твоего ради, Господи, живиши мя, правдою Твоею изведѣши от печали душу мою. <sup>12</sup> И милостию Твоею потребиши враги моя и погубиши вся стужающыя души моей, яко аз раб Твой есмь.

Слава:

**По 19-й кафисме, Трисвятое**

*Таже тропари, глас 7:* Благодаря, славлю Тя, Бже мой, яко всем дал еси грешником покаяние. Спасе, не посрами мене, егда приидеши судити миру всему, срамная дела сотворшаго.

*Слава:* Безмерная Тебѣ прегрешив и безмерных мучений ожидаю, Бже мой, ущедри, спаси мя.

*И ныне:* Ко множеству милости Твоея ныне прибегаю: разреши вериги, Богородице, согрешений моих.

Господи, помилуй (40) и молитва:

Владыко Христе Бже, Иже Страстьми Твоими страсти моя исцеливый и язвами Твоими язвы моя уврачевавый, даруй мне, много Тебѣ прегрешившему, слезы умиления, сраствори моему телу от обоняния животворящаго Тела Твоего, и наслади душу мою Твоею Честною Кровию от горести, еуже мя сопротивник напои. Возвыси мой ум к Тебѣ, долу привлечшийся, и возведи от пропасти погибели, яко не имам покаяния, не имам умиления, не имам слезы утешительныя, возводящия чада ко

своему наследию. Омрачѣхся умомъ в житѣйскихъ страстѣхъ, не могу възрѣти к Тебѣ в болѣзни, не могу согрѣтися слезами, яже к Тебѣ любвѣ, но, Владыко Господи, Иисусе Христѣ, Сокровище Благихъ, даруй мне покаяние всецѣлое, и сердце люботрудное во взысканіе Твое, даруй мне благодать Твою, и обновѣ во мне зраки Твоего образа. Оставихъ Тя, не остави мене, изыди на взысканіе мое, возведи к пажити Твоей, и сопричти мя овцамъ избраннаго Твоего стада, воспитай мя с ними от злака Божественныхъ Твоихъ таинствъ, молитвами Пречистыя Твоея Матере и всехъ святыхъ Твоихъ, аминь.

## КАФИСМА ДВАДЦАТАЯ

Псаломъ Давиду, к Голиафу, 143

<sup>1</sup> Благословенъ Господь Бог мой, научаяй рuce мой на ополчение, персты моя на брань. <sup>2</sup> Милость моя и прибежище мое, Заступник мой и Избавитель мой, Защититель мой, и на Него уповахъ: повинуйай люди моя под мя. <sup>3</sup> Господи, что есть человекъ, яко познался еси ему? Или сынъ человекъ, яко вменяеши его? <sup>4</sup> Человекъ суете уподобися: дние его яко сень преходятъ. <sup>5</sup> Господи, приклони небеса, и сниди, коснися горамъ, и воздымятся. <sup>6</sup> Блесни молнию, и разженеши я, послѣ стрѣлы Твоя, и смятеши я. <sup>7</sup> Послѣ руку Твою с высоты, изми мя и избави мя от водъ многихъ, из руки сыновъ чуждыхъ, <sup>8</sup> ихже уста глаголаша суету, и десница ихъ – десница неправды. <sup>9</sup> Боже, песнь нову воспой Тебѣ, во псалтири десятиструннемъ пою Тебѣ, <sup>10</sup> дающему спасение царемъ, избавляющему Давида, раба Своего, от меча люта. <sup>11</sup> Избави мя, и изми мя из руки сыновъ чуждыхъ, ихже уста глаголаша суету, и десница ихъ – десница неправды. <sup>12</sup> Ихже сынове ихъ яко новосаждения водруженная в юности своей. Дщери ихъ удобрены, преукрашены, яко подобие храма. <sup>13</sup> Хранилища ихъ исполнена, отрывающая от сего в сие, овцы ихъ многоплодны, множащияся во исходищахъ своихъ, волове ихъ толсти. <sup>14</sup> Нестъ падения оплоту, ниже прохода, ниже вопля в стогнахъ ихъ. <sup>15</sup> Ублажиша люди, имже сия суть. Блажени людие, имже Господь Бог ихъ.

Хвала Давиду, 144

<sup>1</sup> Вознесу Тя, Боже мой, Царю мой, и благословлю имя Твое в век и в векъ века. <sup>2</sup> На всякъ день благословлю Тя и восхвалю имя Твое в век и в векъ века. <sup>3</sup> Великий Господь и хваленъ зело, и величию Его несть конца. <sup>4</sup> Род и родъ восхвалятъ дела Твоя и силу Твою возвестятъ. <sup>5</sup> Великолѣпие славы святыни Твоея возглаголютъ и чудеса Твоя поведаютъ. <sup>6</sup> И силу страшныхъ Твоихъ рекутъ и величие Твое поведаютъ. <sup>7</sup> Память множества благодости Твоея отрыгнутъ и правдою Твоею возрадуются. <sup>8</sup> Щедръ и Милостивъ Господь, Долготерпеливъ и Многомилостивъ. <sup>9</sup> Благъ Господь всяческимъ, и щедроты Его на всехъ делехъ Его. <sup>10</sup> Да исповѣдятся Тебѣ, Господи, вся дела Твоя, и преподобнии Твои да благословятъ Тя. <sup>11</sup> Славу Царствия Твоего рекутъ, и силу Твою возглаголютъ, <sup>12</sup> сказати сыновомъ человеческимъ силу Твою, и славу великолѣпия Царствия Твоего. <sup>13</sup> Царство Твое, Царство всехъ вековъ, и владычество Твое во всякомъ роде и роде. Веренъ Господь во всехъ словесехъ Своихъ и Преподобенъ во всехъ делехъ Своихъ. <sup>14</sup> Утверждаетъ Господь вся низпадающия и возставляетъ вся низверженныя. <sup>15</sup> Очи всехъ на Тя уповаютъ, и Ты даеши имъ пищу во благовремении. <sup>16</sup>

Отверзаеши Ты руку Твою и исполняеши всякое животно благоволения. <sup>17</sup> Праведен Господь во всех путех Своих и Преподобен во всех делах Своих. <sup>18</sup> Близ Господь всем призывающим Его, всем призывающим Его во истине. <sup>19</sup> Волю боящихся Его сотворит и молитву их услышит и спасет я. <sup>20</sup> Хранит Господь вся любящия Его и вся грешники потребит. <sup>21</sup> Хвалу Господню возглаголют уста моя, и да благословит всяка плоть имя святое Его в век и в век века.

Слава:

Аллилуиа, Аггеа и Захарии, 145

<sup>1</sup> Хвали, душе моя, Господа. <sup>2</sup> Восхваляю Господа в животе моем, пою Богу моему, дондеже есмь. <sup>3</sup> Не надейтесь на князи, на сыны человеческия, в нихже несть спасения. <sup>4</sup> Изыдет дух его и возвратится в землю свою. В той день погибнут вся помышления его. <sup>5</sup> Блажен, емуже Бог Иаковль Помощник, упование его на Господа Бога своего, <sup>6</sup> сотворшаго небо и землю, море и вся, яже в них, хранящаго истину в век, <sup>7</sup> творящаго суд обидимым, дающаго пищу алчущим. Господь решит окованныя. <sup>8</sup> Господь умудряет слепцы. Господь возводит низверженныя. Господь любит праведники. <sup>9</sup> Господь хранит пришельцы, сира и вдову примет и путь грешных погубит. <sup>10</sup> Воцарится Господь во век, Бог твой, Сионе, в род и род.

Аллилуиа, 146

<sup>1</sup> Хвалите Господа, яко благ псалом. Богови нашему да усладится хваление. <sup>2</sup> Зиждай Иерусалима Господь, разсеяния Израилева соберет. <sup>3</sup> Исцеляяй сокрушенные сердцем и обязуяй сокрушения их. <sup>4</sup> Исчитааяй множество звезд и всем им имена нарицааяй. <sup>5</sup> Велий Господь наш, и велия крепость Его, и разума Его несть числа, <sup>6</sup> Приемляяй краткия Господь, смираяяй же грешники до земли. <sup>7</sup> Начните Господеву во исповедании, пойте Богу нашему в гуслах. <sup>8</sup> Одевающему небо облаки, уготовляющему земли дождь, прозябающему на горах траву и злак на службу человеку, <sup>9</sup> дающему скотом пищу их, и птенцем врановым призывающим Его. <sup>10</sup> Не в силе констей восхощет, ниже в листьях мужеских благоволит. <sup>11</sup> Благоволит Господь в боящихся Его и во уповающих на милость Его.

Аллилуиа, Аггеа и Захарии, 147

<sup>1</sup> Похвали, Иерусалиме, Господа, хвали Бога Твоего, Сионе, <sup>2</sup> яко укрепил верей врат Твоих, благослови сыны твоя в тебе. <sup>3</sup> Полагааяй пределы Твоя мир, и тука пшенична насыщааяй тя. <sup>4</sup> Посылааяй слово Свое земли, до скорости течет слово Его, <sup>5</sup> дающаго снег Свой, яко волну, мглу, яко пепел, посыпающаго, <sup>6</sup> метаящаго голоть Свой, яко хлебы. Противу лица мраза Его кто постоит? <sup>7</sup> Послет слово Свое, и истает я, дхнет дух Его, и потекут воды. <sup>8</sup> Возвещаяяй слово Свое Иакову, оправдания и судьбы Своя Израилеви. <sup>9</sup> Не сотвори тако всякому языку, и судьбы Своя не яви им.

Слава:

Аллилуиа, Аггеа и Захарии, 148

<sup>1</sup> Хвалите Господа с небес, хвалите Его в вышних. <sup>2</sup> Хвалите Его, вси Ангели Его, хвалите Его, вся силы Его. <sup>3</sup> Хвалите Его, солнце и луна, хвалите Его, вся звезды и свет. <sup>4</sup> Хвалите Его Небеса небес и вода, яже превыше небес. <sup>5</sup> Да восхвалят имя

Господне: яко Той рече, и быша, Той повеле, и создашася. <sup>6</sup> Поста́ви я́ в век и в век ве́ка, повеле́ние положи́, и не мимо́ идет. <sup>7</sup> Хвали́те Го́спода от земли́, зми́еве и вся бѣздны: <sup>8</sup> огонь, град, снег, го́лоть, дух бу́рен, творя́щая сло́во Его́, <sup>9</sup> го́ры и вси хо́лми, древа́ плодоно́сна и вси ке́дри, <sup>10</sup> зве́рие и вси ско́ти, га́ди и пти́цы перна́ты. <sup>11</sup> Ца́рие зѣмстии и вси лю́дие, кня́зи и вси суди́и зѣмстии, <sup>12</sup> ю́ноши и де́вы, ста́рцы с ю́нотами <sup>13</sup> да восхва́лят и́мя Господне, яко́ вознесѣся и́мя Того́ Еди́наго, испове́дание Его́ на земли́ и на небесѣх. <sup>14</sup> И вознесѣт рог люде́й Свои́х, песнь всем преподо́бным Его́, сыновомъ Изра́иловым, лю́дем, приближа́ющимся Ему́.

#### Аллилуиа, 149

<sup>1</sup> Воспойте Го́сподеви песнь но́ву, хвалѣние Его́ в це́ркви преподо́бных. <sup>2</sup> Да возвеселится Изра́иль о Сотвор́шем его́, и сы́нове Сио́ни возра́дуются о Царе́ своемъ. <sup>3</sup> Да восхва́лят и́мя Его́ в лице, в тимпа́не и псалти́ри да пою́т Ему́. <sup>4</sup> Яко́ благово́лит Го́сподь в лю́дех Свои́х, и вознесѣт кро́ткия во спасѣние. <sup>5</sup> Восхва́лятся преподо́бнии во сла́ве и возра́дуются на ло́жах свои́х. <sup>6</sup> Возноше́ния Бо́жия в гортани́ их, и мечи́ обою́ду остры́ в рукахъ их: <sup>7</sup> сотвори́ти отмще́ние во язы́цех, обличѣния в лю́дех, <sup>8</sup> связа́ти ца́ри их пу́ты, и сла́вныя их ручны́ми око́вы желе́зными, <sup>9</sup> сотвори́ти в них суд на́писан. Сла́ва сия́ бу́дет всем преподо́бным Его́.

#### Аллилуиа, 150

<sup>1</sup> Хвали́те Бо́га во святы́х Его́, хвали́те Его́ во утвержде́нии си́лы Его́. <sup>2</sup> Хвали́те Его́ на си́лах Его́, хвали́те Его́ по мно́жеству вели́чества Его́. <sup>3</sup> Хвали́те Его́ во гла́се тру́бнем, хвали́те Его́ во псалти́ри и гу́слех. <sup>4</sup> Хвали́те Его́ в тимпа́не и лице, хвали́те Его́ во стру́нах и орга́не. <sup>5</sup> Хвали́те Его́ в кимва́лех доброгласныхъ, хвали́те Его́ в кимва́лех восклицания́. <sup>6</sup> Вся́кое дыха́ние да хва́лит Го́спода.

Слава, и ныне: Аллилу́иа.

Сей псаломъ особъ писан, Давидов, и вне числа 150 псалмов, внегда единоборствоваше на Голиафа

Мал бех в бра́тии мое́й и ю́нший в до́му отца́ моего́, пасо́х о́вцы отца́ моего́. Ру́це мои́ сотвори́сте орга́н, и пе́рсты мои́ соста́виша псалти́рь. И кто возвеститъ Го́сподеви моему́? Сам Го́сподь, Сам услы́шит. Сам посла́ Ангела Своего́, и взят мя от овецъ отца́ моего́, и пома́за мя елеемъ пома́зания своего́. Бра́тия моя́ добри́ и вели́цы, и не благово́ли в них Го́сподь. Изыдо́х в срѣтение иноплеме́ннику, и прокля́т мя идо́лы свои́ми. Аз же, исторгну́в меч от него́, обезгла́вих его́, и отъя́х поноше́ние от сыно́в Изра́иловыхъ.

#### По 20-й кафисме, Трисвятое

*Таже тропари, глас 8:* Исполнение всехъ бла́гихъ Ты еси́, Христе́ мой, исполни ра́дости и весѣ́лия ду́шу мою́, и спаси́ мя, яко́ Еди́н Многоми́лостивъ.

*Слава:* Аще и согреши́х, Христе́ Спа́се мой, предъ Тобо́ю, ино́го Бо́га ра́зве Тебе́ не вемъ, дерза́ю же на Твое́ благоутро́бие, обраща́ющагося приими́ мя, Благоутро́бне Отче и Сы́не единоро́дне и Ду́ше Святы́й, яко́ блу́днаго сы́на, и спаси́ мя.

*И ныне:* Ино́го прибе́жища и те́плого предста́тельства, ра́зве Тебе́, не вемъ, яко́ дерзнове́ние иму́щи ко иже из Тебе́ ро́жденному, Влады́чице, помози́ и спаси́ мя, раба́ Твоего́.

Господи, помилуй (40) и молитва

Господи Иисусе Христе Боже мой, помилуй мя, грешного, и прости ми, недостойному рабу Твоему, елика Ти согреших чрез все живота моего время, и даже до днесь, и аще что яко человек согреших, вольная моя прегрешения и невольная, делом и словом, яже умом и мыслию, яже от совосхищения и невнимания, и многия моея лености и небрежения. Аще же именем Твоим кляхся, аще же лжекляхся, или хулих мыслию, или кого укорих, или оклеветал, или опечалих, или в нечесом прогневах, или окрадох, или блудствовах, или солгах, или тайно ядох, или друг достиже ко мне, и презрех его, или брата оскорбих и преогорчих, или стоящу ми на молитве и псалмопении, ум мой лукавый на лукавая обхождаше, или паче лепаго насладихся, или безумно смеяхся, или кощунно глаголах, или тщеславихся, или гордихся, или доброту светную видех и от нея прельстихся, или нелепая мне поглумихся. Аще в чесом о молитве моей нерадих, или заповедей духовнаго моего отца не сохраних, или празднослових, или ино что лукавое сотворих, сия бо вся и вьящая сих содеях, ихже ниже помню. Помилуй, Господи, и прости ми вся, да в мире усну и почию, поя, и благословя, и слава Тя, со Безначальным Твоим Отцем и с Пресвятым, и Благим, и Животворящим Твоим Духом, ныне и присно и во веки веков. Аминь.

## МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ

По совершении же неких кафисм  
или всей Псалтири

Достойно есть: *или* О Тебе радуется... Трисвятое. *И по* Отче наш.

Тропари, глас 6:

Помилуй нас, Господи, помилуй нас, всякаго бо ответа недоумюще, сию Ти молитву, яко Владыце, грешнии приносим: помилуй нас.

*Слава:* Честное пророка Твоего, Господи, торжество, Небо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуиа.

*И ныне:* Многая множества моих, Богородице, прегрешений: к Тебе прибегах, Чистая, спасения требую. посети немощствующую мою душу и моли Сына Твоего и Бога нашего дати ми оставление, яже содеях лютых, едина Благословенная.

*Таже,* Господи, Помилуй (40). *И поклонов, елико мощно, с молитвою* Господи и Владыко живота моего...

*Посем глаголи молитву сию со вниманием:*

Многомилостиве и Премилостиве Господи и всего добра Дателю, Человеколюбче, и всея вселенная Царю, многоименитый Владыко и Господи! Нищ и убог есмь аз, дерзаю призывати чудное и страшное, и святое имя Твое, егже вся тварь Небесных сил страхом трепещут. Низу на земли неизреченнаго Твоего человеколюбия смотрение удивил еси, посланием возлюбленнаго Твоего Отрока, Егже от безначальных недр Твоея Отческия славы, неразлучным Божеством отрыгнул еси, да человеки со Ангелы во един состав устроит. Помяни, Господи, моего уныния смирение, кал сый и персть, Тебе, неизглаголаннаго Света призываю, немощию плоти обложен, юже милостивне слово Твое понесё, и смертью Своею от работы вражия свободил есть души наша, да общники вся, иже верою ярём работы Твоея на ся



взѣмшыя, славы Твоея сподобит их, от неяже сатана льстивый отпадѣ. Помилуй мя, омраченнаго греховными помысли, возведи ум мой удавленный тернием лени и лядиною непокорства. Утверди сердце мое по Тебѣ горети, очима моима источник слез послѣ, и на конец исхода души моея сотвори мя безпорочна Твоего угодника, наставляя мя к Тебѣ подвизатися усердно. Помяни, Господи, родители моя милосердием Твоим и вся ближняя моя, и братию, и други, и сосѣды, и вся православныя христианы, и спаси мя молитвами всех святых. И прими в честь сия псалмы и молитвы, яже глаголах пред Тобою за ся, и немѣрзко Ти буди с воздыханием молѣние сие, яко милостив Сый и Человеколюбец, и Тебѣ Безначальнаго Отца славим со Единородным Твоим Сыном и со Святым Духом, ныне и присно, и во веки веков. Аминь.

*Посем Честнейшую Херувим... Слава, и ныне. Господи, помилуй (трижды).  
Благослови.*

*Аще иерей, кончает священнически, аще ли простый, кончает сице:*

Господи Иисусе Христе, Сыне Божий, молитв ради Пречистыя Твоея Матере, силою Честнаго и Животворящаго Креста и святых Небесных сил безплотных, и преподобных и богоносных отец наших, и Святаго пророка Давида, и всех святых, помилуй и спаси мя, грешнаго, яко Благ и Человеколюбец.

*Аминь.*

# Оглавление

МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ.....	1
КАФИСМА ПЕРВАЯ.....	2
КАФИСМА ВТОРАЯ.....	5
КАФИСМА ТРЕТЬЯ.....	8
КАФИСМА ЧЕТВЕРТАЯ.....	12
КАФИСМА ПЯТАЯ.....	16
КАФИСМА ШЕСТАЯ.....	19
КАФИСМА СЕДЬМАЯ.....	23
КАФИСМА ВОСЬМАЯ.....	27
КАФИСМА ДЕВЯТАЯ.....	31
КАФИСМА ДЕСЯТАЯ.....	35
КАФИСМА ОДИННАДЦАТАЯ.....	39
КАФИСМА ДВЕНАДЦАТАЯ.....	43
КАФИСМА ТРИНАДЦАТАЯ.....	47
КАФИСМА ЧЕТЫРНАДЦАТАЯ.....	51
КАФИСМА ПЯТНАДЦАТАЯ.....	54
КАФИСМА ШЕСТНАДЦАТАЯ.....	57
КАФИСМА СЕДМНАДЦАТАЯ.....	60
КАФИСМА ВОСЕМНАДЦАТАЯ.....	64
КАФИСМА ДЕВЯТНАДЦАТАЯ.....	68
КАФИСМА ДВАДЦАТАЯ.....	72
МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ.....	75